



Crisis Theologica

Cárdenes, Juan de

Sevilla, 1687

Cap. VI. Discutitur, quænam opiniones in vi huius decreti à praxi
excludendæ sunt circa Sacramentu[m] Pœnitentiæ.

[urn:nbn:de:hbz:466:1-75689](https://nbn-resolving.de/urn:nbn:de:hbz:466:1-75689)

dinem, & traditionem Ecclesiae de
de obligatione proferendi ea omnia
verba in consecratione calicis. Vide
quæ dixi in 2. part. Cris. Theolog.
disputat. 23. cap. 5. art. 1. num. 62.

CAPVT V.

Discutitur, quenam opiniones in
vi huius decreti a praxi ex-
cludendæ sunt circa Sacra-
mentum Pœnitentiæ.

ARTICVLVS I.

*Quid de opinione admittente Sa-
cramentum Pœnitentiæ vali-
dum, & informe?*

SVMMARIVM.

*Quid sit Sacramentum validum, &
informe? n. 48.*

*Quinque dubitationes de Sacramento
valido informi proponuntur. n. 59.*

*Sacramentum potest esse validum, &
informe defectu attritionis extensi-
vae. n. 50.*

*Opinio docens posse deduci ad praxim,
sententiam de Sacramento valido
informi defectu attritionis extensi-
vae non subiacet huic damnationi. n.
53.*

*Opinio docens posse dari confessionem
validam informem ex defectu doloris
efficacis ob ignorantiam invinci-
bilem, est mihi dubia probabilitatis;
sed si probabilis est quoad praxim,
non subiacet damnationi. n. 54.*

*Opinio de confessione valida informi ex
defectu doloris efficacis cum igno-
rancia mortaliter culpabili est im-
probabilis. n. 55.*

*Quod si illa opinio intelligatur tam-
quam afferens, in illa confessione
non peccari contra valoreum Sacra-
mentum. n. 56.*

menti, subiicitur huic damnationi.

n. 56.

*Idem dicendum est de confessione vali-
da informi ex defectu integritatis
cum ignorantia mortaliter culpabi-
li. n. 57.*

*Opinio de confessione valida informi
ex defectu examinis cum ignorantia
invincibili, probabilis est, non subit
hanc damnationem. n. 58.*

48. **Q**uid sit Sacramentum va-
lidum & informe, constat
ex dictis in 3. part. Cris. Theolog. disp.
70. cap. 1. art. 1. n. 1. nihil aliud esse,
nisi Sacramentum constitutum ex om-
nibus suis partibus essentialibus, &
destitutum effectu gratiae propter de-
fectum dispositionis in recipiente.

49. Et quidem in hac quæstione
de Sacramento Pœnitentiæ valido in-
formi multiplex dubitatio contine-
tur. Prima est de Sacramento valido
informi defectu attritionis extensivæ,
in quo invenitur atritio de uno pec-
cato lœthali, & deficit atritio de alio
peccato lœthali. De quo tamquam
probabili dixi in ea disp. 70. cap. 1.
art. 2. Secunda est de confessione va-
lida informi ex omnimodo defectu
doloris efficacis, qui defectus proce-
dat ex ignorantia invincibili. De quo
tractavi in ea disp. 70. cap. 2. Tertia
est de Sacramento valido & informi
ex defectu doloris efficacis ob ig-
norantiam mortaliter culpabilem.
De quo egi in ea disp. 70. cap. 3. Quar-
ta est de confessione valida informi
ex defectu integritatis, cum igno-
rancia mortaliter vincibili. De quo egi
disp. 72. Quinta est de confessione va-
lida informi ex defectu integritatis
cum ignorantia invincibili. De quo
tractavi disp. 73.

50. Circa primam dubitationem
dixi loco citato, probabile esse dari
confessionem validam informem de-
fectu attritionis extensivæ, ita quod si
Pe-

Petrus commisit duo peccata lethalia adulterij, & furti, & vadens ad confessionem, confessus est adulterium, & invincibiliter oblitus est furti, & habet attritionem, non generalem omnium peccatorum, sed specialem de illo adulterio, quod confitetur propter eius turpitudinem, & habet propositum vniuersale non peccandi lethaliter in posterum; non obtinet fructum Sacramenti, quia illa attrito non extenditur ad peccatum furti, cuius obliviscitur; & ubi peccatum non retractatur, non dimittitur. Ex altera vero parte Sacramentum Pœnitentiae est validum, quia habet omnes suas partes essentiales, nempe dolorem de peccato, quod confitetur, & propositum vniuersale non peccandi lethaliter, & confessionem omnium, quorum recordatur.

51. Inquiritur ergo, an incurrat damnationem contentam in hoc decreto propositio docens, licitum esse deducere ad praxim praefatam opinionem de Sacramento informi ob defectum attritionis extensivæ? Et ratio dubitandi est: quia opinio docens validum esse Sacramentum, est opinio minus tuta; & illa quidem procedit circa valorem: atqui hoc decreto damnatur opinio docens, esse licitum sequi opinionem minus tutam circa valorem Sacramenti; ergo damnatur opinio docens, quod possumus sequi in praxi eam opinionem.

52. Pro cuius rei claritate suppono, illud Sacramentum Pœnitentiae informe, de quo loquitur casus iste, numquam fieri advertenter; quia casus iste consistit in eo, quod pœnitens non advertit ad illud peccatum lethale, quin potius obliviscitur illius. Atque adeo opinio, quæ dicit, licitum esse usum eius opinionis, non dicit illud numero Sacramentum informe posse licite exerceri. Est enim peccatum mortale conferre, vel recipere

advertisenter Sacramentum informe. Nunc ergo docet ea opinio practica, quod pro Sacramento Pœnitentiae subsequenti prodest ferre iudicium, quod illud Sacramentum informe validum fuerit, ne cogatur pœnitens iterum confitetur illud peccatum, quod in illo Sacramento informi confessus est.

53. Afferro ergo hoc iudicium factum de ea confessione informe tamquam valida, non subiacere huic damnationi propter duo. Primum, quia damnatio procedit de opinione adstruente valorem Sacramenti circa confarendum illud numero Sacramentum, de cuius valore datur opinio minus tuta: atqui opinio docens, possit nos in praxi sequi eam opinionem de valore Sacramenti informis, non loquitur de illo numero Sacramento, quod dicit esse validum, sed de subseciente, in quo afferuntur informitas. Secundum, quia illa secunda confessio, in qua homo iam recordatus illius furti oblii confitetur illud cum contritione, sive attritione de illo, nullo modo exponitur frustrationi, neque circa illam secundam confessionem datur opinio minus tuta circa valorem eius. Nam omnino certum debet esse, illam secundam confessionem fieri valide: quia per inde est tacere peccatum ex obliuione invincibili, ac illud tacere, propter opinionem vere probabilem, quod nulla est obligatio illud confitendi: hæc enim utraque confessio fit bona fide. At quando quis invincibiliter obliviscitur peccati in confessione, si habeat contritionem, quæ extendatur ad illud, consequitur fructum Sacramenti: ergo illa secunda confessio modo explicato facta secundum opinionem practice probabilem consequitur fructum Sacramenti, atque adeo circa illam non datur usus opinionis minus ruitæ quo ad valorem illius. Et ex dictis patet ad rationem dubitandi.

Quod

54. Quod attinet ad secundam dubitationem de confessione valida informi ob defectum doloris efficacis ex ignorantia invincibili , dixi loco citato,eius opinionis probabilitatem mihi esse dubiam;atque adeo tamquā in dubio praktico tutiorem partem, eligendam esse. Sed esto,sit probabilis propter magnorum virorum autoritatē,quos loco citato reruli. De hac opinione idem iudicium ferendum est, ac in proxime præcedente. Nam opinio docens, illam doctrinam licite posse reduci ad praxim , non dicit licitum esse facere advertenter confessionem informem cum eo defectu doloris efficacis, sed solum dicit,quod confessio subsequens associata iam dolore efficaci, ita potest fieri, vt nulla sit obligatio iterum confitendi peccata exposita in confessione informi. Ex quo ista secunda confessio non exponitur frustrationi propter proxime dicta.

55. Circa terriam dubitationem de confessione valida , & informi ex defectu doloris efficacis ob ignorantiam mortaliter culpabilem,dixi loco citato, eam esse improbabilem iuxta mentem gravissimorum Theologorum, & vt minimum , esse dubiæ probabilitatis, atque adeo de illa esse dumum practicum , in quo tuior pars eligenda est.

56. Affero ergo, si illa esset probabilis: distinguendum esse. Nam quando dicit, posse deduci ad praxim, vel loquitur solum de confessione subsequenti habente iam dolorem efficacem, vel loquitur etiam de prima confessione, afferens in illa non peccari contra valorem Sacramenti. Primo modo non subiacet damnationi propter proxime dicta. Secundo autem modo subiacet damnationi , quia est opinio minus tuta circa valorem eiusdem numero Sacramenti, quod in prima confessione dicit esse validum,

& in ea non peccari contra valorem Sacram enti.

57. Circa quartam dubitationem de confessione valida , & informi ex defectu integritatis ob ignorantiam mortaliter culpabilem dixi in ea disp. 72. cap. 1. num. 5. eam opinionem,vt minimū,esse dubiæ probabilitatis practicæ atque adeo circa eā esse dubium practicum, in quo tuior pars eligenda est. Affero ergo, si illa esset probabilis; decidendam esse hanc dubitationem sub eadem distinctione,ac proxime præcedentem propter easdem rationes

58. Circa quinta dubitationem de confessione informi ex defectu examinis cum ignorantia invincibili dixi disp. 73. cap. 2. num. 4. esse dubiæ probabilitatis, atque adeo de numero illarum , in quibus omnia tuior pars eligenda est. Sed dato quod illa censeatur vere probabilis, inquiritur , an illa vt pote minus tuta circa valorem Sacramenti , subiaceat huic damnationi? Dicendum est, illam non subiacere,quia non affirmat , licitum esse practice , facere illam confessionem informem, sed solum prodest ad hoc , vt si in confessione subsequenti advertatur defectus, nulla sit obligatio repetendi illa peccata , quæ in priori confessione informi rite declarata sunt. Et ratio est : quia ex una parte loquitur de lito vsu prioris confessionis; ex altera vero non exponet periculo frustrationis illam subsequentem confessionem ; propter supradicta.



AR-

ARTICVLVS II.

Quae opiniones in vi huius Decreti excludendæ sunt a praxi circa dolorem requisitum in confessione?

SVMMARIVM.

Sententia affirmans, sufficere attritionem ad valorem, & fructum Sacramenti Pænitentia, non subiacet huic damnationi. Et eam esse certam probatur ex Tridentino. n. 61.

Tridentinum loquitur de attritione tanquam de dispositione proxima ad iustificationem. n. 62.

Quod attrito debeat continere aliquam dilectionem Dei censem Lovanienses aliqui, & Alexander VII. praecipit, quod nullus afficiat censura eam opinionem, aut oppositam. n. 63.

Sed id non obstat nostræ sententiae. n. 64.

An in articulo mortis requiratur contritio perfecta pro valore, & efficacia Sacramenti. n. 65. & seqq.

Opinio, que docet sufficere attritionem dummodo sit cognita ut contritio, non versatur circa valorem Sacramenti, & ideo opposita opinio non subiacet huic damnationi. n. 67. & seqq.

Reservatur opinio docens, sufficere attritionem ex metu panarum temporali. n. 70.

Hec opinio speculative, est probabilis, & vt talis non subiacet damnationi. n. 71.

An si doceat, posse deduci ad praxim, subiiciatur huic damnationi, & quomodo? n. 72.

Si vero applicetur dolori requisito ad Baptismum, non ei subiicitur. n. 73.

Opinio docens non requiri novum dolo-

rem, cum quis confiteatur peccata olim confessa. n. 74.

Opinio negans, requiri novum dolorem ad novam confessionem eorum, que iam confessa sunt, speculative sumpta non subiacet damnationi. n. 75.

Si vero dicatur posse deduci ad praxim subiacet. n. 76.

Opinio docens, ad confessionem venialium sufficere dolorem virtuale, qui includitur in voluntate confitendi. n. 77.

Illa speculative sumpta non subiacet damnationi. n. 78.

Si vero dicatur illam posse deduci ad praxim, subiacet. n. 79.

Propositum virtuale quod continetur in contritione, vel attritione ex motivo universalis sufficit ad Sacramentum. Et hac sententia non subiacet damnationi. n. 80.

Opinio docens in confessione venialium sufficere attritionem, non de omnibus, sed de aliquibus. n. 81.

Ea sententia, etiam in ordine ad praxim, non subest huic damnationi. n. 83.

Opinio docens, validum & fructuosum esse Sacramentum Pænitentia, etiam si contritio multo tempore antecedat. n. 85.

Si aliquanto brevi tempore precedat contritio, certum est, esse validum, & fructuosum. n. 86.

Vt moraliter coniungatur cum confessione contritio tempore antecedens requiritur, quod ea contritio referatur ad confessionem futuram. n. 87.

Si ino, vel duobus diebus ante confessionem precedat contritio ordinata ad confitendum, valida, & fructuosa est confessio: & hac sententia etiam in ordine ad praxim non subest huic damnationi. n. 88.

Duplex modus explicandi permanentiam virtualem contritionis: alter qua-

*quatenus elicitur, & non revocatur
alter, quatenus continetur in aliquo
effectu praesenti. n. 89. & seqq.*

*Certum est sufficere virtualem per-
manentiam contritionis. Ideo hac
sententia non subiicitur damnatio-
ni. n. 91.*

*Dummodo dolor præcesserit brevi tem-
pore ad confessionem. n. 93.*

59. **C**um dolor de peccatis sit pars essentialis Sacra-
menti Poenitentiae, opi-
niones, quæ circumferuntur circa do-
lorem requisitum ad hoc Sacra-
mentum, versantur circa valorem Sacra-
menti; cum Sacramentum sine sua
parte essentiali non possit esse validum.
Ex quibus opinionibus proba-
bilibus illa, quæ negat valorem Sacra-
menti, pro praxi tutior est; & quæ af-
firmat, minus tuta.

QVÆSTIO I.

*De attritione sufficiente ad Sa-
cramentum Poenitentiae.*

60. **I**nquiritur ergo primo, an sen-
tentia docens, attritionem
sufficere ad Sacramentum
Poenitentiae, neque requiri contritionem
perfectam, subiaceat huic dam-
nationi. Et ratio dubitandi est: quia
opposita opinio afferens, ad valorem
Sacramenti non sufficere attritionem,
sed requiri contritionem perfectam, est
opinio tutior circa valorem: sed dam-
natur hoc decreto opinio docens, non
esse eligendum in praxi tutiorem cir-
ca valorem Sacramenti: ergo opinio
quæ stat pro attritione in praxi admit-
tenda, damnatur hoc decreto.

61. Dicendum tamen est, eam sen-
tentiam affirmativam de sufficientia
attritionis non subiacere huic dam-
nationi. Ratio est: quia decretum lo-

quitur de opinionibus mere probabi-
libus; hæc autem doctrina non est me-
re probabilis, sed omnino certa, & in-
dubitabilis, propter definitionem
Concilij Tridentini sess. 14. cap. 4. in
hæc verba: *Quamvis sine Sacramento
Poenitentia per se perducere peccatorem
ad iustificationem nequeat; tamen eum
ad Dei gratiam in Sacramento impe-
trandam disponere.* In quibus verbis
expressè afferit, aliter disponere attritionem
intra Sacramentum, & extra;
dixit enim, extra Sacramentum non
perducere peccatorem ad iustificationem;
intra Sacramentum vero disponere
peccatorem ad illam.

62. Quod autem loquatur Con-
cilium de dispositione proxima & im-
mediata, patet: constat enim, attritionem
extra Sacramentum disponere
remote ad iustificationem. Videatur
P. Suarez tom. 4. in 3. part. disp. 20. *Suarez*
seçt. 1. concl. 1. n. 10. vbi sic scribit:
[Hanc conclusionem existimo hoc
tempore adeo certam, ut non possit
absque errore negari.] Et pro eadem
conclusione citat S. Thomam in 4.
dist. 17. quæst. 3. art. 5. quæstiunc. 1. *S. Thom.*
& pluribus alijs in locis. Item Sotum, *Sotus,*
Paludanum, Capreolum, Adrianum, *Palud.*
S. Antoninum, Silvestrum, Ruardum, *Capreol.*
& Canum; cum ergo hæc sententia sit *Adrian.*
omnino certa, non potest dici esse mi- *S. Anton.*
nus tutus circa valorem, atque adeo il- *Sylvest.*
lano comprehenditur sub ea damna- *Ruard.*
tione. *Canus.*

63. Dices primo, plures Docto-
res Lovanienses censem, Concilium
Tridentinum in eo loco agere de
attritione, quæ includit aliquam dile-
ctionem Dei super omnia: circa quam
assertionem magna controversia ex-
orta est tum Lovaniij, tum etiam in
alijs Galliæ Academijs: de quo viden-
dus est P. Honoratus Fabri in Apolo- *Honorat.*
getico tract. de attritione per totum;
adeo ut Alexander VII. decretum ex-
pedierit datum die 5. Maij ann. 1667.

L. in

in quo præcipit, quod nullus audeat afficere censura Theologica, altera ve iniuria, aut contumelia opinionem affirmativam, aut negativam: ergo Pontifex relinquit in statu probabilitatis doctrinam, quæ affirmat sufficere attritionem ad Sacramentum Pœnitentia, etiam si attritio non includat dilectionem Dei super omnia. Qua autem doctrina est mere probabilis, non est certa. Falso ergo diximus esse certam, & omnino tutam in praxi.

64. Respondeo non obstante ea opinione Lovaniensium, nostram doctrinam esse certam, & omnino tutam propter supradicta. *Quod autem Pontifex iusserit, neutram quæstionis partem censurari, aut iniuria affici, non probat, illam esse probabilem:* quia solum contendit Pontifex compescere dissidia, quæ violent charitatem, & pacem, ut constat ex illis verbis Decreti: *Enixe cupiens, pacis vinculum inter fideles servari, omnem fisciu& fomitem extingui.* Idque præcipit, donec ab hac Santa Sede fuerit aliquid hoc in re definitum. Ex quo minime infertur, nostram doctrinam esse incertam, sed solum voluisse Pontificem consulere paci fidelium; & relinquere hanc materiam sub indice. Cum hoc tamen stat, quod privati Doctores habeant principia certa ab intrinseco.

65. Dices secundo. In articulo mortis non sufficit attritio, sed requiritur etiam contritio perfecta: sed si attritio esset certo sufficiens ad Sacramentum Pœnitentia, etiam sufficeret in articulo mortis: ergo illa non est certo sufficiens. Maiores propugnant aliqui Doctores, quos resert Diana part. 3. tract. 4. resolut. 78. quamvis perperam citet pro ea Suarium, ut notavi in 2. part. Cris. Theolog. disp. 49. num. 7.

66. Respondeo, in articulo mortis pro valore, & efficacia Sacramenti

non requiri contritionem perfectam, sed sufficere attritionem. Ex alio autem capite requiri contritionem perfectam, & charitate formatam: quia cum homo in eo articulo non sit certus, eam attritionem super naturalem, qualis requiritur ad Sacramentum, a se esse elicitam; actus vero dilectionis Dei super omnia reddat illum omnino securum pro salute æterna consequenda. ideo ad hanc securitatem requiritur contritio charitate formatam; maxime cum non habeat omnimodam evidentiam, aut certitudinem de valore sui Baptismi, neque de valore Ordinis Sacerdotis illum absolvientis. Quæ omnia latæ tradidi in ea disp. 49. citata cap. 4. à num. 30.

67. Dices tertio, probabilis est ea saltem opinio, quæ docet, quamvis ad valorem, & fructum Sacramenti sufficiat attritio, illam tamen requiri cognitam ut contritionem, id est, quod homo tenetur conari ad contritionem; quod si nitens habere contritionem, solum eliciat attritionem, validum, & fructuosum esse Sacramentum: ergo hæc opinio de attritione cognita ut tali deducenda ad proxim, exponit Sacramentum periculo frustrationis: ergo subit hanc damnationem,

68. Respondeo, eam opinionem esse probabilem propter authoritatem magnorum virorum, qui eam defendunt; illam tamen non versari circa valorem Sacramenti, sed circa licitum. Concedit enim quod accedens bona fide cum attritione recipit Sacramentum validum, & fructuosum. Cum ergo hæc damnatio loquatur solum de opinione minus tuta circa valorem, & hæc non versetur circa illum, non subit talem damnationem.

QVÆS.

Diana.

QUÆSTIO II.

De attritione ex metu pœnaru[m] temporalium.

69. Inquiritur secundo. An opinio quæ docet, licitum esse, quod quis in confessione vtatur attritione ex timore pœnarum temporalium, quæ à Deo tamquam à delictorum vindice infliguntur; an hæc, in quam, opinio subiacet huic damnationi?

70. Et quidem plures, & gravissimi sunt Doctores, qui dicunt, eam attritionem modo explicato concepat, esse sufficientem ad valorem, & effectum Sacramenti. Ita P. Suarez tom. 4. in 3. part. disp. 7. seft. 2. num. 15. P. Lessius 3. part. quæft. 1. dub. 5. n. 18. qui afferit, hoc esse satis probabile. Item P. Granado, P. Gaspar Hurtado, P. Reginaldus, Lugo Card. Mag. Candidus, M. Prado, & plures alii, quos refert, & sequitur doctissimus P. Mathæus de Moya diligens indagator mentis Authorum, tom. 1. selectar. tract. 3. disp. 9. quæft. 4. Quia tamen non desunt authores, qui cum modum attritionis negant esse sufficientem; & opinio affirmativa non ntit fundamento infallibiliter certo, sed solum satis probabili, ut supra notavi ex P. Lessio, & ego tamquam probabile obiter docui 3. part. Cris. Theol. disp. 71. cap. 1. num. 2. Ideo refutat inquirere, an & quomodo hæc opinio subiacet huic damnationi?

71. Dico primo. Hæc opinio de attritione ex timore pœnarum temporalium modo explicato speculative sumpta, quatenus docet validum esse

illud Sacramentum, non subiacet damnationi. Patet: quia hoc decretum non damnat opiniones speculativas circa valorem Sacramenti, quin potius supponit illas esse probabiles, & gravibus fundamentis iniexas.

72. Dico secundo. Si hæc sententia doceat, esse licitum deducere ad praxim id genus attritionis, ita ut dicatur esse licitum confitei advertenter cum ea sola attritione (quod non afferunt Authores huius opinionis) subiacet damnationi. Patet conclusio. Illa opinio subiacet huic damnationi, quæ versatur circa valorem Sacramenti, & est minus tuta, docetque licitum esse eam deducere ad praxim: sed hæc opinio de tali attritione versatur circa valorem Sacramenti; cum illa attritio sit pars essentialis Sacramenti, & illa quidem est minus tuta, nam si coram Deo non est vera, Sacramentum Poenitentiae frustratur: ergo si docet licitum esse eam deducere ad praxim, subiacet huic damnationi.

Itaque huic opinioni non remanet probabilitas practica, ut quis advertenter confiteatur cum illa sola attritione, remanet tamen illi probabilitas practica ad hoc, quod si bona fide confessus est cum ea sola attritione, non teneatur postea repetere illam confessionem: quia quando probabile est, fecisse bonam confessionem, non tenetur illam repetere.

73. Advertendum tamen est, si hæc opinio applicetur dolori requisito ad Baptismum, non subiacere huic damnationi. Et ratio est clara: quia attritio non requiritur ad valorem Baptimi, sicut neque contritio: cum ergo damnatio solum loquatur de opinione minus tuta circa valorem Sacramenti, ea non extenditur ad attritionem, quæ requiritur ad

L. effe-

Suarez.
Lessius.
Granado.
Gaspar.
Reginaldus.
Lugo.
Candidus.
Prado.
Moya.

effectum Sacramenti, non ad valorem.

QUÆSTIO III.

De novo dolore ad novam confessionem.

74. Inquiritur tertio. An opinio quæ docet, non requiri novum dolorem, quando quis confiteretur peccata iam olim confessa, subiaceat huic damnationi? Nam opinio Remig. Ledej. m. Ioann. à Cruc. Leand. à Sacram. Dicastill. Lug. Car. Moya. Diana. Erig. Filliuc. nem negativam docuit Remigius in practica confessariorum tract. 5. cap. 5. §. 14. num. 9. Item Petrus de Ledesma, Ioannes à Cruce, Leander. à Sacramento, P. Dicastillo, Lugo Cardinalis, & plures alij, quos refert & sequitur. P. Mathæus de Moya tom. 1. Selectar. tract. 3. disp. 5. quærit. 8. Quam etiam tenet Diana part. 11. tract. 5. resolut. 21. Sed oppositam sententia docent Enriquez in Sum. lib. 4. cap. 26. num. 7. Filiicius tom. 1. tract. 6. part. 63. n. 77. & tenuit olim Diana part. 3. tract. 4. resolut. 116. Est ergo præsens quæstio, an ea pars, quæ negat, requiri novum dolorem, subiaceat huic damnationi? Quam etiam, duplice conclusione decido sicut in præcedenti.

75. Prima conclusio. Si hæc opinio speculative procedit, afferens, validam, & fructuosam esse eam confessionem, sine novo dolore, non subiaceat damnationi. Nam, vt dixi, hæc damnatio non comprehendit opiniones mere speculativas. Et hæc probabilitas speculativa, qnamvis non deserviat, vt modo dicam, ad præxim huius numero Sacramenti, potest tam prodeesse ad confessionem subsequentem. Nam si quis bona fide, &

propter oblivionem non elicit in illa confessione novum dolorem de peccatis iam confessis, sed solum de peccatis, quæ non dum confessus fuerat, in confessione subsequenti non tenebitur ad repetitionem, quia iuxta eos Doctores probabile speculative est, fuisse validam.

76. Secunda conclusio. Hæc opinio quatenus docet, licitum practice esse confiteri peccata iam confessa sine novo dolore, subiaceat huic damnationi. Patet, sicut in præcedenti quæstione. Quia secundum hanc damnationem non est licitum deducere ad præxim opinionem, quæ exponat Sacramentum frustrationi, casu quo non sit vera coram Deo: sic se habet hæc opinio, quatenus docet, id esse practice licitum: hoc ergo modo subiecta manet damnationi. Probatur minor: est enim opinio minus tuta, & versatur circa valorem Sacramenti, cum loquatur de dolore, qui est pars essentialis Sacramenti Poenitentia: ergo si ilia non est vera coram Deo, Sacramentum manebit sine ea parte essentiali; atque adeo frustrabitur Sacramentum.

QUÆSTIO IV.

De dolore implicito ad confessionem venialium.

77. Inquiritur quarto. An subiacia tur etiam huic damnationi opinio afferens, ad confessionem venialium non requiri dolorem formalē, & expressum, sed sufficere dolorem implicitum, qui includitur in ipsa voluntate confitendi ea peccata? Sufficere cum dolorem virtualem, affir-

Ledesma. mant Martinus de Ledesma, Petrus de Soto, Dominicus Soto, Montesinos, Bonacina, Trullench, Zanardus. Tancredi, & alij apud P. Mathæum de Bonacina. Moya tom. 1. Selectar. tract. 3. disp. 5. quæst. 5. §. 2. Et quamvis pro eadem sententia citer P. Suarum, iste quidem oppositam sententiam tenet tom. 4. in 3. part. disput. 20. sect. 6. num. 2. vbi ait: [Dicendum est etiam, in hac confessione (venialium) esse necessariā attritio formalem. Quia Conciliū Tridentinū absolute & simpliciter loquitur de hoc Sacramento, & de partibus eius; ergo quoti es cumque fit, requirit essentiales partes, quarum una est attritio; non virtualis tantum, sed formalis, ut aperte constat ex doctrina Concilij.] Eamdem docet P. Granañ tom. 2. in 3. part. controv. 7. tract. 4. disp. 1. n. 7. Lugo. Cardin. de Poenit. disp. 14. num. 106. P. Castro Palao tom. 4. tract. 23. disp. vnic. punct. 7. n. 13. P. Moya tom. Selectar. tract. 3. disp. 5. n. 19. Inquitur ergo, an ea opinio affirmans cum dolorem virtualēm esse sufficientem ad confessionem venialium, innurrat hanc damnationem?

Granad.
Lugo Car.
Cas. Pal.
Moya.

78. Dicendum est, sicut in quæstionibus antecedentibus, opinionem speculativam, quæ affirmat, confessionem venialium cum solo præfato dolore virtuali esse validam, & fructuosam, non mancrae damnatae: nam quatenus speculativa est, non dicit, esse licitum, eam deduci ad præsum; & prædese poterit scrupulosis, qui posse quam confessi sunt venialia, angore afficiuntur, eo quod suspicentur, se non habuisse dolorem formalem, & expremum.

79. Sed quatenus ea opinio practica est, traditique licitum esse ita confiteri venialia advertenter cum solo eo dolore virtuali, sub est huic damnationi. Patet ex supradictis: cum

opposita negant valorem eius Sacramenti sit tutior; & hoc decreto condemnatur propositio afferens, non esse eligendam in præxi tutorem viam circa valorem Sacramenti.

80. Sed notandum est, aliter dicendum esse de proposito virtuali, quod continetur in contritione, vel attritione habita ex motivo vniuersali, quo quis detestatur omnia peccata lethalia propter offenditum Dei summe dilecti, vel propter metum gehennæ omnino fugienda. Est enim supra omnem probabilitatem omnino certum, quod hoc propositum virtuale sufficiat. Videatur Lugo Cardin. de Poenit. disp. 14. sect. 5. Patet. Nam Tridentinum less. 14. cap. 4. affirmat, illam attritionem, que voluntatem peccandi excludat, sufficere intra Sacramentum Poenitentiae ad gratiam Sacramenti consequendam: sed ea detestatio peccatorum mortalium ex eo motivo vniuersali concepta, excludit voluntatem peccandi; non enim, est impossibilis cum tali voluntate: ergo talis detestatio continet virtualiter id propositum, & facit illud esse sufficientem ad valorem & fructum Sacramenti. Quod si prodest ad confessionem mortalium, à fortiori proderit ad confessionem venialium. Cum ergo certum sit, id genus propositi virtualis sufficere, non habet locum afferere, quod ea sit opinio minus tuta circa valorem Sacramenti; atque adeo non habet hic locum ea damnatio.

*Lug. Car.
Trident.*



QVÆS-

QUÆSTIO V.

De confessione venialium sine dolore eorum omnium.

81. Inquiritur quinto. An subiicitur huic damnationi opinio afferens, non peccare mortaliter illum qui confitens unum, vel alterum peccatum veniale cum dolore formaliter, confitetur alia peccata sine dolore? Quæ alijs terminis propomiti solet, nempe an poenitens teneatur sub mortali habere contritionem, vel attritionem de omnibus venialibus, quæ confitentur? In qua quæstione P. Castro Pala tom. 4. tract. 23. disput. vnius punct. 7. num. 14. & alijs censem, esse peccatum mortale confiteri peccata venialia, de quibus poenitens non habet saltem attritionem. Sed id non esse peccatum mortale, afferit communior sententia plurima Theologorum, quos resert, & sequitur Lugo Cardinalis de Poenit. disp. 14. num. 118. Quæritur ergo, an hæc secunda opinio subiaceat præfatae damnationi?

82. Evidetur, hanc secundam opinionem esse minus tutam, & versari circa valorem Sacramenti. Nam peccata, de quibus non habetur saltem attritio, non videntur esse materia huius Sacramenti: sed deficiente materia Sacramenti, illud non est validum: ergo per eiusmodi confessionem venialium non redditur validum Sacramentum.

83. Dicendum tamen est, eam secundam opinionem non sub-

iacere huic damnationi. Ratio est, clara: quia si poenitens confiteatur unum peccatum veniale cum attritione, & reliqua sine illa, praebet sufficientem materiam ad absolutionem; & si accedat bona fide propter hanc secundam opinionem, quæ probabilis est, etiam apud authores prioris sententiae, Sacramentum est certo validum: non ergo versatur quæstio circa valorem Sacramenti, atque adeo ea secunda opinio non est minus tutæ circa valorem.

84. Ad rationem dubitandi respondetur committendo, quod ea peccata, de quibus non habetur saltem attritio, non sunt materia Sacramenti; negando tamen, quod in illo Sacramento deficiat materia, cum in illo exponatur unum peccatum veniale cum attritione, quod est materia sufficiens ad Sacramentum. Ut si quis adhiberet consecrationi unam hostianam triticeam, & alteram hordeaceam, validum esset Sacramentum circa hostianam triticeam. Similiter validum esset Sacramentum illud Poenitentiaæ dummodo haberet dolorem de aliquo ex venialibus, quæ confitetur, quamvis de alijs non haberet: sicut contingeret, quando quis confitetur mortale, de quo dolet, cum venialibus, de quibus dolorem non concipit; tunc enim validum est Sacramentum, cum constet materia certa absolutionis.

QUÆS-

QUÆSTIO VI.

De contritione, quæ per multum tempus antecedit confessio-
nem.

85. Inquiritur sexto, an subiaceat damnationi opinio afferens validum, & fructuosum esse Sacramentum poenitentiae, etiam si contrito multo tempore antecedat? Quam docuit P. Tamburinus opusc. 2. lib. 1. cap. 2. §. 4. num. 5. afferens, dolorem per quatuor, & quinque dies antea conceptum sufficere ad valorem, & fructum Confessionis. Et Gaspar Hurtado disp. 1. de Sacramentis in genere difficult. 11. Diana part. 5. tract. 9. resolut. 51. quamvis cum aliqua limitazione, & apud ipsum Leander à Sacramento tom. 1. de Sacramento. tract. 5. disp. 7. quæst. 5. Et aliqui eorum continentur fundamento, quod dolor interius semel positus, & non revocatus, virtualiter perseverat. Ex quo fundamento colligitur, validam esse confessionem, etiam si longissimo tempore is dolor antecedat.

86. Pro cuius rei claritate, præmitto primo certum esse, validum esse Sacramentum Poenitentiae, etiam si aliquanto brevi tempore præcedat contritio. Circa quod audiendus est P. Suarez tom. 4. in. 3. part. disp. 20. sect. 4. num. 29. *Eft CERTUM posse quidem dolorem hunc tempore antecedere ipsam confessionem...* Constat, quia iuxta communem usum confessionem antecedit cogitatio peccatorum, quæ optime fit, si cum vero animi dolore fiat; postea vero fit confessio in virtute talis recognitionis, & doloris. Contingere autem potest, ut inactuali confessione ita homo attendat ad peccatorum explicationem, ut nullum internum dolorem tunc actu excerceat. Item

poteſt accidere, ut dum absolutio conceditur, nullus iteretur dolor, vel ob naturalem distractionem, vel ob aliam causam: & nihil omnis Sacramentum illud SINE DUBIO validum eſt, & confessio ſufficiens, quia moraliter illi coniungitur dolor, qui praecedit, & virtute ſua illam confefionem infor- mat. Huc uisque P. Suarez. Et quidem licet Sacramentum Poenitentiae sit vnum Sacramentum; coalescit tamen ex partibus, quæ ut in plurimum ſuccēſive ponuntur; & quamvis ipſæ partes debeat coniungi immediate, inter ſe, ea coniunctio debet eſſe immediata, non phyſice, ſed moraliter. Cum ergo hæc doctrina certa ſit, non potest eſſe minus tutæ; atque adeo non ſubiicitur huic damnationi.

87. Præmitto ſecundo, ad hanc immediatam coniunctionem partium Sacramenti Poenitentiae requiri, quod ille dolor antecedens referatur ad confessionem, & confessio fiat in virtute eius doloris; quod fit communiter, quando quis recogitat peccata ſua in ordine ad confitendum illa, & tunc dolet de peccatis ſuis in ordine ad confessionem. Potest ergo eſſe quæſtio, an dolor antecedens confessionem, ſi nō referatur ad illam modo dicto, ſufficiat ad valorem Sacramenti? In quo, dato quod non ſit certum, requiri eam relationem doloris ad confessionem, eft tamen opinio tutior, quod id requiratur; atque adeo opinio, quæ negat eam relationem doloris ad confessionem, exponit Sacramentum frustrationi; atque adeo ſubiicitur huic damnationi.

88. Sed adhuc reſtat quæſtio, an tutto procedat, qui uno, vel duobus diebus ante confessionem recogitat peccata ſua, & de his dolet in ordine ad confitendum, & poſtea non elicit novum actum doloris? Et dicendum eft, eum tutò procedere, & confessionem eſſe certo validam, atque adeo hanc

Tambur.

Gas. Hur.

Diana.

Leand. à
Sacram.

Suarez.

hanc doctrinam nou subiacere hnic damnationi. Ostenditur primo. Nam præter quam quod nullus author id negat, cum certum sit, moralem coniunctionem sufficere, est etiam certum in hoc casu dari eam moralem coniunctionem.

89. Pro quo supponendum est, permanentiam virtualem vnius actus duplice modo explicari ab authoribus. Primo aliqui dicunt, actum virtualiter perseverare, qui elicitus est, & non revocatus, & ita explicat P. Thomas Sanchez lib. 7. de Matrim. disp. 18. n. 21. & passim alibi, quem multi alii sequuntur.

90. Alij vero explicant permanentiam virtualem actus dari, quando dantur aliqui effectus actualiter procedentes ab illo actu: v. g. cum quis intendit consequi dignitatem à Rege; illa intentio consequendi dignitatem, quamvis non habeatur actualiter, perseverat virtualiter, dum arripit iter ad Curiam Regiam, dum alloquitur ministros Regis, & dum ordinat alia ad eum finem: quia hi omnes sunt effectus illius intentionis. Similiter qui intendit accipere ordinem Sacrum, si immemor eius intentionis vadit ad examen, alloquitur Episcopum, preparat vestes Sacras, vadit ad locum, ubi initiandus est, illa intentio virtualiter perseverat, quia omnes illæ subsequentes actiones sunt effectus, qui procedunt ab illa intentione, cum ad eum finem ponantur. Et ita explicat intentionem virtualem P. Vasquez tom. 2. in 3. part. disput. 138. cap. 6. P. Castro Palao tom. 4. tract. 18 & apud ipsum Bonacina disp. 1. de Sacrament. quæst. 3. punct. 2. §. 3. n. 3. Layman lib. 5. tract. 1. cap. 5. quæst. 5. n. 11. Conink 3. part. quæst. 64. art. 1. dub. 2. num. 71.

91. Iam vero quod certum sit in eo casu dari moralem coniunctionem partium essentialium confessionis, cla-

re constat. Sicut enim, quamvis ad conficiendum Sacramentum requiratur essentialiter in ministro intention conficiendi illud, est certum non requiri intentionem actualem, sed sufficere virtualem, quæ continetur in effectu, qui procedit à tali intentione, modo dicto in secunda explicatioue; quia dum datur effectus procedens ab illa intentione, virtualiter existit talis intention. Similiter contingit, quando quis habuit dolorem in ordine ad confessionem, illa confessio est effectus illius doloris: ergo perseverat virtualiter ille dolor in ipsa confessione. Quod optime explicuit P. Suarez proxime citatus in hæc verba: *Solum opportet advertere, semper esse necessaria, ut talis dolor internus ex intentione paenitentis formalis, vel virtualis ad confessionem referatur: quod fit, quoties quis peccata recognitat, & de eis dolet, ut ea confiteatur, vel præbet signum sui doloris in ordine ad confessionem faciendam, seu solutionem obtinendam: ac denique quoties quis dolet de peccatis cum expresso proposito illa confitendi, ex cuius virtute postea confessionem facit; nam quilibet ex his modis sufficit ad veram accusationem: aliqua vero huiusmodi relatio necessaria est, quia intentione Sacramenti, & partium eius in ordine ad constitutio nem illius necessaria est ad Sacramentum conficiendum. Huc usque Suarez.*

92. Dices hinc inferri, quod si quis faciat eam recogitationem peccatorum, dolens de eis in ordine ad confessionem faciendam post mensum integrum, illam esse validam: hoc autem non potest esse certum, nec tu tum: ergo neque antecedens, unde id infertur.

93. Respondeo, moraliter loquendo, eum dolorem tam longo tempore distantem à confessione non posse influere in illam confessionem, neque imperare illam; & ad summum di

Vasq.
Cast-Pal
Bonac.
Layman
Conink

id esse dubium propter diutinam
temporis distantiam, & quia interme-
dio tempore nulli sunt effectus, qui
procedant ab ea intentione, sive ab eo
dolore cum tali intentione habitu.
Cum autem uno vel altero die ante-
cedit dolor relatus ad confessionem,
tunc optime intelligitur, quod fiat
confessio virtute illius doloris. Vnde
sit, opiniones, quae longiorum
temporis distantiam admittunt, vel
non adstruunt hanc relationem dol-
oris ad confessionem, omnes manere
subiectas huic damnationi.

ARTICVLVS III.

An aliquæ opiniones circa inte-
gritatem confessionis maneant
subiectæ huic damna-
tioni?

SVMMARIVM.

Alia est integritas formalis, & alia
materialis. n. 94.

Opinio docens, nullam esse obligationem
confitendi circumstantias aggravan-
tes. n. 96.

Opinio opposita. n. 97.

Quid censeat Filigera circa valorem in
trinsecum, & extrinsecum Sacra-
menti. n. 98.

Rejicitur ex pluribus argumentis. n. 99.
& seqq.

Opinio docens, non esse obligationem
confitendi circumstantias aggravan-
tes, non subiacet huic damnationi,
eo quod non versatur circa valorem
Sacramenti. n. 107. & seqq.

Discrimen quod versatur inter hanc
opinionem, & alias, quæ versantur
circa valorem Sacramenti. n. 109.

Ea opinio non exponit Sacramentum
frustrationi. n. 110.

Eadem doctrina confirmatur à paritate
peccati oblitii. n. 111. & seq.

Eadem doctrina probatur ex eo, quod
confessio evadat formaliter integra,
n. 113. & seq.

Aliud argumentum desumitur ab igno-
rancia invincibilis. n. 115.

An qui confitetur circumstantias aggra-
vantes, accedat ad confessionem cum
mala fide propter opinionem contra-
riam. n. 116. & seq.

Non incurrit damnationem, eo quod
non versatur circa valorem. n. 118.

Opiniones de diversitate specifica pecca-
torum favorabiles non versantur
circa valorem Sacramenti. n. 119.

Opinione de peccatis dubiis non con-
stendis esse dubie probabilitatis. n.
120. remissive.

Casu quo ea opinio esset probabilis, ea
non subiaceret huic damnationi. n.

121. utib[us] m[odis] d[omi]ni illi[us] o[ste]ri
Non esse probabilem opinionem, quod
qui confessus est peccatum ut du-
bium, & mox recordatur certo illius
non tencatur illud confiteri, tam-
quam certum. Esse improbabilem ali-
bi docui. n. 122.

Sed si ea opinio esset probabilis, non suba-
ijceretur huic damnationi. n. 123.

Opinio, quod non est licitum penitenti,
manifestare complicem, ex cuius ma-
nifestatione leditur fama eius apud
confessarium, non procedit circa
valorem; ideo non subest damnatio-
ni. Ibidem.

94. **P**ro resolutione huius diffi-
cultatis præmitterendum est,
duplicem integratatem confessionis,
aliam formalem, & aliam materia-
lem. Integritas formalis est, quando
quis confitetur aliqua peccata, & alia
omittit, vel propter impossibilita-
tem physicam, aut moralem, vel quia
ex aliqua circumstantia cessat obliga-
tio ea confitendi. v. g. quando instat
mors poenitenti; tunc enim si non con-
fiteatur omnia peccata, & absolvatur
propter instantiam mortis, illa con-
fessio,

90 DISERTAT. II. CAP. VI. ART. III. QVÆST. I.

confessio, & si non sit integra materialiter, est tamen integra formaliter propter impossibilitatem, quæ imminet, confitendi cætera. Similiter qui in confessione obliuiscitur vnius peccati mortalium, dicitur facere confessionem integrum formaliter, quia quamvis non habeat integratatem materialis, impossibile est, dum obliuiscitur peccati, quod illud confiteatur. Integritas materialis est, quando quis re vera confiteretur omnia peccata, & nullum omnino omissit. In præsenti ergo quæstione videtur, èas opiniones, quæ versantur circa integratatem confessionis, versari etiam circa valorem Sacramenti; cum ipsa actualis confessio integra sit pars essentialis ipsius Sacramenti; deficientem enim parte essentiali, invalidum redditur Sacramentum. Vnde fieri videtur, opiniones, quæ circa hanc materiam affirmant valorem Sacramenti, esse minus tutas circa valorem, atque adeo subiectas huic damnationi.

QVÆSTIO I.

An maneat subiecta huic damnationi opinio, quæ docet, nullam esse obligationem confitendi circumstantias aggravantes.

95. **A**vidi à fide dignis, neothericum quendam existimasse, hanc opinionem de non confitendis circumstantis aggravantibus, subiacere huic damnationi, atque adeo iam esse certam, & evidentem obligationem confitendi eas circumstantias. Ad quod afferendum niti videtur eo fundamento, quod propositionum est initio huius articuli: nempe confessionem esse partem essentialem, à qua essentialiter pendet valor Sacramenti. Vnde fit, quod hæc op-

nio de illis circumstantijs non confitendis versetur circa valorem Sacramenti: cum ergo sit minus tutæ, hanc damnationem incurrit.

96. Opinio de non confitendis circumstantijs aggravantibus habet multos, & doctissimos Patronos. Ita S. Thomæ in 4. dist. 16. quæst. 3. art. 2. quæstiunc. 5. S. Bonaventura in 4. dist. 17. quæst. ultim. Scotus ibid. quæst. 1. art. 3. S. Antoninus 3. part. tit. 14. cap. 9. 6. 7. P. Valquez 3. part. quæst. 91. art. 1. dub. 2. & quam plures alij, ex quibus plusquam quadraginta refert Diana. Diana part. 1. tract. 7. resol. 1. Videantur etiam pro hac sententia: P. Castro cast. Pal. Palao. Ægin. 4. tract. 23. disp. vnic. punct. 9. n. 4. & Lugo. Card. de Poenit. disp. 16. sect. 3. num. 107.

97. Opposita etiam opinio habet non minus nobiles Patronos, Alensem, Caeterum, Sotum, Sua- rium, Thomam Sanchez, Enriquez, Fagundez, Coninck, & plures alios, ex quibus refert viginti Diana proxime citatus. Quæritur ergo in præsenri, an illa prima opinio benignior hanc damnationem incurrat?

98. P. Emmanuel de Filguera ex Filguer. ordine Clericorum minorum in sua Lucerna decretali in expositione huius primæ propositionis. §. Sed undequaque, affirmat, opinionem de circumstantijs aggravantibus non confitendis non comprehendit sub hac damnatione. Ita enim discurrit: [Animadver- tendum est, pertinere ad valorem qua- si extrinsecum Sacramentorum qual- dam quæstiones apud Authores con- troversas circa eorum materiam, non quidem proximam (hæc namque ins- tituta fuit à Christo Domino, & per- tinet ad valorem intrinsecum Sacra- menti) sed remotam, non quomodo- cumque, nam si formaliter hæc acci- piatur, deber ponit in Sacramentis con- ferendis, quæ est tutior, ut suum ef- fectum fortiantur; sed circa materiam re-

S. Thomi.
S. Bonav.
Scot.

S. Anton.

Va/9.

Diana.

Cast. Pal.

Lugo

Car

9. 11. 4.

Coninck.

Fagund.

Emmanuel.

Caeterum.

Soto.

Enriquez.

Fagund.

Coninck.

PROPOSITIONES

remotam materialiter sumptam, consistente non in aliquo certo, ac determinato, sed rationi subiectibili; ac consequenter sub probabilitate contento, ut contingit in confessionis integritate v. g. quæ ad valorem Sacramenti essentialiter pertinet. Circa quam est duplex sententia, altera negans, circumstantias intra eamdem speciem aggravantes non esse necessario in confessione exprimendas, & alia affirmans, quæ est tutior; & nihil minus opinionem negantem talem obligationem possumus adhuc post propositionis presentis damnationem in praxi sequi. Quod provenit ex eo, quod opinio affirmans tutior non versatur circa materiam remotam formaliter sumptam, sed tantum materialiter, quatenus ad prædictam materiam remotam reductive pertinet: alioquin enim infinitæ opinions, & quæ probabiliores sunt tutioribus, manerent prohibite ex prædicta damnatione, cui alienum est hoc asserere, ne omnium fidelium conscientiae deinceps inturbarentur, ac mille frequentes anxiarentur scrupulis.] Huc usque Filguera.

99. Sed hic discurrendi modus valde displicet. Primo, quia maiori indiget explicatione. Non enim percipitur, quomodo hæc quæstio pertineat ad valorem quasi extrinsecum Sacramenti; neque quid sit, quod materia remota sumatur formaliter, aut materialiter.

100. Secundo. Quia cum hæc damnatio solum eo respiciat, ut Sacramentum non exponatur frustrationi, solum debemus considerare, an hæc opinio de circumstantijs aggravantibus non confitendis exponat Sacramentum frustrationi, aut, quod idem est, versetur circa valorem Sacramentum invalidum. Et quidem vel iste valor quasi extrinsecus est vere & proprio valor, vel non est proprio valor?

Si primum, implicat contradictionem, quod deficiente aliquo valore, qualcumque ille sit, Sacramentum evadat validum. Si vero non sit proprio & stricte valor, quare appellatur nomine valoris?

101. Tertio. Nam vel ista opinio exponit Sacramentum frustrationi, vel non exponit. Primum non admittitur: ergo si non exponit frustrationi, per se dicitur, quod pertinet ad valorem quantum vis extrinsecum: nam in omni materia opinio mere probabilis, quæ dicit valere actum, sua probabilitate exponit actum frustrationai; nam eo ipso quod fit mere probabilis, si non sit vera coram Deo, actum reddet invalidum. Nam si opinio, quæ dicit, actum esse validum, falsa est, evidens est, actum remanere in validum.

102. Quarto. Quia deficiente valore, actus, quantumvis extrinseco actus redditur invalidus; sed iuxta doctrinam præfati authoris, opinio de circumstantijs aggravantibus non confitendis potest facere, quod deficiat extrinsecus valor actus: ergo ex illa opinione actus potest redi invalidus: ergo ea opinio exponit actum Sacramentalē frustrationi. Major ex terminis patet. Minor probatur. Quia cum ea opinio pertineat ad valorem extrinsecum actus, ipsa opinio probabiliter adstruit talem valorem; quomodo enim potest una propositio pertinere ad valorem actus, nisi afferat formaliter, vel virtualiter talem valorem? Ergo si coram Deo falsa est, deficiet talis valor. Sed omnis propositio probabilis habet hoc, quod quo ad nos contigens est, quod deficiat talis valor. Id autem est exponere actum frustrationi: ergo exponit.

103. Respondebit fortasse primo, eum valorem extrinsecum suppleri ab Ecclesia, sicut paulo ante dixerat, valorem extrinsecum Sacramenti

Mz pccni-

pœnitentia, qui oriturur ex iurisdictione, quam tribuit Ecclesia Confessariis in omni opinione probabili, quæ habet pro obiecto ipsam iurisdictionem, suppleri ab Ecclesia.

104. Sed contra est. Nam quamvis Ecclesia possit suppleri iurisdictionem; quia ipsa Ecclesia est, quæ dat omnem iurisdictionem in spiritualibus, quam Sacerdotes habent; at non est intelligibile, quomodo supplet valorem Sacramenti, qui non pertinet ad iurisdictionem: sed opinio de circumstantijs aggravantibus non confitendis non pertinet ad iurisdictionem: ergo non est intelligibile, quomodo eum defectum supplet Ecclesia.

Probatur Minor. Quia sententia, quæ propugnat, circumstantias aggravantes confitendas esse, asserit, eam esse obligationem iuris Divini, neque enim pertinet ad ius Ecclesiæ, designare, quæ peccata, aut quæ eorum circumstantiae confitenda sint ultra ea, quæ iure Diuino designata sunt.

105. Respondebit secundo, suppleri per hoc, quod Ecclesia approbat eam opinionem, & omnes alias similes.

106. Sed contra est. Nam vel est certum, quod Ecclesia approbat omnes eas opiniones; vel est dumtaxat probabile? Si dicas esse certum; iam ea opinio non est dumtaxat probabilis, sed certa, ut pote habens certam Ecclesiæ approbationem. Si vero dicas, eam esse dumtaxat probabilem, relabimur in idem argumentum: cum enim fortasse sit falsa coram Deo, relinquit illum valorem extrinsecum Sacramenti in supradicto periculo frustrationis.

107. Sit conclusio. Ea opinio, quæ docet, non esse obligationem confitendi circumstantias aggravantes non subiacet huic damnationi. Ita in Thirf terminis P. Thirsus tom. 3. Selectar. disp. 49. sect. 3. Ostendo primo? Ut

subiaceret huic damnationi, necesse erat, quod versaretur circa valorem Sacramenti: sed non versatur circa illum: ergo non subiacet damnationi. Maior patet ex ipsa damnatione, & propositione damnata.

108. Minor probatur. Nam si quis bona fide confiteatur peccata mortalia, & sequendo illam opinionem probabilem taceat circumstantias aggravantes, Sacramentum est certo validum; quia absolutio cadit in illa peccata, & bona fides, qua accedit poenitens, exonerat illum ab alia quavis obligatione: si autem ea opinio versaretur circa valorem Sacramentum, non posset esse certo validum: ergo ea opinio non versatur circa valorem.

109. Confirmatur, ostendendo discrimen, quod intercedit inter hanc opinionem, & eam, quæ versatur circa valorem, v. g. opinionem illam att. præced. propositam, quæ docet, non requiri dolorem formalem, & expressum ad confessionem venialium. Et enim cum hæc opinio sit mere probabilis, contingens est, esse falsam coram Deo: si ergo coram Deo falsum est, non requiri dolorem expressum ad confessionem venialium, sed sine eo expresso dolore esse validam, fit, quod quamvis poenitens accedat bona fide, ea confessio sit nullius valoris. E contra accidit in confessione, in qua tacentur circumstantiae aggravantes: nam eo ipso quod poenitens accedat bona fide propter opinionem probabilem, & consilium doctorum hominum; si ea opinio de non confitendis circumstantijs aggravantibus, falsa sit coram Deo, Sacramentum remanet in suo valore, quia nullum caput est, ynde id Sacramentum annulletur.

110. Ostendo secundo, nam ut ea opinio incurreret damnatione, opus erat, ut exponeret Sacramentum frustra,

trationi: sed non exponit: ergo non incurrit. Maior patet ex ipsa propositione damnata, quæ eo respicit, ne frustraretur Sacramentum. Minor probatur ex supradictis: quia non est unde id Sacramentum frustretur. Frustratur quidem, si poenitens accederet mala fide putans, se peccare mortaliter, non confitendo circumstantias aggravantes. Sed ea frustratio non oriatur ab ea opinione; sed quia poenitens accederet peccans mortalirer.

111. Confirmatur primo. Nam qui confitetur peccata mortalia, & obliviscitur viuis, vel alterius peccati mortaloris, si habeat congruam contritionem, & propositum in futurum, non frustrat Sacramentum, quin potius conlequitur fructum illis; nulla alia ratione, nisi quia quamvis taceat peccata mortalia, tacet illa cum bona fide propter naturalem oblivionem: sed eadem ratio militat in eo, qui tacet in confessione circumstantias aggravantes; cum accedat cum bona fide propter opinionem vere probabilem: ergo non frustrat Sacramentum.

112. Confirmatur secundo. Nam, ut ait Lugo Cardin. disp. 19. de Poenit. num. 31. *Idem est, non recordari alicuius peccati, vel ignorare obligationem confitendi illud.* Sed qui sequitur opinionem probabilem de his circumstantijs non confitendis, ignorat obligationem confitendi illas: ergo idem est, ac si obliuisceretur illam. Sed oblitus illarum non exponit periculo frustandi Sacramentum: ergo neque qui illas omittit ex opinione probabili.

113. Ostendo tertio. Qui facit confessionem formaliter integrum, quamvis non sit integra materialiter, facit validam confessionem, & Sacramentum retinet suum valorem: sed qui cum bona fide taceat circumstantias aggravantes, facit confessionem formaliter integrum, quamvis à parte rei non sit integra materialiter,

si forte opposita opinio coram Deo est vera: ergo dum sic procedit, Sacramentum est validum. Non ergo periclitatur valor Sacramenti ex ea opinione. Maior est omnino certa apud omnes Theologos.

114. Minor ostenditur. Tunc datur integritas formalis, quando hic & nunc non datur obligatio confitendi alia peccata mortalia, aut alias circumstantias illocum ultra ea, quæ quis confessus est: sed qui ex opinione probabili tacet circumstantias aggravantes, nullam obligationem habet illas confitendi, quia si haberet obligationem, illa opinio non esse vere probabilis: ergo in eo casu datur integritas formalis.

115. Ostendo quarto. Qui per ignorantiam invincibilem omittit circumstantias variantes speciem, non exponit Sacramentum frustrationi: ergo qui per ignorantiam invincibilem tacet circumstantias aggravantes, non exponit Sacramentum frustrationi. Hæc consequentia patet à maiori ad ministrum. Tum sic. Qui ex opinione probabili à tot, tantisque doctoribus, propugnata, & tam validis rationibus munita, tacet in confessione circumstantias aggravantes, illas omittit ex ignorantia invincibili; cum in omni opinione probabili reperiatur ignorantia invincibilis, ut late ostendi in 1. part. Cris. Theolog. disp. 15. cap. 9. ergo qui ex ea opinione probabili tacet circumstantias aggrauantes, non exponit Sacramentum frustrationi.

116. Dices. In eo casu necesse est, quod poenitens accedat cum mala fide orta ex opinione Doctorum hominum afferentium, esse gravem obligationem de illis circumstantiis confitendis: sed eo ipso quod accedat cum mala fide, Sacramentum est nullum: ergo in eo casu semper est nullum.

117. Sed contra est: quia est implicatio in terminis afferere, quod opi-

94 DISERTAT.II.CAP.VI. ART.II. QVÆST.II.

opinio de non confitendis illis cunctariis sit vere probabilis practice, & adhuc esse obligationem illas confitendi. Nam qui sequitur opinionem practice probabilem, operatur prudenter, atque adeo sine obligatione sequendi partem oppositam. Quare negandum est, poenitentem in eo casu accedere cum mala fide.

118. Dices iterum, illam opinionem iam non manere probabilem propter damnationem in hoc decreto contentam. Sed contra est: nam ex dictis constat, prefatam opinionem non versati circa valorem Sacramenti; cum tamen damnatio solum comprehendat opinions, quæ versantur circa valorem Sacramenti.

119. Ex dictis inferes, opinions de diversitate specifica peccatorum, quæ dicuntur minus tutæ, quia excusant ab obligatione confitendi illas, non versari circa valorem Sacramenti; atque adeo non exponere Sacramentum frustrationi. v. g. Est opinio probabilis, delectatione morosam veniream, quæ pro obiecto habet feminam coniugatam, non differre specie ab ea delectatione, quæ habet pro obiecto solitam, eo quod tunc homo non delectatur de circumstantia coniugij, sed solitum de obiecto luxuria. Quæ opinio licet sit minus tutæ saltem materialiter, non comprehenditur sub hanc damnatione, quia non exponit Sacramentum frustrationi propter fundamenta supra proposta.

QVÆSTIO II.

An subiaceat damnationi opinio negans obligationem confitendi peccata dubia?

120. Probabilem esse hanc opinionem, quam defendunt pauci aliqui ex recentioribus. Cara-

muel, Ferrantinus, Iosephus à Iauaria, Martinon, Marchantius, Verde Serranus, Iesualdus, & Martinus à Santo Ioseph Januar. Martinus Marchantius Verde, Iesualdus Martinus à S. Ioseph.

disp. 36. cap. 1. n. 7. censui, ibidem cap. 9. n. 218. dixi tamen, & probavi, oppositam esse probabilem. Potestea tamē re melius perpenfa in 3. part. Chris. Theol. disp. 74. cap. 2. docui, cam opinionem mihi non esse sufficienter probabilem, quin potius illam esse dubiæ probabilitatis, atque adeo de ea esse dubium practicum, in quo ruti orem partem eligere, necesse est. Id quod solidō fundamento roboraui, quod moralem mihi assert certitudinem.

121. Sed casu quod ea esset opinio probabilis, dicendum est, eam non subiacere huic damnationi propter eadem fundamenta, quæ in questione proxima praecedenti proposui. Nam qui accederet ad confessionem cum bona fide orta ex probabilitate talis opinionis (si re vera talis esset) & conferretur alia peccata mortalia certa, nullo modo frustraretur Sacramentum; atque adeo talis opinio non esset minus tutæ circa valorem Sacramenti.

122. Hinc inferes, idem iudicium esse ferendum de ea opinione, quæ docet, illum, qui confessus est peccatum ut dubium, & postea certo recordatur illius, non teneri illud confiteri tamquam certum. Et quidem in 2. part. Chris. Theolog. disp. 51. cap. 1. num. 4. citavi pro ea opinione Caramuelum, Leandrum à SS. Sacramento, Merollam, Franciscum Verde, Verrizelium, Bresserum, Tanereditum, Pellizarium, & Tamburlum; quamvis hi duo solum dicant, eam esse probabilem. Quamvis Lugo Cardinalis promovet argumento difficulti, tamen non est ausus recedere à communī sententia. Et ibidem cap. 2. docui, certam esse eam sententiam, quæ affirmat, peccatum in eo casu confitendum esse ut certum. Sed

123. Sed si ea sententia esset probabilis, eodem modo, ac in precedenti dicendum esset, eamdem opinionem non subiacere huic damnationi. Et enim qui ad confessionem accederet cum bona fide orta ex eius opinione probabilitate, certo recordatus eius peccati, nulmodo exponeret frustrationi confessionem subsequentem propter supradicta in quaest. 1. argae adeo ea non est opinio minus tua circa valorem Sacramenti. Quod idem in similibus questionibus afferendum est. Talis est opinio afferens non esse licitum poenitenti manifestare completem delicti, ex cuius manifestatione laeditur fama complicis apud confessarium. Quam tuncetur Innocentius, Ostiensis, Vigeritus, Navarrus, Armilla, & Layman, quos resert Castro Palao tom. 4. tract. 23 disp. vnic. punct. 11. num. 6.

QUESTIO III.

De sententia afferente, quod is, qui confiteatur peccata venialia, sufficit, si confiteatur speciem, non determinando quoad aliquem numerum.

SUMMARIUM.

Opinio docens confessionem venialium esse nullam, si non determinetur numerus. n. 124.

Fundamentum eius desumptum à paritate consecrationis. n. 125.

An incurrat damnationem doctrina, que ait non requiri explicationem numeri venialium? n. 126.

Sententiam docentem, quod sufficit confiteri speciem venialis sine numero, esse certam. n. 127.

Discrimen inter consecrationem, &

absolutionem. n. 128.

Absurdum enorme ex opposita opinatio-

ne. n. 129. & seqq.

Quid debeat facere confessarius rustici, qui nescit determinare numerum mortaliū? n. 131.

Inconsequentia Authorum illius opinio-

tionis. n. 132.

Sensus verborum absolutionis non sig-

nificat individuationem peccatorum.

non. n. 133. *alioquin*

Quis sit sensus verborum absolutionis?

mo. 834. mislido

Praxis communis fidelium declarat

sufficere quod exponantur species

venialium. Et hac praxis facit certi-

tudinem. n. 135.

Si illa opinio contineret doctrinam

veram, non fuisset ignorata in Eccle-

sia. n. 136.

obligatio, omnia obiecta

124. Q Videm Recentiores Mi-

sionarij tum in concio-

nibns ad populos, tum etiam in qui-

busdam libellis editis docuerunt, in-

validas esse, & sacrilegas confessiones

eorum, qui dum sola peccata venialia

confitentur, se accusant de venialibus

in specie, non determinando indivi-

dina peccatorum. v. g. [Accuso me

dé quibusdam mendacijs levibus, de

aliquibus detractionibus circa mate-

riam levem,] &c. Ideo, ne invalide

confiteantur, debere dicere, [Accuso

me de quatuor mendacijs levibus vlti-

mis, vel de quatuor primis, vel de ta-

libus, quas mente retineo.]

125. Vnicum fundamentum, quo

nituntur, est. Nam qui dicit verba cō-

secrationis super plures hostias, vo-

lens consecrare aliquas earum, & non

determinando, quas consecratus sit,

nullam consecrat: ergo qui absolvit à

peccatis, non determinando, quæ pec-

cata sunt, à quibus absolvendis est,

à nullo peccato absolvit; atque adeo

talis absolutio invalida est, & si scien-

ter fiat, sacrilega.

Hinc

126. Hinc oritur quæstio, an quis confiteatur venialia, non determinando quæ, sed solum determinando speciem, faciat contra hanc damnationem; & sententia, qua docet ita fieri posse in praxi, subiiciatur huic damnationi. Nec de sunt, qui censeant, illam sic subiici.

127. Dicendum tamen est, hanc sententiam, quod [sufficit confiteri speciem peccati venialis, quamvis non determinetur individua peccatorum,] non esse solum probabilem, sed omnino certam. Et ideo non subiici huic damnationi. Pro hac sententia non refero Authores, quia nemo, quem viderim, hanc quæstionem versat. Id tamen ita est, ostendam ex doctrinis communibus, & certis Theologorum.

128. Ostendo primo, aperiendo discrimen inter consecrationem, & absolutionem. Nam consecratio estentialiter constituitur ex pronomine demonstrativo *Hoc*, vel *hic*; quod pronomen pro sua significacione postulat determinationem talis hostiæ numericae, vel talium hostiarum. Absolutio autem non constituitur ex pronomine demonstrativo; nec Sacerdos in absolutione dicit, [Absolvo te ab his peccatis.] Ergo inferuntur duo, utrū discrimen metidiana luce clarius, ratione cilius consecratio petat determinationem individui hostiæ; quod non invenitur in absolutione. Corruit ergo totum fundamentum eius opinionis.

129. Ostendo secundo ex enormi absurdo, quod ex ea Recentiorum opinione resultat. Pro cuius intelligentia præmitto id, quod Paulus V. in suo Rituale Romano præcipit practicari circa confessionem moribundi. Sic enim præcipit. *Si inter confitendum, vel etiam antequam incipiat confiteri, vox, & loquela agro deficiat, nutibus & signis conetur Sacerdos, quo*

ad eius fieri poterit, peccata paenitentis cognoscere, quibus utrumque vel in genere, vel in specie cognitis, vel etiam si confitendi desiderium, sive per se, & sive per alios ostenderit, absolvendum est. Et quamvis aliqui, quos suppressio nomine resert Lugo Cardin. disp. 17. de Potentia sect. 4. conati sint ex frivolo fundamento eludere vim huius obligacionis, quam Pontifex imponit Parochis, tamen ipse Cardinalis optime convinxit ibidem de falsitate eam responsionem.

130. Tum sie. Juxta eam opinionem, qui confiteatur peccata non determinando individuum, a nullo peccato absolvitur, sicut qui conatur consecrare aliquas hostias non determinando individuum, nullam consecrat: sed moribundus, qui confiteatur in genere peccata sua, vel signa, & nutus, non determinat individuum: ergo is moribundus a nullo peccato absolvitur, quamvis confiteatur in genere, vel per signa. Ergo perperam præcipit Pontifex (abst.) quod moribundus absolvatur, si confiteatur in genere, vel per signa & nutus. Consequens est absurdissimum: ergo & antecedens, unde inferitur.

131. Ostendo tertio. Solet enim contingere, quod homo, præcipue rusticus, confiteatur solum se commississe multa periuria, neque ullo modo potest dicere, aut determinare numerum. In tuo casu, licet confessarius debeat examinare aliquo modo multitudinem, vel per singulos dies, hebdomades, aut menses; tamen non confiteatur peccata individuando illa. Et tamen Theologi dicunt, sic absolvendum esse. Sed iuxta relaram opinionem, dum non determinat individuationem peccatorum, non manet absolutus: ergo a nullo periurio manebit absolutus. Quod est absurdum.

132. Confirmatur. Nam illi Missionarij Authores eius opinionis, dicunt

cunt absolvendum esse hominem, qui incapax fuerit explicandi non solum numerum, sed neque species peccatorum, sed solum capax est dicendi, se accusare de suis peccatis: quomodo ergo hic determinantur peccata? aut, si non est necesse ad valorem absolutionis determinatio in hoc casu peccata lethalia, quomodo afferitur determinanda esse venialia nec aliter posse ab illo veniali absolvit?

133. Ostendo quarto. Nam sensus verborum absolutionis non postulat ex vi sue significationis individuationem peccatorum; quod si in confessione peccatorum lethalium, haec individuanda sunt, id ita est, quia constat ex Concilio Tridentino, Lateranensi, & Florentino, ita debere fieri, quia sunt materia necessaria: ergo dum neque ex Concilij, nequa ex alio urgenti fundamento constat, determinandum esse individuum peccati venialis, frustra id exigitur.

134. Antecedens patet. Nam si sequamur sensum, quem videtur ponere S. Thom. S. Thom. 3. p. q. 84. art. 3. ad 5. nempe. Ego tibi Sacramentum absolutionis impendo; aut si sequamur sensum, quem P. Suarez affirmit tom. 4. in 3. part. disp. 88. sect. 3. Ego tibi gratiam sanctificantem confero, quantum est ex se remissivam peccati, sive quam adstruit Lugo Cardin. Quantum est ex me, remitto tibi peccata; sive quemlibet alium sensum similem; nihil est in tali sensu, quod petat individuationem peccati venialis, neque peccati iam confessi, quod poenitens vult iterum confiteri.

135. Ostendo quinto. Nam praxis communis Fidelium est declarare species venialium, non curando nimis de numero; praxis autem communis Fidelium cum firma persuasione delicto, aut de obligatorio in his rebus facit certitudinem moralem, iuxta ea quae dixi in 2. p. Cris. Theol. disp. 23.

cap. 5. art. 7.

136. Confirmatur. Incredibile enim est; quod in Ecclesia doctrina haec per tot secula ignorata fuerit; quae si vera esset, utique esset omnino necessaria pro conscientijs iustorum, qui non labuntur in peccata lethalia. Quae quidem si ita necessaria esset, quis dubaret ad futuram Christi D. prouidentiam spectare, ne in re tan gravi tanto tempore erratum fuisset?

ARTICVLVS IV.

An opiniones probabiles circa iurisdictionem confessarij huic damnationi subiectae ceant?

SVMMARIVM.

Opinio, que docet posse absolvere confessarium cum sola iurisdictione probabili, est certo falsa, & huic damnationi subiecta. n. 137.

Si vero adiungatur alia circumstantia, que addat certitudinem iurisdictioni pro valore Sacramenti, non incurrit damnationem. n. 138.

Aliorum limitatio rejicitur. n. 139. & seqq.

An dum confessarius habet iurisdictionem ex opinione probabili minus tutam, addatur aliqua circumstantia, que reddit certam absolutionem? n. 142.

Prima circumstantia, ex eo quod Ecclesia dat iurisdictionem ex errore communi. n. 143.

Secunda circumstantia, ex eo quod Ecclesia supplet iurisdictionem independenter ab errore communi. n. 145.

Tertia circumstantia ex potestate omnium Sacerdotum in peccata venialia. n. 146.

N Quam-

137. **Q** Vamvis non pauci authores censere videantur, licet posse absolvvi poenitentem a confessario, cui solum inest iurisdictio probabilis; illud tamquam certum supponendum est, opinionem, quae afferit, absolvvi posse cum sola iurisdictione probabili, & esse certo falsum, & huic damnationi subiacere. Est enim certo falsum, quod liceat expонere frustrationi Sacramentum poenitentiae: atqui Sacerdos absolvens cum sola iurisdictione probabili expónit frustrationi Sacramentum poenitentiae: ergo est certo falsum, quod licet. Maior est evidens, & constat etiam ex hac damnatione. Minor patet. Nam si coram Deo non est vera ea opinio probabilis de iurisdictione Sacerdotis, ille quidem absolvit sine iurisdictione; atque adeo absolutio est nulla.

138. Dixi *cum sola iurisdictione probabili*: Nam fieri potest, quod adiungatur aliqua alia circumstantia, quae superaddat certitudinem illi iurisdictioni pro valore Sacramenti, quod in praesenti articulo, & proxime sequentibus, discutiendum est. Dixi quod *non pauci authores censere videntur, &c.* Nam per id verbum *videntur significavi*, magis dissidere a nobis voce, quam re: quia adhuc authores querunt circumstantiam, ex qua certa fiat iurisdictio.

139. Dicunt aliqui, se audivisse a Theologis Romanis, qui adfuerunt tractatu de condemnatione harum propositionum, non fuisse intentiōnem Pontificis, nec Sacrae Congregationis, quod damnatio primae propositionis intelligatur de ijs, quae pertinent ad iurisdictionem, cuius concessio, extensio, vel limitatio spectat ad Ecclesiam; sed dumtaxat de ijs, quae sunt iuris Diuini, scilicet de partibus Sacramenti Poenitentiae.

140. Id tamen, nisi recte intelligi-

gatur, ansam præbet errandi. Inquiero enim, an certum sit, quod absolvens iuxta opinionem probabilem de iurisdictione, valide absolvit; an potius sit dumtaxat probabile? Si hoc secundum dicas, Sacramentum exponitur frustrationi; nam quod est mere probabile, fortasse est falsum coram Deo: fortasse ergo falsum est, quod sic valide absolvitur poenitens. Si autem dicas, certum esse, quod is valide absolvitur ab eo, qui absolvit ex opinione mere probabili; querendum est principiū, vnde id fiat omnino certum.

141. Deinde, quia quamvis iuris Ecclesiastici sit confere, ampliare, aut restringere iurisdictionem Confessarij, ast quod nullus Sacerdos possit absolvere sine iurisdictione, est iuris Divini, vt patet ev Concil. Trid. sessi. 14. c. 7. illis verbis: *Persuasum semper in Ecclesia Dei fuit, & verissimum esse Synodus hec confirmat, nullius momenti absolutionem eam esse debere, quam Sacerdos in eum profert, in quem ordinariam, aut subdelegatam non habet iurisdictionem.* Vbi vides, non dicere Concilium, Ecclesiam sic statuisse; sed semper fuisse persuassum in Ecclesia Dei, nempe tamquam sic a Domino institutum. Præterea quia declarat, ita esse essentialē iurisdictionem, vt absque illa invalidum sit Sacramentum. Constat autem non pertinere ad Ecclesiam statuere aliiquid circa essentialia Sacramentorum. Vnde fit, quod si opinio probabilis de iurisdictione sit falsa coram Deo, & non aliunde proveniat iurisdictio; deficit aliiquid essentialē, atque adeo frustratur absorlutio.

142. Quæritur ergo in praesenti, an dum confessio sit coram confessario habente iurisdictionem probabilem ex opinione probabili minus tua, superaddatur aliqua circumstantia, quae reddat absolutionem omnino certam, v. g. est opinio multorum, quod

quod poenitens Dioecesis Hispalensis possit absolvvi virtute Cruciatæ à Sa-
cerdote approbatu ab Episcopo alte-
rius Dioecesis. Id enim affirmant En-
riquez, Valerus, Fay, Llamas, Portel,
Llamas, Ledesma, Fernandez, Nuñus, Coninck
Portel.
Fernand.
Nuñus,
Coninck.
Reginald.
Ioann.
Cruc.
Filliac.
Diana.
Enriquez.
Valer.
Llamas.
Ledesma.
Fernandez.
Nuñus.
Coninck.
Reginald.
Ioann.
Cruc.
Filliac.
Diana.
Tho. San.
Lessius.
Diana.
Villalob.
Mader.
Martin.
Lugo.
Bonacina
Granad.
Turrian.
Sancius.
Caf. Pal.
Enriquez.
Coninck.
Lumbier.
Filguer.
-143-

tract. 8. disp. vnic. sect. 10. n. 101. & P. Salas.
Suarez tom. 4. in 3. part. disp. 26. sect. 6. Suarez
n. 8. ait. [Et quidem hic dicendi mo-
dus probabilis, non tamen certus, &
hoc ipso non omnino tollit dubium,
nec dat rei certitudinem, quam quæ-
rimus.] Et aduersantur ei dicendi mo-
do illi, qui censet, Regulam de erro-
re communi conferente iurisdictionem, non procedere in pertinentibus
ad forum conscientia, quales sunt illi,
quos suppresso nomine resert Paluda-
nus in 4. dist. 17. quæst. 6. art. 2. num. 21.

143. Secunda circumstantia simi-
lis præcedenti, ob quam plurimi Au-
thores censem, valorem Sacramenti
Poenitentiae confecti cum opinione
probabili circa iurisdictionem, fieri
certum, est. quia independenter à sen-
tentia de valore iurisdictionis ex er-
rore communi censem, Ecclesiam sup-
plerè defectum iurisdictionis ex ra-
tihabitione de præsenti, eo quod
Ecclesia videat sic practicari, & id to-
leret. Ita fere omnes Authores citati
pro prima circumstantia. Et post dam-
nationem primæ propositionis ita Lumbier.
sentiendum esse ad praxim, affirmant Filguer.
Lumbier, & Filguera in explicacione
primæ propositionis.

146. Tertia circumstantia, ex qua
authores communiter afferunt, redi-
ctero validam absolutionem, quando
datur ex opinione probabili circa iu-
risdictionem, est, quod tunc poenitens
confiteatur aliqua peccata venialia.
Dicunt enim, omnes Sacerdotes ha-
bere iurisdictionem certam in venia-
lia, & in mortalia iam rite confessa.
Opinio autem probabilis circa iuris-
dictionem facit, quod poenitens acce-
dat bona fide: cum ergo accedens bo-
na fide confitetur peccata mortalia si-
mul & venialia, absolvitur directe à
venialibus, & indirecte à mortalibus,
si forte illa opinio est falsa coram Deo
Et ita non pericitatur valor Sacra-
menti. Pro hoc dicendi modo stant P. Suar.
Suarez, P. Thomàs Sanchez, imo fe-

144. De securitate huius funda-
menti dubitat P. Salas 1. 2. quæst. 21.

re omnes Theologi, quos inferius referam.

147. Sunt tamen pro opposita sententia tres alij authores, qui negant inesse hanc iurisdictionem in venialia, quos inferius referam. Quæ tres circumstantiae discutientur in articulis sequentibus.

ARTICVLVS V.

Examinatur primus dicendi modus circa certitudinem iurisdictionis, ex eo quod Ecclesia sup-

plet defectum ex errore

communi.

SVMMARIVM.

Error communis circa iurisdictionem cum titulo putativo collato à legitimo Superiore, supplet defectum iurisdictionis. n. 149.

Certum est, id esse verum etiam pro fôro interno. n. 150.

Probabile dum taxat est, quod si deficiat titulus, vel non sit à legitimo Superiore, Princeps supplet defectum. n. 151.

Et oppositam sententiam docent multi. n. 152.

Opinio communiter recepta, si apud Deum est falsa, est error communis. n. 153.

Si de probabilitate opinionis multi sapientes dubitant, si coram Deo falsa est, error est, sed non communis. n. 154.

Opinio probabilis circa iurisdictionem, si coram Deo falsa est, certum est, quod Ecclesia supplet defectum, si confessarius habet titulum putatum à legitimo Superiore. n. 155.

Si de probabilitate opinionis dubitant multi sapientes, Ecclesia non supplet defectum. n. 156.

Quando opinio circa iurisdictionem est communiter recepta, confessarius tamen non habet titulum, vel non à

superiore legitimo, Ecclesia non supplet defectum, & absolutio exponitur frustrationi. n. 157.

Bullæ Cruciate non est sufficiens titulus sine approbatione Ordinarij. n. 158.

148. **Q**uærum in præsenti, an is dicendi modus, quo affirmatur, [quoties adest opinio vere probabilis circa iurisdictionem confessarij, propter errorem communem, certam manere eam iurisdictionem] reddit sacramentum pénitentiae certo validum, & nullo modo expositum frustrationi?

149. Pro cuius claritate sequentes positiones statuo. Primam. Certum est, quod vbi adeat error communis circa iurisdictionem, cum titulo putativo collato à legitimo Superiore, Princeps supplet defectum iurisdictionis. Hanc admittunt omnes Theologi, & iurisperiti ex L. Barbari. ff. de officio Pratoris. & ex cap.

In famis. 3.q.7. & ex alijs iuribus. Ita
P. Thomæ Sanch.lib. 3. de Matrim.
disp. 22. n. 5. Et apud ipsum Rosella,
Angelus, Sylvester, Tabiena, Armilla,
Navarrus, Gregorius Lopez, Humada,
Paludanus, Cayetanus, Metina, Petrus
de Soto, Palacios; Angles, Enriquez,
Aragon, Ludovicus Lopez, Manuel
Rodriguez, Vega, & ex recentiori-
bus ibidem tenent omnes, nemini
dempto. Neque invenio authorem
aliquem, qui contradicat. Huius rei
fundamentum pro materijs iuris Ecclæstici nititur in citato cap. Infamis. Vbi sic dicitur: Si servus, dum pu-

taretur liber, ex delegatione senten-
tiam daret, quamvis postea inservitu-
rem depulsus sit, sententia ab eo dicta,
rei iudicata & firmitatem tenet. Vbi de-
cernitur, quamvis servus sit incapax
iurisdictionis, si tamen communiter
ignoretur esse servus, & ex delegatio-
ne exercuerit iurisdictionem, gesta
per ipsum valent, non quia habuerit
verum titulum ad exercitium iuridi-
ctio-

ctionis, sed quia Princeps propter utilitatem publicam illa facit valida.

150. Secundam. Certum est, id verificari tam pro foro interno, quam pro externo. Ita tenet P. Thomás Sanchez vbi sup. Et omnes ibidem ab eo allegati, neque aliquis est qui contradicat, nisi quod Paludatus in 4. dñi. 17. quæst. 6. art. 2. n. 21. refert, alioquin, si p[ro]p[ter]e[st] nomine, sentire oppositum. Id tamen non est reputandum. Tum quia p[re]dicti sic allegati ignoti sunt: tum quia reliqui omnes hanc positionem admittunt. Et ratio est manifesta, quia cum iura non distinguant inter forum internum, & externum, nec nos distingui debemus.

Tb Sanc. Videatur. P. Thomás Sanchez citatus

Tb Sanc. num. 13.

151. Tertiam. Probabile dum taxat est, & non certum, quod etiam si deficit omnibus titulus, vel non sit a legitimo Superiore collatus. Princeps supplet defectum. Patet positio ex eo, quod qualivis aliqui doceant, valere gesta per eum, qui est in possessione officij cum communius errore, quos citat P. Thomás Sanchez vbi sup. num. 48. communius tamen sententia docet, necessario requiri titulum putativum, & quod is titulus a legitimo Superiore collatus fuerit. Ita P. Thomás Sanchez n. 49. & apud ipsum Speculator, Ioannes Andreas, Archidiaconus, Innocentius, Antonius, Ancharranus, Imola, Cardinalis, Enricus, Abbas, Stephanus, Bartolus, Angelus, Fulgosi, Guillielmus, Iason, Baldus, Albericus, Paulus, Corneus, Socinus, Tiraquellus, Rosella, Sylvester, Tabiena, Armilla, Navarrus, Covarrub. Gregorius Lopez, Hamada, Horoscii, Antonius, Gabriel, Vgolinius, Sbrozius, Caetanus, Metina, Palaclios, Enriquez, & Aragon.

152. Oppositum opinionem docentem, sufficere errorem communem cum possessione officij, nec requiri validum titulum apud Thomam Sanchez

citatum docent Innocentius, Ostien-

sis, Ioannes Andreas, Decius, Salice-

Innocent.

Ostiens.

Ioa And.

tus, Fellinus, Petrus, Cynus, Fulgo-

Decius.

sus, Cardinalis, Burgos de Paz, &

Salicet.

Fellin.

alij. Et præcipue Basilius de Leon, qui Petr.

mordicus defendit hanc opinionem.

Cyn.

lib. 3. de Matrimon. cap. 20.

Fulgof.

Cardin.

153. Quartam. Opinio vere pro-

Burg. de

babilis, que ut talis recepta est à Sa-

Paz.

pientibus, si apud Deum falsa est, est

Basil. de

error communis. Patet: quia eam ad-

mittunt communiter sapientes;

&

quod sapientes admittunt, insipientes

credunt, nec dissentunt, & ideo com-

muniis est omnibus talis error.

154. Quintam. Si opinio non est

communiter recepta à Sapientibus:

tamen quem vere probabilis, sed multi

sapientes dubitant de probabilitate

cuius, si coram Deo falsa est, error est,

sed non communis. Patet: quia non

est communis, quæ non admittitur

communiter. Et hæc est opinio tenui-

ter probabilis, de qua loquitur tertia

propositio damnata in hoc decreto,

quam explicabo suo loco.

155. Sit prima conclusio. Quan-

do datur opinio vere probrabilis circa

iurisdictionem confessarij, si ea opinio

coram Deo falsa est, certum est, quod

Ecclesia supplet defectum iurisdictionis,

si confessarius habet titulum pu-

tativum a legitimo Superiore colla-

tum. v.g. Est opinio aliquorum, privi-

legia, quibus gaudent Regulares ad

absolvendum a reservatis, revocari

per Jubileum anni Sancti: & opposita

opinio est aliorum afferentium, non

revocari. De quo videndus est Lugo

Cardinalis de Panitzchia disp. 23. sect.

8. à q[ua]d. 144. Si hæc secunda opinio

coram Deo falsa est, est error commu-

nis, vt pote opinio communiter recep-

ta, vt constat ex Cardin. Lugo ibide

Lugo.

n. 145. & ex Diana tom. 1. tract. de Bul-

Diana.

la Cruciatæ resolut. 100. Deinde regu-

lares (de quibus loquimur) habent

titulum saltem putativum, qui consis-

tit in privilegio Pontificis, & appro-

batione

batione Ordinarij illius Dioecesis, in qua habitant. Cum ergo certum sit ex prima positione, in tali errore communi cum titulo putativo à legitimo Superiore collato suppleri iurisdictionem à Principe; & ex secunda positione certum sit, id valere tam pro foro interno, quam pro externo; sit, in tali casu regulares ita absolventes (si falsa sit coram Deo ea opinio) habere iurisdictionem ab Ecclesia, & absolutiōnem ab eis datam esse certo validam.

156. Secunda conclusio. Quando opinio circa iurisdictionem confessarij talis est, ut de eius probabilitate dubitent multi sapientes, Ecclesia non supplet defectum iurisdictionis, atque adeo ex hoc capire relinquitur absolutio exposita frustrationi, v.g. Est opinio aliquorum, quod virtute Cruciatæ possunt absolvī Regulares à reservatis. De probabilitate huius opinionis dubitant multi viri dari. De quo videndi sunt Lugo Card. disp. 20. de Poenitent. sect. 9. & P. Moya tom. 1. selectar. tract. 3. disp. 8. quæst. 8. §. 3. & Raymundus Lumbier tom. 3. in primam propositionem damnatam §. 3. n. 1696. de qua inferius late dicam. Cum ergo hæc opinio (si coram Deo falsa est) non sit error communis iuxta positionem quintam, in tali casu non supplet iurisdictionem Ecclesia; cum eam suppleat dumtaxat cum errore communi.

157. Sit tertia conclusio. Quando opinio circa iurisdictionem est communiter recepta, ut p[ro]bilis à Sapienibus, quamvis si coram Deo falsa est, sit error communis, non tamen detur titulus, vel si datur non sit collatus à superiore legitimo, probabile est quod Ecclesia (ex hoc capite erroris communis) non supplet iurisdictionem; atque adeo in tali casu absolutio exponitur frustrationi, & Sacramentum non redditur certo validum, v.g. Est opinio aferentium, Confessarium existentem in Dioecesi Hispanensis, & approbatum ab Ordinario Cor-

dubensi, posse virtute Cruciatæ eligi ad confessionem Dioecesani Hispanensis. Cum ergo constet ex tertia positione, nihil prodesse errorem communem pro supplenda iurisdictione, nisi detur titulus saltem putativus, ifque à legitimo Superiore collatus; & in tali casu is confessarius habeat tirulum à Superiore Cordubensi, qui non est legitimus Superior ad approbationem talis confessarij, sequitur, quod non habet titulum putativum à legitimo Superiore collatum; atque adeo probabile est, quod nō absolvit valide, & consequenter exponit Sacramentum frustrationi.

158. Nec satisfacies, si dicas, sufficientem titulum esse Bullam Cruciatæ. Contra enim est. Nam Bulla Cruciatæ per se solam non est titulus sufficientis, ut confessarius gaudeat iurisdictione, sed requiritur etiam pro titulo, quod ipse designatus sit ad audiendas confessiones designatione, aut approbatione facta à legitimo Superiore; alioqui Sacerdos quilibet habet titulum sufficientem, ex eo quod Poenitens haberet Bullam Cruciatæ. Quod satis est absurdum.

ARTICVLVS VI.
Discutitur secundus modus circa certitudinem iurisdictionis, ex eo quod independenter ab errore communi
Ecclesia supplet iurisdictionem

SVMMARIVM.
Sententia communis proponitur, quod Ecclesia supplet iurisdictionem independenter ab errore communi. n. 159.
& seqq.
Defenditur ut certa prædicta sententia ex eo, quod constat ex iure, quod consuetudo dat iurisdictionem. n. 161.
Iurisdictionis Prelatorum Regularium partim habetur ex consuetudine. n. 162.
Archiepiscopus aliquando habet extensio[n]em iurisdictionis ex consuetudine. n. 164.
Con-

Consuetudo est in Ecclesia, quod confessarij absolvant ex opinione vere, & practice probabili circa iurisdictionem. n. 165.

Doctores, qui affirmant, dari eam consuetudinem. n. 166. & seqq.

159. **C**um ex articulo præcedenti competum sit, non semper errorem communem esse satius ad reddendum certum valorem iurisdictionis confessarij neque semper supplere Ecclesiam iurisdictionem ex præfato errore communi, quærimus in præsenti, an certum sit, & non solum probabile, quod independenter à tali errore communi Ecclesia supplet defectum iurisdictionis confessarij, quoties datur opinio vere probabilis circa præfamat iurisdictionem, quæ recepta sit ut vere probabilis inter Doctores, & de eius probabilitate non dubitetur inter sapientes.

160. Communissima sententia est inter Doctores, quod Ecclesia supplet defectum iurisdictionis, si forte ille defectus contingit, dum confessarius vtitur opinione vere probabilis. Ex quibus aliqui id docent accidere ex errore communi, de quibus dictum est art. anteced. Alij autem id affirmanter sine recursu ad errorem communem. Ita Lugo Cardin. P. Arriaga, Bonacina, & Bonacina infra citandi in hoc art. Enr. Trull. Henriquez lib. 2. de Peñit. cap. 14. n. 3. Trullench. lib. 1. Bul. §. 7. c. 1. dub. 2. 9. P. Castro Palao tom. 1. tract. 1. disp. 2. punct. 5. n. 9. P. Lessius lib. 2. cap. 29. dub. 8. n. 68. afferens: *Non solum error communis, sed etiam probabilis Doctorum opinio efficit, ut Ecclesia det iurisdictionem.* P. Gaspar Hurtado disp. 10. de Peñit. diffic. 6. Sed operæ pretium est, inquirere principium certum, ex quo ea assertio non maneat intra metas probabilitatis, sed remaneat omnino certa.

161. Dicendum ergo est, certum esse, quod Ecclesia supplet iurisdictionem.

nem confessarij, quoties datur opinio probabilis de iurisdictione, que opinio habeat supradictas qualitates.

Probatur. Nam certum est in iure,

quod *consuetudo dat iurisdictionem.*

Ex cap. *Cum contingat de foro competet, vbi sic statuitur: Nisi forte bis quibus delinquentes ipsi deserunt, ex indulgentia, vel consuetudine speciali iurisdictione huiusmodi valeant sibi vindicare.* Et Glossa ibi adiuncta verb. *Vel consuetudine, ait: Natura, quod consuetudo dat iurisdictionem, & ex cap. Romana, de sent. Excommunicat. in 6. prohibiens iurisdictionem quibusdam absolvendi a censuris subiungit Pontifex: Salva contraria super hoc consuetudine, si quam habent.* Vbi Glossa repetit. eadem verba supra relata, quod *consuetudo dat iurisdictionem.* Idem constat ex cap. *Romana*, de foto competit. in 6. & Glossa ibidem verb. *Consuetudine.* & cap. *Vt litigantes, de officio Ordinarij.* & cap. *Dudum s. Scilicet de Electione.* & cap. *Cum quidam de Except. in 6. illis verbis: De re per Ecclesiasticum Iudicem indicata, in causa, quod ad eum pertinet cognitio de consuetudine, vel de iure, &c.* Vbi Glossa repetit eadem verba, quæ supra. Et cap. *Duo simul.* de officio Ordinarij dicitur: *Cum sit in Canonibus definitum, primates, vel Patriarchas nihil iuris praeceteris habere, nisi quantum Sacri Canones concedunt, vel prisa illis consuetudo contulit ab antiquo.* Constat etiam ex Concil. Trident. sess. 22. in decret. de Reform. cap. 3. illis verbis: *Si alitui ex predictis dignitatibus in Ecclesijs Cathedralibus vel Collegiatis de iure, seu CONVENTU-DINE iurisdictione, administratio, vel officium non competit, &c.* Ex quibus verbis patet, iurisdictionem competere ex consuetudine.

162. P. Suarez tom. 4. de Relig. tract. 8. lib. 2. cap. 9. num. 3. docet, iurisdictionem Prælatorum Regularium exem-

Suarez.

104 DISERTATIO II. CAPVT VI. ARTIC.VI.

exemptorum introductam esse par-
tim privilegijs Pontificum , partim
consuetudine. In quo sic differit: Ad-
dit *Navarrus* Comment. 2. de Regular.
num. 65. hanc iurisdictionem magna ex
parte introductam , vel auctam esse
[consuetudine, quae vim habet dandi
iurisdictionem.] cap. Duo simul. de of-
fic. Ordin. Quod etiam repetit comment.
3. de Regular. in fine. Et ideo consuetu-
dinum etiam est habenda ratio: nam ra-
tione illarum fieri potest, ut tota iuris-
dictione sit à Pralato Religioso quo ad
omnia delicta , vel quod aliqua sint
Episcopo reservata, &c.

163. Sequitur hanc doctrinam
eisdem terminis P. Pellizarius tom.
2. tract. 10. cap. 10 n. 42.

164. Barbosa de potest. Episco-
pi part. 1. tit. 4. num. 36. docet Archie-
piscopum posse vi consuetudinis exer-
cere iurisdictionem in Dioecesi suffra-
ganea. Et probat ex cap. de foro com-
pet. in 6. & in cap. 1. de Poenis in 6. &
citat Marcum Antonium Genuens. in
Mar. An. praxi Eccles. Neapol. cap. 70. Quarantam
in Summa Bularij verb. Archie-
Qdarant. pisco authoritas. versu 25. & alios.

165. Atqui praxis est, & consue-
tudo in tota Ecclesia, quod confessarij
absolvant ex opinione vere & pra-
etice probabilis circa iurisdictionem;
ergo certum est, quod ex tali consue-
tudine, habent confessarij veram iu-
risdictionem.

166. Quod autem detur talis con-
suetudo, negari non potest: quia eam
affirmant communiter Doctores, quo-
rum communis opinio in quaestione
facti facit certitudinem moralem, vt
probavi in 1. part. Cris. Theol. disp.
12. cap. 5. n. 73. (ultra experientiam,
qua omnes videmus, ita practicari
apud Sapientes) P. Suarez tom. 4. in
3. part. disp. 27. sect. 5. n. 7. ait. Confir-
matur ex uniuersali Ecclesiae consuetu-
dine, quae est sufficiens signum iurisdic-
tionis , vt supradictum est. Est autem

uniuersalis Ecclesiae usus, ut Sacerdo-
tes securè vntantur huiusmodi iurisdi-
ctione (probabili) in administratione
huius Sacramenti. Et quamvis P. Suarez,
n. 8. dixerit, hunc discurrendi mo-
dum esse probabilem; non tamen di-
xit, esse solum probabilem consuetu-
dinem Ecclesiae, sed illam tradit ut in-
dubitabilem.

167. Lugo Cardin. disp. 19. de *Lug. Car.*
Poenit. sect. 2. num. 31. agens de hac
consuetudine absolvendi cum iurisdictione
probabili, ita afferit. Et hoc est
PRAXIS omnium fidelium, & totius
Ecclesiae. Et idem repetit num. 33. &
34.

197. P. Arriaga tom. 8. Cursus
Theol. disp. 39. sect. 5. subsect. 2. n. 43.
agens de hoc modo iurisdictionis
probabilis, sic ait: Cum ergo univer-
salis Ecclesia CONVENTUO sit, ut
secure ea iurisdictione probabiliter pre-
sumpta, censetur Ecclesia eam tacite
approbare.

169. Diana part. 3. tract. 2. resol. *Diana*
3. §. Vnde. sic ait: Ad VSVM vero uni-
versalis Ecclesiae, quem Peregrinus ad-
ducit (in contrarium) nescio, quomodo
possit illum probare; imo contrarium
apparet ex communi Doctorum senten-
tia, ut suprà visum est, & confessarij
passim abso lunt cum opinione proba-
bili, etiam in casu, in quo agitur de eo-
rum iurisdictione.

170. Eamdem consuetudinem
supponunt communiter Theologi
dum afferunt cum magna assevera-
tione, quod quoties adeat opinio ve-
re probabilis circa iurisdictionem, Ec-
clesia illa supplet. Quae firma assertio
supponit ita practicari in Ecclesia.

171. Audiendus est Bonacina *Bonac.*
tom. 2. disp. 5. de Sacrament. Poenitent.
quaest. 7. punct. 5. §. 4. num. 5. vbi sic ait:
Ex quo infertur, cum, qui sequitur
opinionem probabilem Doctorum
sentientium, ipsi habere iurisdictionem
absolvendi à reservatis, seu pri-
vile-

Suarez.

vilegium absolvendi non esse revocatum, valide agere, quæ agit, ac si re ipsa iurisdictionem haberet, & privilegium non dum esset revocatum, etiam si forte opinio illa probabillis à parte rei non subsistat, sed falsis realiter nittitur fundamentis: nam Ecclesia supplet iurisdictionem; alioquin sequerentur eadem incommoda, quæ sequerentur, Ecclesia non suppleat iurisdictionem, quando adeat error communis, & titulus coloratus. Et hoc eodem modo communiter loquuntur Theologi, re omnes. Quo pacto non loquerentur Authores, si non esset ita in praxi receptum. Quid autem est praxis communis, nisi consuetudo?

Vide pag. 149 arcanum s. hoc plana spectantem

ARTICVLVS VII.

An Ecclesia supplet iurisdictionem, quando opiniones sunt tenuis probabilitatis? & quæ illæ sint?

SVMMARIVM.

Duplex genus opinionum probabilem, aliud tenuiter probabilem, & aliud vere probabilem. n. 172.

Opiniones tenuiter probabiles non sunt vere probabiles. n. 173.

Opiniones tenuiter probabiles sunt practice improbabiles. n. 174.

Improbabile est, quod licet dirigere conscientiam ex opinione tenuiter probabili. n. 175.

Opiniones tenuiter probabiles sunt dubit probabilitatis, ex quibus resultat dubium practicum. n. 176.

172. **N**otanter dixi articulo praedicto cedenti, hanc iurisdictionem suppleri ab Ecclesia, quando opiniones sunt receptæ tamquam probabiles; ita ut de eorum probabilitate non dubitetur inter sapientes. Nam si hæc qualitas desit opinionibus, non supplet

Ecclesia. Pro cuius claritate notandum est, ex hoc decreto Innocentij XI. constare, esse duplex genus opinionis. Aliæ enim sunt vere probabiles, quæ communiter recipiuntur ut tales; & aliæ sunt tenuiter probabiles, id est (ut suo loco probabo) dubiæ probabilitatis, de quarum probabilitate dubitant viri sapientes. De quibus late dicam disert. 3. in explicatione tertiae propositionis. Et in hoc secundo genere opinionum assero, Ecclesiam non supplerere iurisdictionem.

173. Probatur primo. Nam consuetudo, quæ datur absolvendi iuxta opiniones probabiles, est iuxta illas, quæ sunt vere probabiles; sed opiniones tenuiter probabiles non sunt vere probabiles: ergo in his non datur talis consuetudo; ergo non licet absolvere iuxta has opiniones. Minor patet. Nam Innocentius XI. in damnatione tertiae propositionis, opiniones tenuiter probabiles excludit à numero probabilium; cum expresse afferat, imprudenter operari eum, qui operatur iuxta opinionem tenuiter probabilem.

174. Probatur secundo. Nam Ecclesia non supplet iurisdictionem iuxta opiniones, quæ sunt practice improbabiles; sed opiniones tenuiter probabiles sunt practice improbabiles: ergo Ecclesia non supplet iurisdictionem iuxta opiniones tenuiter probabiles. Maior, & consequentia sunt manifestæ.

175. Minor probatur dupliciter. Primo. Nam ex damnatione tertiae propositionis constat, improbabile esse, quod possimus dirigere conscientiam ex opinione tenuiter probabili; sed id est esse in praxi, sive practice improbabilem: ergo opinio tenuiter probabilis est practice improbabilis.

176. Secundo probatur eadem minor. Opinio tenuiter probabilis est opinio dubiæ probabilitatis, ut ostendam dissertatione 3. Sed opinio dubiæ pro-

O pro-

probabilitatis est practice improbabili ex dictamine reflexo: ergo opinio tenuiter probabilis est practice improbabili. Probatur minor: quia improbabile est, quod possit quis regere conscientiam ex opinione dubiæ probabilitatis; cum dubia probabilitas involvat dubium practicum, cum quo nemini licet operari, nisi in partem tutiorem, & strictiorem. De quo vide quæ dixi in 3. part. Cris. Theol. disp. 56. c. 9. art. 3. Sed idest esse practice improbabilem, saltē ex dictamine reflexo: ergo opinio dubiæ probabilitatis est practice improbabili, saltē ex dictamine reflexo.

177. Recensere omnes opiniones quæ sunt tenuiter probabiles, & versantur circa iurisdictionem confessarij, non est facile, nec in præsenti vacat: est tamen operæ pretium de aliquibus, quæ frequentius ocurrere possunt in praxi, iudicium ferre.

QVÆSTIO I.

An sit tenuiter probabilis, atque adeo explodenda, opinio, que docet, posse absolvi Regulares a reservatis virtute Cruciatæ?

§. I.

Refertur sententia laxior cum suis fundamentis.

SYMMARIVM.

Quantum laborarunt Pontifices in reprobanda opinione de absolutione Regularium à reservatis virtute Cruciatæ? n. 178.

Quam absurdum sit asserere certū esse quod Pontifex supplet iurisdictionem circa absolutionem Regularium

à reservatis virtute Cruciatæ? n. 179.

Authores qui post Bullam Urbani affirmant, posse regulares absolvī virtute Cruciatæ. n. 180.

Primum eorum fundamentum ex eo quod Cruciatæ concedit omnibus electionem confessarij pro absolutione à reservatis. Et quod Cruciatæ revocat decretum a Pontificum. n. 181.

Secundum, quod illi Pontifices declararunt suam, non vero successorum intentionem. n. 182.

Terium, quod Commissarius Cruciatæ revocat privilegia Superioribus Regularium concessa. n. 183.

Et quod attinet ad privilegia Regularium, quæ excipiuntur in Bulla, intelligitur solum de indulgentijs. n. 114.

Quartum, quod revocatio facta a Pontificibus debuerit renovari, & intimar quolibet anno. n. 185.

Quintum, ex eo quod à Constitutione Urbani supplicatum fuerit. n. 186.

Sextum ex multitudine Authorum, qui eam opinionem iuentur. n. 187.

178. **L**aborarunt Sanctissimi Romani Pontifices Clemens VIII. Et Urbanus VIII. ut exulare facerent opinionem, quæ docet, posse Regulares absolvī à reservatis virtute Cruciatæ; pro cuius probabilitate excludenda emiserunt Bullas in quibus declaraverunt, non esse intentionis Sedis Apostolicae, id concedere Regularibus in Bulla Cruciatæ. Et tamen id non est visum statim aliquibus Recentioribus, ut talem opinionem velint à probabilitatis gradu excludere, non sine conscientiarum periculo.

179. Et mihi quidem videtur absurdissimum, quod huius recentiores velint, certum esse, quod Pontifex Romanus supplet iurisdictionem circa absolutionem à reservatis datum regularibus virtute Cruciatæ; etiam plures Pon-

Pontifices Romani oppositum declaraverint. Et quanvis hac de re, plura sunt scripta ab Authoribus, dicam breviter sententiam meam. Et qui pluta desiderat, legat Cardinalem de Lugo de Poenit. disp. 20. sect. 9. & P. Mathæum de Moya tom. 1. select. tract. 3. disp. 18. quest. 8.

180. Prima opinio docet, adhuc post Bullam Clementis VIII. & post aliam Urbani VIII. posse Regulares absolvit a reservatis virtute Cruciatæ, à quolibet Sacerdote approbato ab Ordinario; quamvis aliqui eius opinionis fautores limitent ad confessarios eiusdem Religionis. Apud P. Mathæum de Moya loco citato invenies plurimos Authores, qui ante Bullam Urbani VIII. docuerunt, id esse licitum.

Et post Bullam Urbani, ea diligentia, quæ solet, refert Ludovicum à Cruce, Petrum de Leon, Trullenkum, Thomam Hurtado, Candidum, Leandrum à SS. Sacram. Remigium, Drepanum, Acacium de Velasco, Arauxo, Ioan. nem Martinez de Prado, Barnabam Gallego, Antonium Baco, Christoph. à S. Ioseph, & Ludouicum à Conceptione, & eam novissime propugnat Mag. Hozes in appendice ad expositionem propositionis 1. ex damnatis. Quorū præcipua fundamēta sunt hæc.

181. Primum. Nam Bulla Cruciatæ vniuersaliter concedit omnibus Fidelibus, qui eam acceperint, ut possint eligere quenlibet Confessarium approbatum ab Ordinario, pro absolutione à reservatis. Deinde quanvis Clemens VIII. & Urbanus VIII. declaraverint, non esse suæ intentionis id concedere Regularibus; ast post mortem eorum Pontificum, cum conceditur nova Bulla Cruciatæ, per eā clausulam generalem revocantur ea decreta horum Pontificum; atque adeo post mortem illorum manet hæc facultas, sicut ante illa decreta.

182. Secundum. Quia Clemens

VIII. solum declaravit suam intentionem circa intelligentiam eis privilegij generalis de absolutione Regulæ à reservatis, & similiter Urbanus VIII. non vero intentionem suorum successorum; successores autem nihil declararunt de intentione sua: ergo clausula generalis Bullæ data à successoribus intelligi potest in sua vniuersalitate, cum prædicti successores eam vniuersalitatem non limitarint.

183. Tertium. Nam privilegia concessa Superioribus Religionum, ne subditi gaudeant facultate eligendi confessariorum pro reservatis, concessa ante Clementem VIII. & revalidata à Clemente, & Urbano, revocat Commissarius generalis Cruciatæ auctoritate Apostolica; conceditur enim Commissario, ut possit suspendere omnes alias facultates, illis verbis: *Vt suspendere possit, illo anno durante, omnes similes, vel dissimiles indulgentias, & facultates ab eisdem, & Sede Apostolica, vel eius auctoritate, quibusvis Ecclesijs, Monasterijs, &c. etiam si clausulas alias contra suspensionem facientes continerent.* Et ita de facto eas suspendit Commissarius. Ergo suspensa remanent ea privilegia concessa Superioribus, atque adeo subditi expediti manent ad vtendum privilegio eligendi Confessariorum pro reservatis.

184. Quod si dicas, excipi in Bulla Cruciatæ privilegia concessa Superioribus Religionum, ne possint suspendi, illis verbis: *Exceptis tamen confessis or dinum mendicantium Superioribus, quoad eorum fratres ratum.* Respondent hanc clausulam intelligi de indulgentiis dumtaxat.

185. Quartum. Nam revocatio facta à Clemente, & Urbano, qua revocant privilegium vniuersale Cruciatæ, ne Regulares potiantur eo privilegio eligendi Confessariorum pro reservatis, non est renovata quolibet anno in nova promulgatione Cruciatæ;

& si renovata est, non est intimata subditis; & si intimata, non est acceptata: ergo ea revocatio non præstat suum effectum, defectu eorum requiritorum.

186. Quintum. Nam à constitutione Vrbani VIII. supplicatum est à Commissario nomine Regis Catholico Leand. à ci. vt refert Leand. à SS. Sacram. tom. I. Sacram. tract. 5. de Poenit. disp. 2. q. 58. se audivis. Arauxo. se à Mag. Arauxo, & hic in decis. select. tract. 1. quæst. 8. num. 28. inquit: Ex parte Regis Hispani rogatus fuit Vrbanus VIII. ne in sua Bulla exprimeret dictam exceptionem Regularium.

187. Sextum. Quia probabilitas extrinseca est, quæ nütztur authoritate doctorum: cum ergo tot, tantique doctores stent pro huius opinionis probabilitate, quomodo potest negari, eam esse probabilem ab extrinseco?

§. II.

Improbabilitas laxioris opinionis ostenditur.

SUMMARIUM.

Discrimen inter legem prohibitoriam, & declarationem Pontificis in materia morum. n. 188.

Repugnat Sanctitati Ecclesiæ, quod Ecclesia admittat ut licitam actionem illicitam remissive. n. 189.

Cum Pontifex ut caput Ecclesiæ declarat, aliquid esse illicitum, tenetur id admittere tamquam certum. remissive. n. 190.

Opinio docens, Cruciatam prodeesse Regularibus pro reservatis, est tenuis, & dubia probabilitatis. n. 191.
Cathedra Romana declarat fuisse, & esse illicitum, quod regulares utantur Cruciatam pro reservatis. n. 192.
Id constat ex Bullis Vrbani, & Clemensis. n. 193.

Pontificem illud declarare, est declarare id esse illicitum, & invalidum. n. 194
Pontifices declarant, nec prodeesse, nec profuisse, nec profuturam Cruciatam

Regularibus pro reservatis. n. 195.
In ipsa Cruciatam est sufficienter expressum, ne profit Regularibus pro reservatis. n. 196. & seqq.

Restringere exceptionem ad solas indulgentias est contra ipsum contextum, n. 198.

Dum Pontifices declarant, non profuisse ante Cruciatam Regularibus pro reservatis, non declarant solum suam intentionem. n. 199. & seqq.

Quomodo si opposita opinio esset vera, erraret Pontifex in materia morum, & que inde absurdâ inferrentur? n. 201. & seqq.

Convincitur ea responsio, quod Pontifices non locuti fuerint ex Cathedra. n. 204.

Infertur etiam, quod opposita opinio sit tenuis probabilitatis. n. 205.

188. Aborant in æquivoco Authores eius opinionis laxiores, dum non distinguunt inter legem prohibitoriam, & declarationem Romanæ Cathedræ in materia morum: nam hæc duo differunt in multis, vt mox videbimus. Etenim quando Pontifex Romanus ex Cathedra declarat, aliquam actionē esse illicitam, repugnat illam esse licitam, aut practice probabilem; & quando declarat, esse licitam, repugnat esse illicitam, aut practice improbabilem, vt multis demonstravi in 1. part. Cris. Theol. disp. 9. cap. 6. & seqq. præcipue argumento de sumpto à Sanctitate Ecclesiæ, & supra in dissertatione procemiali.

189. Est enim de fide (vt profitemur in symbolo Apostolorum) Ecclesiam esse sanctam. Convenit autem inter Santos Patres, & Theologos, sanctitatem Ecclesiæ partim consilire, in eo quod doctrina Ecclesiæ sancta est. Non posset autem doctrina esse Sancta, si Ecclesia admitteret tamquam licitam actionem illicitam, & peccaminosam; vel respueret tamquam peccaminosam, & turpem, actionem honestam.

191. Deinde si Romanus Pontifex loquens ex Cathedra in hoc erraret, Ecclesia exponeretur eidem errori: securitas enim promissa Ecclesiae a Christo Domino non errandi in materia morum fundatur, & solidatur in Petræ firmitate, id est, in securitate non errandi, quia habet caput, & Magister Ecclesiae. Quæ omnia latissime demonstravi in loco citato, & supra in disert. præmiali.

190. Hinc fit, quod quando Pontifex Romanus ut caput Ecclesiae declarat, aliquid esse illicitum, eo ipso quod certo sciamus, esse id declaratum a Pontifice, tenemur id admittere tamquam veram, & certam doctrinam, siue nova aliqua intimatione, aut publicatione in conventibus, communib[us], aut prævintijs facienda. Nam eo ipso quod certo sciamus, aliquam doctrinam esse certam, tenemur eam amplecti, & secundum illam operari, vnde cumque proveniat certitudo illius, ut latius tradidi in disert. præmia- li, & in 3. part. Cris. Theol. disp. 77. c. 4.

191. His præmissis, sit conclusio. (quam ut omnino certam propugno) Opinio docens, Bullam Cruciatæ professe Regularibus pro eligendo confessio ad reservata, est tenuis, & dubia probabilitatis, & consequenter necessario excludenda a præxi. Et quidem tenuis probabilitas, damnatur ab Innocentio XI. in tercia propositione huius decreti; quare quæ tenuiter probabilis est, necessario est excludenda a præxi. Deinde quando probabilitas est dubia, sive (quod idem est) quando dubitatur de probabilitate, adeo dubium practicum, in quo necessario tutior pars est eligenda, iuxta ea, quæ tradidi in 3. part. Cris. Theol. disp. 56. cap. 9. art. 3. Et cum assero, eam opinionem esse tenuis, & dubia probabilitatis, eam qualitatem illi atribuo ut minimum; nam revera censeo, illam esse improbabilem, & certo falsam.

192. Ostenditur primo conclusio.

Romanus Pontifex loquens ex Cathedra, declarat, fuisse, & esse illicitum, quod Regulares tantur, aut usi fuerint Bulla Cruciatæ pro absolutione a reservatis: sed Pontifex loquens ex Cathedra errare non potest in eo, quod declarat illicitum: ergo certum est, id esse illicitum. Minor patet ex principio præicto.

193. Maior constat ex Bulla Vrbani VIII. in qua sic leguitur: *Motu Vrb. VIII proprio, & ex certa scientia, & matura deliberatione nostris, deque Apostolicae potestatis plenitudine, concessionem Sanctæ Cruciatæ... quantum ad predictum articulum eligendi Confessarium, & absolvendi à predictis casibus reservatis; etiam in Bulla Cœlesti Domini contentis, cum fratribus, & Monialibus predictis fratrum Predicatorum, ac aliorum quorumcumque Ordinum... locum minime habuisse, neque habere, nec illis ullo modo suffragari potuisse, nec posse... earumdem tenore presentium perpetuo declaramus.*

194. Sed quid est, declarare Pontificem, quod concessio Bullæ ad elendum Confessarium pro reservatis, non habet locum cum Regularibus; nisi declarare, illicitam esse, & invalidum, ut Bulla ad eum effectum? Et quid est declarare, eam concessionem Bullæ nec potuisse, nec posse suffragari Regularibus; nisi illam esse invalidam, atque adeo illicitum uti tali concessione? Qui ergo dicunt, Regulares, in vitiis Superioribus, posse uti Bulla Cruciatæ ad eum effectum, evidenter refragant doctrinæ, quam tradit, & declarat Romana Cathedra.

195. Alio modo potest efformari hoc argumentum. Et enim quod declarat Pontifex, est omnino certum; sed Pontifex declarat, nec professe, nec pro fuisse, nec pro futuram Bullam Regularibus ad electionem Confessarij pro reservatis: ergo certum est, nec professe, nec profuisse, nec profuturam ad eum effectum. Minor patet ex

vlti-

vltimis verbis textus proxime relati; nempe: *Nec illis suffragari potuisse, nec posse, perpetuo declaramus; quod idem est, ac in perpetuum declaramus.*

196. Idem eodem modo declaraverat Clemens VIII. vt constat ex proemio Bullæ Urbani VIII. vbi dicitur: *Idem Clemens predecessor sua per-
petuo valitura constitutione declaravit,
facultatem, & concessionem Sanctæ
Cruciatæ, & aliorum indultorum pre-
dictorum, quantum ad predictum arti-
culum eligendi Confessarium, & absolu-
vendi a casibus reservatis, non habere
locum cum fratribus, & sororibus mo-
nialibus quorumcumque Ordinum, &c.
neque eis suffragari.*

197. Confirmatur. Nam in ipsa Bulla Cruciatæ, est sufficiens fundamen-
tum, vt (concurrente assistètia Spi-
ritus Sæcti, ne erret ia materia morum)
certo cognosceret Urbanus VIII. eam
concessionem non potuisse suffragari.
Regularibus. Nam cum antecedenter
ad Bullas Clementis VIII. & Urbani
VIII. haberent Superiores Religionum
id privilegium, quod eorum subditi
nō possent vi privilegio Bullæ ad ab-
solutionem à reservatis, hoc privile-
gium expresse retinetur in ipsa Bulla:
quæ dum conedit Commissatio, vt
suspendere possit gratias, & facultates
alias, excipit eas, quæ concessæ sunt Su-
perioribus Regularium quoad eorum
subditos. Sic enim habetur in ipso con-
textu: *Idem predicto Commissario, &
Receptori generali datur facultas, ut
suspendere possit, dicto anno durante,
omnes similes, vel dissimiles Indulgen-
tias, & facultates ab eisdem, vel Sede
Apostolica, vel eius auctoritate, quibusvis
Ecclesijs, monasterijs, &c. Exceptis
tamen concessis Ordinum mendicantium
Superioribus quoad eorū fratres tārum.*

198. Quod autem dicunt Autho-
res partis oppositæ, solum excipi indul-
gentias, non autem facultatem eligen-
di Confessarium pro reservatis, est ex-
pressæ contra ipsum contextum Cru-

ciatæ in verbis relatis, in quibus con-
ceditur facultas suspendendi Indulgen-
tias, & facultates, exceptis, &c. Ergo nō
solum excipiuntur indulgentiæ ab ea
revocatione, aut suspensione, sed etiam
facultates.

199. Confirmatur secundo. Nam
etiam laborant in æquivoco Authores
oppositæ sententia, dum dicunt, Cle-
mentem VIII. declarasse suam inten-
tionem non concedendi in Bulla Cruci-
atæ eam facultatem Regularibus nō
veto declarasse intentionem successio-
rum, & ideo mortuo Clemente, revo-
cari per Bullam Cruciatæ eam dispo-
sitionem Clementis. Est enim ingens
æquivocatio, in eo, quod non cog-
noscent discrimen inter hoc, quod est
declarare suam intentionem, & hoc,
quod est, declarare, quod numquam
profuit Cruciatæ Regularibus ad hunc
effectum absolutionis à reservatis.

200. Declarant enim Pontifices,
quod numquam profuit, illi autem Au-
thores affirmant, quod profuit, scilicet
mortuo Clemente pugnat ergo aperto
marte ea opinio cum declaratione Pô-
tificis. Declarant Pontifices, in illa clau-
sula generali Cruciatæ, nihil concedi
Regularibus; affirmant illi Authores
in illa clausula generali, concedi eam
facultatem Regularibus. Quibus ergo
major fides habenda est, Pontificibus
ne, an illis Authoribus? Declarant Pô-
tifices, illam absolutionem à reser-
vatis datum Regularibus virtute Cruci-
atæ esse, & fuisse, & fore invalida, & ad-
huc volunt isti authores, quod ipsi Rô-
mani Pontifices, qui tam acriter resistut
ei opinioni, suppleant iurisdictionem, vt
maneant valide absoluti. Quod an sit
absurdum, iudicent viri docti. Videan-
tur Lug. Card. P. Andreas Mendo, &
P. Math. Moy. s. seq. cit. qui hoc argu-
mentum varijs modis evidēter urgunt;

*Lug. Car.
Mendo.
Moyda.*

201. Confirmatur tertio. Si Pon-
tificex docens ex Cathedra decla-
raret,

garet, Confessionem Sacramentalem validam, & per se bonam, esse irritam, & invilem, erraret Pontifex in materia morum; sed confessionem, quam oppositi Authores dicunt esse bonam & validam, declarat Pontifex, esse invalidam: ergo si ea Confessio esset bona, & valida, qualem dicunt ij Authores, Pontifex erraret in materia morum. Quod si in hoc erraret Pontifex, Ecclesia etiam exponeretur errori; atque adeo Ecclesia non esset sancta, contra Symbolum Fidei. Et hæc fulciuntur verbis Bellarmini lib. 4 de Rom. Pontif. cap. i. quæ attuli ad simile propositum in i. part. Cris. Theolog. disp. 9. cap. 6. art. 1. num. 51. & supra in disert. proœmiali: *Quod autem non possit Pontifex errare in moribus per se bonis, vel malis, probatur. Nam tunc Ecclesia non posset dici vere sancta, ut in symbolo Apostolorum vocatur. Nam sancta dicitur potissimum ob sanctam professionem, ut alibi ostendimus, quia nimirum legem, & professionem sanctam profitetur, quæ nihil docet falsum, nihil præcipit malum. Secundo, quia tunc necessario erraret contra fidem. Nam Fides Catholica docet, omnem virtutem esse bonam, omne vitium esse malum. Si autem Papa erraret, præcipiendo vitia, vel prohibendo virtutes, teneretur Ecclesia credere, vitia esse bona, & virtutes malas. Huc usque Bellarminus.*

202. Ex quibus verbis instauratur vis eius confirmationis. Nam Pontifices declarant, & docent Ecclesiam, eas absolutiones datas Regularibus esse, & fuisse invalidas, & consequenter vitiosas. Si autem Pontifex erraret, teneretur Ecclesia credere, confessionem bonam, & validam, esse invalidam, & vitiosam, vnde inferretur, Ecclesiam non esse sanctam, vt pote quæ haberet doctrinam falsam in materia morum, docens esse vitiosam actionem, quæ esset moraliter bona.

203. Dices, id non declarasse Vrbanum, vt caput Ecclesiæ, vel vt locutus ex Cathedra, sed vt privatum Doctorem; quod videtur insinuare *Hozes.* Hozes in ea quæstione appendice ad i. propositionem damnatam, num. 12. quamvis id non affirmet.

204. Sed quid est, Romanum Pontificem loqui vt caput Ecclesiæ, & ex Cathedra? Id ex professo tradidi in i. part. Cris. Theol. disp. 9. cap. 20. art. 3. & in disert. proœm. c. 9. a n. 90. ex cōmuni sententia Theologorum, quam tradunt P. Suarez contra Regem Angliæ *Suarez.* lib. 1. cap. 6. num. 15. & 16. & P. Valencia *Valencia.* Granado 2. 2. quæst. 1. punct. 7. §. 39. & P. Granado 2. 2. controv. 1. tract. 7. disp. 2. num. 1. videlicet, tunc loqui vt caput Ecclesiæ, quando decretum edit pro uniuersa Ecclesia, & vulnus à Fidelibus indubitanter admitti. Ex ipso autem contextu Bullæ Urbani aperte constat, eum decernere pro regularibus, & pro Confessariis totius Ecclesiæ, & velle, quod ab omnibus indubitanter admittatur.

205. Ex dictis constat, quod quamvis tot Authores dixerint, esse probabilem opinionem oppositam, qui propterea videntur facere probabilitatem; hæc probabilitas ad summum dicenda est tenuis, vt pote opposita manifestæ declarationi Cathedrae Romanæ: quæ tenuis probabilitas re vera est improbabilitas practica.

§. III.

Secunda demonstratio traditæ doctrinæ.

SYMMARIVM.

Prefata opinio est tenuiter probabilis.

n. 206.

Quot, & quanti Authores dubitent de eius

eius probabilitate, & improbabilem
censeant: n. 207. & seqq.
Quid statuerit Congregatio sexta gene-
neralis Societatis IESV? n. 218.
Quonodo dubitatio de probabilitate
eius non sit evitabilis? n. 219.
Non potest impendi absolutio iuxta opi-
nionem probabilem de iurisdictione,
nisi sit certum, quod Romanus Ponti-
fex supplet. n. 220.

206. **O**stenditur secundo conclu-
sio. Opinio, de cuius pro-
babilitate dubitatur inter sapientes, est
opinio tenuiter probabilis; illa qui-
dem, quæ damnatur in 3. propositio-
ne condemnata in hoc decteto, vt suo
loco ostendam: sed opinio de absolu-
tione Regularium à reservatis virtute
Cruciatæ, est opinio, de cuius pro-
babilitate dubitatur inter sapientes: ergo
ea opinio est tenuiter probabiliſ; atque
adeo subiacet damnationi tertiae pro-
positionis.

207. Probatur minor. Quia de
probabilitate eius opinionis non so-
lum dubitant multi viri sapientes, imo
vero tamquam certum affirmant, il-
lam esse improbabilem, aut non secu-
ram, vel quid simile. P. Suarez tom. 4.
de Religione tract. 8. lib. 2. cap. 16. nn.
3. postquam retulit Authores opinio-
nis laxioris, ait: Respondeo nihilominus,
contrariam sententiam esse veram, securam,
& Religioni maxime consentan-
tiam. Quibus verbis indicat senten-
tiam laxiorem esse parum securam, at-
que adeo dubiæ probabilitatis practi-
ciam.

Ioann. à **Cæ.**
S. Thom. 208. Mag. Ioannes à S. Thoma in
explicatione doctr. Christianæ 2. part.
notat. 2. pro casibus reservatis docet,
eam opinionem de absolutione Re-
gularium à casibus reservatis virtute
Cruciatæ, non esse securam.

Lugo. 209. Lugo Cardin. de Pænit. disp.
20. sect. 9. num. 153. agens de nostra
Sententia ait: Communis est apud omnes

fere Theologos propter expressam, & sa-
pissime repetitam declarationem Sum-
morum Pontificum, qui contrariam doc-
trinam vt omnino falsam reprobavunt.
Et num. 154. ait: Fundamentum irre-
fragabile huius sententie desumitur ex
declaratione Pontificum. Vbi ponit de-
clarationes Iulij II. Leonis X. Sixti IV.
Alexandri VI. Innocentij VIII. Gre-
gorij XIII. Clementis VIII. Pauli V.
Gregorij XV. & Urbani VIII. Dicere
autem, fundamentum esse irrefraga-
bile idem est, ac dicere sententiæ irre-
fragabiliter certa. Et nu. 158. sic inquit:
Probatur nostra sententia argumentis
adeo claris, vt in re morali faciant de-
monstrationem. Et num. 159. vbi recu-
lit decretum Gregorij XV. in litteris,
datis die 26. Febr. 1622. subdit: Vi-
deant nunc adversarij, cui in hac re ma-
gis credendum sit circa sensum verbo-
rum Bullæ, an cuilibet alteri, an ipsis
met Pontificibus, qui declarant, sensu
illorum verborum non esse, nec fuisse,
nec fore talem, vt concedatur facultas
prædictis Religiosis. Et num. 168. ait:
Qua declaratione posita, non video, quo-
modo iam opinio illa possit amplius sine
gravioris censure notā sustineri.

Diana.
210. Antoninus Diana 3. part. in
Addit. resol. 9. ait: Hanc sententiam
puto non esse probabilem, nec tutam in
praxi, sante Bulla Urbani VIII. inno-
centiani. Bullam Clementis VIII. Et
quamvis part. 11. tract. 6. resolut. 37. di-
xerit: In terrogatus per litteras ex His-
pania à pluribus, an sententia affirmati-
va sit probabilis, non ausus sum nota
improbabilitatis inurere. Is tamen mo-
odus dicendi satis indicat, non esse se-
curum, sed potius dubium de proba-
bilitate. Dubium autem de probabili-
tate est dubium practicum, in quo tur-
tior pars est eligenda, vt sæpe diximus.
Bardi. 211. P. Bardi in Bullam Cruciatæ
part. 1. tract. 2. cap. 5. sect. 2. num. 59. ait:
firmitatem sententiam tamquam im-
probabilem, & falsam, damnat, rese-
cta.

Diana. rente Antonino Diana proxime citato, & non immerito à non nullis temerariam administrus censeri, ut refert P. Moya mox allegandus.

Arriaga. 212. P. Arriaga tom. 2. in 3. part. disp. 41. num. 18. Non solum falsa, sed etiam improbabilis videtur prima sententia uniuersaliter dans Religiosis facultatem eligendi quemcumque Confessarium, qui absolvata reservatis. Idem repetit disp. 44. n. 5.

Mendo. 213. P. Andreas Mendo in Bullam Cruc. disp. 24. cap. 12. nu. 122. ait: Fundamentum huius conclusionis à modernis Authoribus allatum, & est convincentes, & adeo irrefragabile, ut contrariam sententiam penitus improbabilem relinquat, eaque in praxi minime exerceri queat: quare nullatenus poterit quis illi fidere, nec se conformare: ut aiunt plerique ex predictis Authoribus, & in numeri viri docti plurium annorum spatio à me consulti senserunt. Imo, ut innuit Card. Lug. maiori nota, quam improbabilitatis, esset opposita sententia inurenda.

Moya. 214. P. Mathaeus de Moya tom. 1. select. tract. 3. disp. 8. quæst. 8. num. 28. ait, quod Urbani declaratio omnem Recentiorum authoritatem penitus elevavit, ita ut eorum opinioni nulla, neque extrinseca probabilitas subesse poscit. Et num. 24. ait, omnes Theologos (exceptis ijs, quos ibi refert) sententiam negativam defendere ut omnino certam: defendere autem hanc sententiam, ut omnino certam, est defendere, oppositam esse certo falso.

Fragos. 215. P. Fragosus tom. 2. part. 2. lib. 2. disp. 7. affirmat, eam opinionem de absolutione Regularium virtute Cruciatæ esse omnino improbabilem, ut refert P. Moya proxime citatus.

Mendoza. 216. P. Antonius Escobar de Mendoza lib. 7. problem. 32. num. 359. asserit, eam opinionem esse omnino improbabilem, apud P. Moyam nuper relatum.

217. Raymundus Lumbier tom. 3. Summa in explicat prop. 1. nu. 1696. *Lumbier.* pag. 1074. ait: En estos tiempos es opinio temosa, y porfiada, y harto perniciosa, la que enseña, que vale la Cruzada a los Religiosos, y Religiosas, para los casos que reservan jus Prelados. Y aunque se, que ay muchos, que por sus fines particulares se arrimaron a esse sentir, para mis del todo improbable practice. Quæ ita fideliter transferuntur in latinum sermonem: His temporibus est opinio proterea & pertinax, & nimis perniciosa, qua docet, prodebet Cruciatam Regularibus viris, & feminis in Ordine ad causas, quos reservant eroum Pralati. Et quamvis sciam, esse plure s, qui ob privatos fines adhaerent huic sententia, meo iudicio ea est omnino improbabilis practice. Et num. 1698. acrioribus terminis eamdem sententiæ condemnat, appellans lupos carnivoros eos Confessarios, qui admittant ad absolutionem reservatorum Regulares, & moniales vi Cruciatæ.

218. Congregatio 6. Generalis Soc. Iesu, in quæam convenerunt viri sapientissimi Societatis Iesu ex tota Europa decreto 5. eam opinionem censuit improbabilem. Et ita decrevit, & prohibuit: Nemo ut nostrorum auderet, vel docere, vel in praxi contrariam sententiam tenere, vel Sacerdotes absoluere quemquam ad se cum reservatis casibus accidentem præsumerent vi Bullæ Cruciatæ, nec qui accedunt, tutos se ullo modo in conscientia, quasi rite absolutos, arbitrentur.

219. Cum ergo tot sint Theologi, & tam sapientes, qui tamquam omnino certum affirmant opinionem de absolutione Regularium à reservatis vi Cruciatæ esse omnino improbabilem, & certo falso; quis vir prudens erit, qui (ut minimum) non dubitet de probabilitate eius opinionis? Dubitatio atem de probabilitate opinionis est dubium practicum, in quo necessario

P tu-

tutior pars eligenda, ut sæpius diximus,
& demonstravimus; sicut etiam, quod
opinio dubiæ probabilitatis ex dicta-
mine reflexo est practice improbabilis.

220. Ex quo novum argumen-
tuin demonstrativum resultat. Ut Sa-
cerdos absolvat iuxta opinionem pro-
babilem de iurisdictione, necessarium
est, esse omnino certum, quod Roma-
ni Pontifices supplent iurisdictionem:
sed vbi dubitatur de probabilitate opini-
onis, non potest esse certum, quod
Romani Pontifices supplent iurisdic-
tionem; cum id solum sit certum,
quando constat de probabilitate opini-
onis: ergo vbi dubitatur de probabi-
litate opinionis, Sacerdos absolvere
non potest. Minor, & consequentia pa-
tent. Maior autem, si penetrentur
termini, evidens est. Nam vt abso-
lutio evadat certa, non sufficit pro-
babilitas opinionis, sed requiritur aliud
principium certum, quod non est
aliud, nisi ipsa certitudo de supplemen-
to iurisdictionis facta à Principe Ec-
clesiæ.

§. IV.

*Solvuntur obiectiones §. I. pro-
positæ.*

SYMMARIVM.

*Quomodo Bulla non concedat omnibus
omnino fidelibus, quod possint abso-
lutæ à reservatis? n. 221.*

*Quomodo Pontifices non declaraverint
solum suam ipsorum intentionem? Et
quomodo laborent in equivoco. Autho-
res partis opposite? n. 222.*

*An Pontifices declaraverint etiam in-
tentionem successorum? n. 223.*

*An Commissarius revocet facultates
concessas Superioribus Religionum
quoad eorum ordinum fratres. n.
224.*

*Discrimen inter revocationem privile-
giij, & declarationem doctrinae, quo
ad intimationem, & acceptationem.
n. 225.*

*Item discrimin inter legem, & declara-
tionem doctrinae quoad supplicatio-
nem Regis factam Pontifici. n. 226.*

*Quomodo non sit ad rem quadam sup-
plicatio Regis, que refertur. n. 227.*

*Quomodo non resultet probabilitas ex
Authoritate Doctorum opposite partis?
n. 229.*

*Neque satisficerint fundamentis nos-
trae sententiae. n. 130.*

*Infertur, oppositam opinionem esse te-
nuis, & dubia probabilitatis. n. 231.*

221. **A**d primam respondeo, ne-
gando antecedens, quod Bulla concedat id omnibus Fidelibus,
nullo excepto: quia expresse excipit Regulares, dum concedit Commissario,
quod possit suspendere omnes indulgentias, & facultates, exceptis ijs,
qua concessæ sunt Regularium Superioribus quoad eorum ordinum fra-
tres. Deinde quia Romani Pontifices declararunt, per eam clausulam gene-
ralem non prodesse Regularibus eam
facultatem, neque profuisse, neque
profuturam esse.

222. Ad id, quod subiungitur, di-
co, falsum esse, quod Clemens, & Ur-
banus solum declaraverint suam ipso-
rum intentionem; cum expresse decla-
raverint, numquam suffragatam esse
Regularibus Cruciatam ad hunc effec-
tum, & numquam suffragaturam. Et
quidem laborant in æquivoco, vt di-
ximus, Authores partis opposite, dum
non distinguunt inter declarationem
doctrinæ, quam faciunt Romani Pon-
tifices, & declarationem suæ ipsorum
intentionis personalis. Si enim solum
declararent suam ipsorum intentionem,
non dixissent, numquam illis pro-
fuisse Cruciatam ad hunc effectum;
sed solum se non habere intentionem
concedendi in Bulla Cruciatâ eam fa-
cilitatem.

Ad

223. Ad secundam constat ex dictis, eos duos Pontifices non declarasse solum suam peculiarem intentionem, sed declarasse doctrinam de nullitate absolutionis Regularium datae vi Cruciatæ. Et cum talem doctrinam declaraverint in perpetuum illis verbis *Perpetuo declaramus;* & ex illis, *Ad perpetuam rei memoriam* constat evidenter, quod declaraverint intentionem successorum. Quod autem dicitur successores non declarasse suam intentionem, etiam est falsum. Nam successores Clementis, scilicet Paulus V. & Gregorius XV. etiam declararunt suam intentionem eodem modo, ac ipse Clemens.

224. Ad tertiam concedo, Commissarium suspendere omnes alias indulgentias, & facultates; sed expresse excipiuntur indulgentiae, & facultates, quæ concessæ sunt Superioribus Religionum quoad eorum ordinum fratres. Ideoque priuilegia concessa Superioribus, ne per Cruciatam absolvantur subditæ à peccatis, quæ reservata sunt ipsis Superioribus, non suspenduntur. Quod autem dicitur, excipi solum indulgentias, & non facultates contra evidentiam rei pugnat; cum verba Bullæ sint, *ut suspendere possit, illo anno durante, omnes similes, vel dissimiles indulgentias, & facultates...* exceptis iam concessis Ordinum mendicantium Superioribus, &c. Ut latius constat ex supradictis. Præpræcera, quia indulgentiae non conceduntur Superioribus, sed omnibus Regularibus.

225. Ad quartam dico, in ea clavis cognosci æquivocationem, quia laborant Authores partis opposite, dum non distinguunt inter declarationem doctrinæ, & legem prohibitoriam. Nam licet lex revocatoria privilegij indigeat intimatione; (quod non est usque adeo certum, ut non indigeat distinctione; de quo postea) & licet

quævis lex indigeat acceptatione (sub illis tamen modificationibus, quas late tradidi in 2. part. Cris. Theol. disp. 29.) declaratio tamen doctrinæ facta à Romano Pontifice non eget intimatione, neque acceptatione; quia ubi quis certe se sit, hanc esse doctrinam traditam à Romano Pontifice, tenetur eam admittere, & acceptare ut veram, quamvis neque intimetur, neque in Diœcesi, vel Provincia solemniter promulgatur; ut latius tradidi in 3. part. Cris. Theol. disp. 77. cap. 4. quia dum certo scimus, aliquam doctrinam morum esse veram, non possumus claudere oculos luminis certitudinis.

226. Ad quintam. Etiam in hac clare conspicitur hallucinatio Authorum oppositæ partis, non distinguentium declarationem doctrinæ à lege. Dicendum ergo est, quod quamvis per supplicationem Regis suspendatur obligatio legis; non tamen suspenditur declaratio doctrinæ morum facta à Romana Cathedra. Declaravit Clemens VIII. opinionem de absolutione in absentia esse falsam, & scandolasam. Numquid si Rex Catholicus supplicaret, prodebet aliquo modo eius supplicatio, vel ut suspendetur declaratio, vel ut revocaretur? Quis tale monstrum potest admittere? Cum ergo multi Romani Pontifices declaraverint, concessionem Bullæ quoad absolutionem à reservatis non potuisse suffragari Regularibus, atque adeo invalide esse absolutos, qui ea usi fuisse; nihil prodest supplicatio Regis contra certam veritatem doctrinæ morum.

227. Quod autem dicit Magist. Arauxo, supplicatum esse Urbano VIII. ne in ipsa concessione uniusfali apposita in Bulla apponetur expressus exceptio Regularium; nihil probat, etiam si Urbanus annuerit ei supplicationi. Nam cum in ipsa Bulla sit

expressa ea exceptio Regulatum illis
verbis: *Exceptis tamen concessis Ordinum mendicantium Superioribus quoad eorum fratres tantum.* Non fuit necesse id apponere iterum in prædicta clausula vniuersali.

Leand. a Sacram. 221. Et hinc cognoscitur, Leandro à SS. Sacramento passum fuisse æquivocationem, cum dixit, se audiisse à Mag. Arauxo, supplicatum esse à Bulla Vrbani, cum ipse Arauxo solum dixerit, supplicatum esse, ne ex-primeretur exceptio immediate in ipsa clausula vniuersali.

229. Ad sextam. Constat ex ijs, quæ late demonstravi in 1. part. Cris. Theol. disp. 11. & in 3. part. disp. 55. & 56. &c 57. non resultare probabilitatem extrinsecam, nisi Authores sint omni exceptione maiores. Et licet Authores huius opinionis in alijs quæstionibus sint omni exceptione maiores, quia in illis quæstionibus nullam patiuntur, exceptionem ex illis quatuor exceptionibus ibidē asignatis; at in hac quæstione subiacent duabus prioribus exceptionibus. Prima enim exceptio ex ibi asignatis est, quod loquuntur contra principium certum; nullum autem certius principium est in re morali, quam declaratio Cathedrae Romanæ, contra quam in hac quæstione differunt prædicti Authores. Secunda autem exceptio contra autoritatem Doctoris, & probabilitatem extrinsecam est, quod doceant ex fundamento levi, aut æquivoco, aut sophistico. Constat autem ex dictis, eos Authores circa hanc quæstionem in æquivoco laborare, dum declaratio nem doctrinae morum confundunt cum lege prohibitoria: & cum declaraverint Pontifices, eam concessiōnem vniuersalem de absolutione a reservatis numquam profuisse Regularibns, illi Authores, insinuerit decepti, putant, solum declarare suam perso-

nalem intentionem; cum hæc duo totto cælo distent inter se. Cum ergo in hac quæstione patientur eas duas exceptions, constat eos quoad hanc quæstionem non esse omni exceptione maiores.

233. Sed & quartam exceptionem ibidem asignatam patiuntur, nempe quod non accuratè discusserint fundamenta utriusque partis. Nam, vt optime notavit P. Mathæus de Moya tom. 1. select. tract. 3. disp. 8. quæst. 81. num. 28. iij. Authores numquam discusserunt id argumentum, quod dicitur sumitur ex ea declaratione Pontificis. Audienda sunt verba huius Doctoris: *Qua propter eorum incuria... in præfatis decreti verbis, provt ad præteritum referuntur, expendendis omnem Recensiorum authoritatem penitus elevavit, ita ut eorum opinioni nulla, neque extrinseca probabilitas subesse posset: quia nullus hucusque directe respondit citatis decreti verbis ad præteritum relatis.*

231. Ex quibus omnibus concluditur, eam opinionem laxiorem de facultate Regularium, circa eligendum Confessarium pro absolutione a reservatis, esse (vt minimum) tenuiter probabilem, & consequenter practice improbabilem, ex eo dictamine reflexo, contento in damnatione tertiae propositionis, quod improbable est, posse gubernari conscientiam ex opinione tenuiter probabili. Item esse dubia probabilitatis, & consequenter dubium practicum, in quo necessario tūtor pars amplectenda est. Et consequenter etiam ex hoc capite est practice improbabilis, ex eo dictamine reflexo, quod improbable est posse gubernari conscientiam ex opinione dubie probabili.

QVÆS-

QUÆSTIO II.

*An Ecclesia suppleat iurisdictio-
nem eius Religiosi, qui approba-
tus ab Ordinario pro viris tan-
tum, audit etiam con-
fessiones fœmina-
rum?*

§. I.

*Refertur opinio laxior cum suis
fundamentis.*

SVMMARIVM.

*Praxi approbandi Confessarios minores
quadragesimis cum limitatione ad
solos viros. Et opinio docens eam li-
mitationem non intelligi quoad Re-
gulares. n. 232. & seqq.*

*Primum fundatum eius opinionis à
paritate Curati ad Regularēm. n.
234.*

*Secundum, ex eo quod ea exclusio Regu-
larium innititur false præsumptio-
ni. n. 235.*

*Tertium, ex eo quod ea exclusio ponitur
per modum consilij. n. 236.*

*Quartum, ex eo quod ad Episcopum so-
lum pertinet approbatio Regularis
quoad idoneitatem scientie. n.
237.*

*Quintum, ex eo quod tales Regulares
habent approbationem generalem.
n. 238.*

232. T Requens est in Diœcesis Hispaniæ, cum Episcopi approbant Confessarios, etiam Regulares, ad audiendas Confessiones, appetere eam limitationem, ne audiant Confessiones fœminarum, donec impliant quadragesimum ætatis annum.

233. Opinio est aliquorum scrip-
torum, Regulares approbatos ab Or-
dinario loci pro audiendis Confessio-
nibus virorum, posse etiam audire con-
fessiones fœminarum de licentia
sui Prælati Regularis. Ita Villalobos
tom. 1. Sum. tract. 9. diff. 53. num. 2. ci-
vili. Vegam, & Lumbier tom. 2. Sum.
num. 734. fol. 932. Sed hi Authores id
dixerunt ante Bullam Clementis X.

234. Fundamentum eorum est.
Primo. Nam Clerici sacerdtales ætatis
viginti quinque annorum, aut saltem
non pervenientes ad quadragesimum,
eliguntur Curati, & consequenter ap-
probantur sine limitatione ad confes-
siones virorum, & mulierum; cum ta-
men Religiosi in suo statu censeri de-
beant magis idonei, quam sacerdtales:
ergo Episcopi approbantes Religiosos
cum ea limitatione ætatis irrogant in-
juriam Religiosis. Sed ubi Episcopus
per iniuriam denegat Religioso appro-
bationem, Papa confert ei iurisdictio-
nem, ut constat ex Clem. Dudum, de
sepulturis. Ibi enim conceditur fratribus
Prædicatoribus, & Minoribus,
quod si Episcopus iniuste deneget li-
centiam, & approbationem ad audiendās
confessiones, eo ipso Pontifex il-
lam concedit. Ergo Regularis appro-
batus ab Episcopo ad confessiones
dumtaxat virorum defectu ætatis qua-
draginta annorum: habet approbatio-
nem, & iurisdictionem à Papa ad au-
diendas Confessiones fœminarum.

235. Secundo, Lumbier n. 733.
probat. Nam ea exclusio Regularium
non pervenientium ad annum ætatis
quadragesimum, à confessionibus fœ-
minarum, innititur præsumptioni de-
fectus maturitatis: hæc autem præ-
sumptio tollitur per statum Religio-
sum: ergo cessat ea limitatio.

236. Tertio Idem Lumbier num.
734. id probat. Non in clausula posita in
approbatione, quin Episcops dit
Regularibus, non poterit per modum
ex-

exclusionis, sed per modum consilij directivi; vel si ponitur per modum præcepti, non est auferendo approbationem: ergo Regularis approbatus ab Episcopo ad confessiones dumtaxat virorum, etiam manet approbatus ad confessiones foeminarum.

237. Quarto probant alij. Nam ad Episcopum solum spectat approbare Regularem quoad idoneitatem scientiae; ad Prelatum autem Regularem quoad idoneitatem morum: ergo cum Episcopus approbat absolute quoad scientiam, tamen ut audiat confessiones etiam foeminarum ex tempore, quo impleverit quadragesimum etatis annum, censi debet absolute approbatus.

238. Quinto. Nam in Bulla Clementis X. dicitur: *Illos autem Religiosos, qui ad Confessiones audiendas idonei generaliter reperti fuerint ab Episcopis, generaliter quoque, & in diffinete absque aliqua limitatione temporis, certorumque locorum, aut generis personarum in Diæcesi propria admittendos. Sed Religiosi, qui approbantur generaliter, dum modo impleverint quadragesimum annum, habent approbationem generalem: ergo approbationem obtinent absque limitatione certi generis personarum.*

§. II.

Vera sententia proponitur, & roboratur.

SUMMARIUM.

Qualiter relata opinio sit tenuiter probabilis; neque in usu illius Ecclesia supplet iurisdictionem, post Bullam Clementis X. n. 239.

Prima probatio ex eo quod limitate ap-

probati limitatam habent iurisdictionem n. 240.

Ad Episcopum non solum spectat examen idoneitatis quoad scientiam, sed etiam quoad mores n. 242.

Et quomodo id inferatur ex eo, quod approbatus quoad seculares non sit approbatus quoad moniales? n. 243.

Item ex eo, quod potest revocare licentias datas ad confessiones. n. 244.

Item, non solum requiritur approbatio Episcopi, sed etiam licentia n. 245. & seqq.

Relata opinio est dubia & probabilitatis. n. 247.

Ab ea Bulla Clementis X. supplicatum esse, falsum est. n. 249. & seqq.

239. **D**icendum tamen est, eam opinionem esse tenuiter probabilem, sive (quod idem est) dubiæ probabilitatis, scilicet post Bullam Clementis X. quam in fine totius operis propono, & quam expedivit prefatus Pontifex ad decidendas dubitationes, & varietatem opinionum, quæ exortæ fuerant circa approbationem, quam ab Ordinario habere debent Regulares; ut constat ex illis verbis: *Innotuit nobis dubitationes non nullas circa benedictionem, licentiam, contradictionem, examen, & approbationem eiusmodi in aliquibus Diæcessibus excitatas fuisse, ex quibus controversia, & dissensiones permulta in dies subsequi possent, occasione privilegiorum, quæ per Seadim Apostolicam Religiosis Ordinibus concessa fuerunt. Consequenterque dicendum est, quod si Regularis approbatus ab Episcopo, cum limitatione ad confessiones virorum, donec perveniat ad annum quadragesimum, si praetextu relatæ opinionis audiatur confessiones foeminarum, Ecclesia non supplet iurisdictionem.*

Pro

240. Probatur primo, ex illis verbis Bullæ Clementis X. *Quod cœteros vero (Regulares) qui non adeo idonei reperientur, si petierint se admitti, arbitrio Ordiniorum relinqui, ipsos cum limitata facultate, pro ut eisdem Ordinarijs magis expedire videbitur, approbare, & admittere.* Ex quibus verbis constat, limitate approbatos limitatam habere iurisdictionem. Sed minores quadragenarijs limitate approbantur, scilicet ad solas confessiones virorum. Quomodo ergo supplebit Pontifex iurisdictionem absolutam, & generalem, quam expresse vult esse limitatam?

241. Dices, ad Episcopum solum pertinere examen idoneitatis quoad scientiam, non vero quo ad mores; vt in quarta probatione opposita opinio- nis proponitur.

242. Hæc tamen responsio convincitur ex verbis ipsius Bullæ: *Cum precipua Ministri Sacramenti Penitentia qualitas sit vita integratas ac morum honestas, utique eam causam ad confessionis ministerium pertinere, at proinde nihil obstat, quominus ob eam posuit Episcopus Regulares à semetipso approbatos suspendere, aut repellere à Confessionibus audiendis.* Et quamvis hoc dicat Pontifex pro eo casu, quo Regulares in honeste vivant, vel aliquod delictum committant, per quod rationabili Episcopi iudicio videantur à Confessionibus suspendendi, quæ sunt verba Bullæ, ceterum id determinate iniungit ex illa generali ratione, quod *Precipua Ministri Sacramenti Penitentia qualitas sit vita integratas, ac morum honestas, de qua iuxta hanc Bullam Episcopus iudicare debet.* Et ideo spectat etiam ad Episcopum iudicare non solum de idoneitate quo ad scientiam, sed etiam de idoneitate quoad mores. Quare quia adeo presumptio contra iuvenilem ætatem, & iuxta eam presumptionem iudicio Episcopi non

est idoneus Regularis ad confessiones foeminarum audiendas, donec sit in ætate matura, utique accipit approbationem limitatam.

243. Deinde, quod spectet ad Episcopum iudicare de idoneitate Regularium quoad maturitatem prudentiae, vita integratam, & honestatem morum, constat etiam ex eo, quod disponit Pontifex, nempe Regularem approbatum ad audiendas confessiones secularium, non propterea censeri approbatum quoad confessiones Monialium. Hæc enim limitatio non est propter scientiam, sed propter maturitatem prudentiae, virtutis, & morum, vt per se patet: ergo non minus spectat ad Episcopum iudicium de idoneitate quo ad mores, quam quo ad scientiam.

244. Tertio, si solum spectaret ad Episcopum iudicium de idoneitate Regularium quo ad scientiam, non posset revocare licentiam datam ad Confessiones, cum scientia in dies potius crescat, quam minuatur: sed Clemens in Bulla cōcedit Episcopo, quod possit revocare licentiam alicui Regulari datam ad audiendas Confessiones, ex causa iusta, illis verbis: *Ab ipsomet Episcopo approbatos (Regulares) non posse ab eodem, qui sic approbavit, iterum examinari, aut ab eisdem Confessionibus audiendis suspendi, seu licentias illis concessas revocari, nisi nova superveniente causa, quæ ipsas Confessiones concernat.* Ergo ultra examen scientiae alia etiam causa dari potest, de qua possit ferre iudicium Episcopus. Neque ultra defectum scientiae est alia causa concernens ad confessiones, nisi defectus idoneitatis quo ad mores, & maturitatis iudicij, & prudentiae.

245. Quarto. Nam ex Bulla Clementis constat, non solum requiri approbationem Episcopi quoad Regulares, sed etiam licentiam ad audiendas Confessiones, vt constat ex verbis pro-

proxime relatis, seu licentias illis confessas revocari; sive ea licentia sit collatio iurisdictionis; sive permisso vtendi iurisdictione, quam, præsupposita ea licentia, confert Papa Regulæbus, iuxta diversas opiniones: sed ea licentia præsupponit approbationem scientiæ, & est quid diversum ab illa: ergo ad Episcopum aliquid aliud spectat, præter approbationem scientiæ, etiam quoad Regulares.

246. Id ipsum constat ex ea periodo Bullæ, vbi præcipit Religiosis approbatis, ut cum audiunt Confessiones infirmorum, certiorem faciant Parochum de talibus Confessionibus. Sic enim ait: *De qua tamen Confessione teneri dictos Religiosos eorumdem infirmorum Parochum illico certiorem reddere. Et hoc posse illis ab Episcopo, sub pena suspensionis à facultate audiendi Confessiones, præcipi.* In hoc ergo casu prædicti Religiosi non amittunt approbationem scientiæ; & tamen pro tempore suspensionis amittunt facultatem absolvendi: ergo præter approbationem scientiæ spectat ad Episcopum dare, aut suspendere facultatem absolvendi.

247. Probatur secundo eadem conclusio. Nam inter plures viros Sapientes dubitatur de probabilitate eius opinionis, quæ docet, Regulares approbatos ad Confessiones virorum, eo ipso manere approbatos ad Confessiones foeminarum, si id fiat cum licentia suorum Prælatorum. Et quidem mihi constat, Religiosos Dominicanæ, & Augustinianæ familiæ non audere ad primum reducere præfamatam opinionem, post constitutionem Clementis X. & ideo quoties expedit, quod aliquis Religiosus ex eis audiat confessiones mulierum, postulant ab Ordinario; & idem opinor de praxi aliarum Religionum: sed vbi dubitatur de probabilitate opinionis, ea est tenuis, & dubia probabilitas, sub qua non est

tuta conscientia, ut constat ex dictis: ergo ea opinio eligi non potest tuta conscientia; atque adeo talis est, ut iuxta eam Ecclesia non suppleat iurisdictionem.

248. Audivi, quosdam asserere, hanc Bullam Clementis X. non esse admisam in Hispania, eo quod facta fuerit nomine Regis Catholici supplicatio ad Clementem X. pro suspensione huius Bullæ; ideoque eam mansisse suspensam.

249. Illi tamen, qui hæc asserunt, egregie decipiuntur. Quando enim hæc Bulla pervenit ad Curiam Madritensem, omnes Regulares una confugerunt ad Reginam Gubernatricem Hispaniæ, postulantes, ut fieret supplicatio Pontifici Romano pro suspensione præfatae Bullæ. Regina autem, habitu maturo consilio cum viris zelo, & doctrina præditis, noluit supplicare, sed decrevit scribere encyclicas litteras omnibus Episcopis Hispaniæ tenoris sequentis, qui continetur in Epistola missa ad Illustrissimum D. Ambrosium Ignatium Spinula, & Guzman, Archiepiscopum Hispalensem, quam modo habeo præ manibus originariam ipsam, quam accepi a Secretario præfati Illustrissimi Domini. Et in capite Epistole sic scribitur: *La Reyna Gobernadora.* Et sic prosequitur.

250. *Muy Reuerendo en Christo Padre Arçobispo de Seuilla, del Consejo. Aviendo entendido, que se ha publicado en estos Reynos una Bulla de su Santidad, expedida en veinte y uno de Junio, del año passado de mil y seiscientos y setenta, sobre las licencias de predicar, y confessar de los Regulares, è resuelto rogaros, y encargaros (como por esta lo hago) que por lo que mira à vuestra Diócesis uſcis de la facultad que se os concede por la Bulla con la prudencia, y teneplança de vuestro ministerio pastoral, y atencion justa, debida al lustre, y decoro de las Religiones, que en ello me daré.*

PROPOSITIO I.

121

*dare de vos por servida. De Madrid à
21. de Março de 1673. Yo la Reyna. Por
mandado de su Magestad. Don Iñigo
Fernandez del Campo.*

§. III.

*Evertuntur fundamenta partis
oppositæ.*

SYMMARIVM.

*Quam periculose sit prætexere iniuria
examiniſ. n. 251.*

*Disparitas inter Regulares, & Curatos
circa approbationem in etate iuvenili. n. 252. & seqq.*

*Quod negetur approbatio ad confessio-
nes fæminarum ex falso præsumptio-
ne defectus maturitatis, nihil probat.
n. 254.*

*Disparitas inter legem, & licentiam,
quando utraque innititur falso præ-
sumptioni. n. 255.*

*Præsumptio defectus maturitatis non
cessat in uno individuo per mores
Communitatis, sed per mores indivi-
dui. n. 257.*

*Limitatio quoad confessiones fæmina-
rum ponitur negando approbationem
per propositionem exceptiūam. n. 258.*

*Quomodo exponatur propositio excepti-
ua? n. 259.*

*Ad Episcopum spectat etiam iudicium
de idoneitate maturitatis. n. 260.*

*Regulares in etate iuvenili non reper-
riuntur generaliter idonei iudicio
Episcopi. n. 261.*

*251. A d primum fundamentum
partis oppositæ respondeo,
esse valde periculosem conscientijs
Fidelium excitare eas querelas de ini-
uria ab Ordinario irrogata, quando
non concedunt approbationem abso-
lutam Regularibus. Quis enim est ex
illis, qui examinantur sive ad ordines*

minores, vel maiores, sive ad Confes-
siones audiendas, qui si post examen
exeat reprobatus, non vociferetur, se
iniuste reprobatum?

*252. Ea autem iniuria, quæ præ-
textitur, consistens in eo quod Clericis
sæcularibus Curatis ante quadragesi-
num annum detur facultas audiendi
confessiones mulierum, & dehegetur
Regularibus in eadem etate, tota con-
sistit in paritate rationis: cum tamen
disparitas sit luce meridiana clarior.
Nam in Clericis Curatis concurrunt
duæ citoconstantiae, quæ non inveniun-
tur in Regularibus. Prima est necessi-
tas Ecclesiæ; cum enim Episcopi non
inveniant Curatos quadragenarios, nec
possint relinquere Parochiam Pasto-
re viduatam, coguntur designare,
quos inveniunt idoneos. Et hos non
indifferenter admittunt, sed facta prius
inquisitione de moribus. Cum ergo
hæc necessitas Ecclesiæ non concur-
rat in Regularibus, quomodo potest
esse paritas rationis?*

*253. Accedit secunda ratio dis-
paritatis. Nam Clericis curatis incum-
bit obligatio administrandi Sacramen-
ta, etiam media nocte, etiam tempore
æstivo, ardente Sole, vel hyemali in-
gruente pluvia, & cum magnis quan-
doque incommodis, atque etiam tem-
pore pestis, aut alterius epidemie cum
periculo vitæ; & adhæc omnia tenen-
tur lege iustitiae; atque adeo adhæc
omnia requiruntur vites robustæ; &
consequenter plerumque necesse est,
assumere Curatos minores quadrage-
narijs. Cum autem in Regularibus non
inveniatur hæc stricta obligatio, non
fit illis iniuria, si non concedatur eis
eadem facultas, quæ Curatis concedi-
tur.*

*254. Ad secundum respondeo,
concedendo maiorem, quod limita-
tur approbatio ad Confessiones viro-
rum ex præsumptione defectus maturi-
tatis, quæ præsumptio militat contra
etatem*

Q

ætatem iuvenilem; & omitto, quod hæc præsumptio tollatur per statum Religiosum/ licet id sit falsum) & nemo consequentiam.

255. Et quidem est ingens discrimen inter præsumptionem, cui innitur lex, & præsumptionem, cui innitur licentia, sive facultas ad aliquid faciendum. Nam quando lex innititur præsumptioni, si hic, & nunc cessat præsumptio, hic & nunc cessat obligatio. Non sic, quando petitur priuilegium, facultas, approbatio, &c. si hæc neget, aut limitet Superior, innixus alicui præsumptioni, quæ hic & nunc cessat: quia cum ad aliquam licentiam obtinendam requiratur positiva confessio; dum Superior non concedit illam possitive, nihil prodest, quod subsistat, vel non subsistat præsumptio, quod moveatur, aut non moveatur præfata præsumptione, quæ deficit. Et quidem si ego posco licentiam à meo Superiore ad faciendum aliquid, quod sine eius licentia facere non possum, si ipse innixus falsa præsumptione negat licentiam, numquid propterea censebo mihi datam esse licentiam? minime. Quia dum illam non concedit positive, non habeo ego licentiam.

256. Præterea Concilium Tridentinum, & Constitutiones Romanorum Pontificum, præcipue Pij V. Urbani VIII. & Clementis X. hanc approbationem Regularium (servatis servandis) remittunt iudicio Episcopi: si ergo Episcopus censet, adesse præsumptionem defectus maturitatis ad audiendas Confessiones foeminarum in Regularibus iuvenibus, nihil prodiderit, quod ipsi Regularares probabiliter censemant, eam præsumptionem tolli per statum Religiosum; cum hanc dispositionem non remiserit Ecclesia proprio vniuersiusque iudicio, sed solum iudicio Episcopi.

257. Deinde ea præsumptio defectus maturitatis tollitur per specia-

les mores singularis personæ, non per mores Communitatis. Nam ex decem virginibus quinque erant prudentes, & fatuæ quinque; nec status virginitatis erat sufficiens præsumptio prudenter. Quæ autem incommoda sequuntur ex ea credulitate, quod omnes ad unum Regulares præsumantur pollet debita maturitate ad confessiones foeminarum audiendas, res est, quam operat silentio committi.

158. Ad tertium, falsum est utrumque, quod assumitur; & quod limitatio, quæ præscribitur, sit solum per modum consilij, & quod non sit negando approbationem, quoad confessiones foeminarum. Primum est falsum; quia in testimonio approbationis, quod datur in hac Diœcesi Hispanensi dicitur: *Pueda en nuestra Diœcesi administrar el Santo Sacramento de la Penitencia à las personas, que con él se quisieren confesar, excepto à las mujeres, en caso de no tener el susodicho quarenta años.* Quod ita fideliter vertitur in latinum sermonem. *Posit in nostra Diœcesi administrare Sacramentum Penitentiae illis, qui ipse voluerint confitiri, exceptis mulieribus, in casu quo non sit quadragenarius.* Cum ergo ab ea potestate audiendi confessiones quorumcumque, excipiunt foeminae; quomodo id est solum per modum consilij?

259. Propositionem exceptivam exponunt Dialetici negando prædicatum de eo, quod excipitur. v.g. *Omnis homines, exceptis Æthiopibus, sunt albi:* sic exponitur: *Æthiopes non sunt albi, & reliqui distincti ab Æthiopibus sunt albi.* Eodem modo exponenda est hæc propositio: *Confessario non dum quadragenario possunt confiteri omnes Diœcœsanis, exceptis mulieribus:* Scilicet per hanc propositionem expónentem: *Asulieres non possunt confiteri Confessario non dum quadragenario;* & reliqui distincti à mulieribus pos-

possunt confiteri confessario non dum quadragenario. Et hinc constat etiam, esse falsum illud secundum assumptum eius argumenti; quod ea limitatio non fiat negando approbationem respectu mulierum; cum hoc sit contra expositionem Dialeticam propositio nis exceptiæ, ut constat ex dictis.

260. Ad quartam constat ex dictis, quod ad Episcopum non solum pertineat iudicium de idoneitate sciœtiæ, sed etiam de idoneitate maturitatis, iudicii, prudentiæ, & morum.

261. Ad quintum, verissimum est, quod Regulares, qui reperti fuerint generaliter idonei ad audiendas Confessiones, sine limitatione approbandi sunt ad eas audiendas; illi tamen, qui sunt in ætate iuvenili, non sunt reperti generaliter idonei, quia iudicio Episcopi reperiuntur adhuc immaturi.

262. Rogabis, an salrem virtutæ Cruciatæ possint absolvere foeminas illi Confessarij Seculares, vel Regulares, qui sunt limitate approbari ad soles virorum Confessiones? Sed hæc difficultas deciditur in quæst. 4. huius articuli.

QVÆSTIO III.

An Ecclesia suppleat iurisdictiōnem Confessarij, qui approbatuſ in Diœcesi Cordubensi vult virtute Cruciatæ audire Confessiones in Diœcesi Hispalensi?

§. I.

Proponitur, & explicatur diffi- cultas, & ratio dubitandi.

SVMMARIVM.

Opinio olim tradita, quod Regulares ap- probati ab uno Episcopo possint ubi-

que eligi ad confessiones. n. 263.

Alia opinio docens, quemlibet approba- tum ab uno Episcopo posse ubique eli- gi virtute Cruciatæ. n. 264.

Clemens X. constitutionem promulga- vit ad compescendam discordiam in- ter Episcopos & Regulares. n. 265. & seqq.

Quomodo opiniones relatæ non manent probabiles post constitutionem Cle- mentis? n. 267.

Obiectio refutata. n. 268. & seqq.

263. **O** Pinio fuit à multis doctori- bus olim admissa, in viam decreti Tridentini, approbatum ab uno Episcopo ad Confessiones audiendas manere ubique approbatum: & ideo Regulares, qui approbati ab Ordinario accipiunt iurisdictio- nem à Romano Pontifice, iux- ta privilegia olim Regularibus à Sede Apostolica concessa, præcipue in Cle- ment. *Dudum. de Sepult. posse ubique eligi ad Confessiones audiendas.* Nitie- batur autem hæc opinio eo funda- mento, quod Concilium Tridenti- num sess. 23. cap. 15. de Reform. decre- vit. Nullum Sacerdotem posse audire Confessiones fæcularium, nisi appro- betur ab Episcopis. Cum ergo non de- terminet Concilium, à quo Episcopo- sint approbandi, vtique à quolibet Episcopo approbari sufficiet.

264. Fuit etiam opinio alia ma- iori plausu accepta, quam præcedens, scilicet quemlibet approbatum ab uno Episcopo posse ubique eligi virtute Cruciatæ. Ita Sotus, Aegidius, Medi- na, Corduba, Petr. Ledesma, Valerus, Aegidius, Gomez, P. Henriquez, Reginaldus, Coninck, Filiucijs, Fagundez, & plu- res alij, quos refert P. Mendo disp. 22. cap. 4. num. 61.

265. Sed hæc opiniones non par- vam dissensionem excitarunt inter Episcopos, & Regulares. Quam ob causam SS. D. Clemens X. anno 1670. Bullam promulgavit, ut has dubita- tiones,

Q²

tiones, & quæstiones ad vim determinatam formam reduceret, per quam Episcoporum, & Regularium dissidia compescerentur. Ut patet ex verbis relativis in quæst. preced. num. 239. Vbi obserendum est, hanc constitutionem non esse solum præceptivam, sed etiam (imo maiori ex parte) declaratoriam iuris vnicuique partium competentis.

266. In hac autem controversia in titulo huius quæstionis proposita, hanc declarationem producit Clemens X. *Religiosos ab Episcopo ad Confessiones secularium in sua Diœcesi audiendas approbatos, non posse in alia Diœcesi eas absque Episcopi approbatione audire, quamvis penitentes subditi sint eius Episcopi, à quo ipso Religiosi iam fuerant approbati.*

267. Ex quibus verbis omnino certum est, opinionem primo loco relatam penitus corruisse; & si olim probabilis fuerit, post hanc constitutionem Clementis X. nullam ei probabilitatem reliquam fuisse.

268. Scio, aliquos Doctores in ea fuisse opinione, privilegia huiusmodi concessa Religiosis in Clement. *Dudum* cit non revocari per constitutiones generales, quia sunt privilegia in corpore iuris contenta; de quibus affirmant, non debere intelligi constitutiones vniuersales posteriores revocatorias.

269. Sed id non habere locum in hoc casu, manifestum est ex ipsa Bulla, in qua revocat omnia privilegia huic declarationi contraria, illis verbis: *In adultis, & privilegijs, etiam in corpore iuris clausis.*

§. II.

Deciditur quæstio, & probatur.

SUMMARYM.

Post Bullam Clementis X. nequeunt

eligi virtute Cruciatæ approbati ad confessiones in aliena Diœcesi. n. 271.

Ex praesata Bulla non censetur approbatus pro hac Diœcesi, qui approbatur in aliena. n. 272.

Hac Bulla declarat, decretum Tridentini de approbatione Ordinarij intelligenti de Diœcesano. n. 273.

Hac Bulla revocat, quidquid in contrarium potest obstatre huic generali Constitutioni. n. 274.

Proponitur clausula revocatoria. n. 275.

Quomodo privilegia ex titulo oneroso revocantur clausula generali. n. 276.

Quomodo privilegium dubium ex varietate opinionum possit revocari sine compensatione. n. 278.

Privilegia, que dantur propter merita, cum solum sit mentio generalis, revocantur sine compensatione. n. 279.

Privilegia, que ob aliquam circumstantiam sunt revocabilia, revocantur sine compensatione. n. 280.

Privilegia ubi cognoscuntur afferre dissensiones, nocent publice vilitati, atque adeo sunt revocabilia sine compensatione. n. 281.

Quomodo in hac Bulla revocentur privilegia exprimenda de verbo ad verbum. n. 281.

270. **R** Estat ergo quæstio, an hæc decisio Clementis X. sic intelligenda sit, vt non comprehendat eos, qui fruuntur privilegio Cruciatæ, eo quod iuxta opinionem relatam, concedit, approbatum ab uno Ordinario posse in alia Diœcesi audire confessiones virtute Cruciatæ? An potius stante hac constitutione novissima, non possint Regulares approbati in Diœcesi Cordubensi eligi per Bullam in Diœcesi Hispanensi?

271. Sit conclusio. Mihi certum est, post hanc Bullam Clementis X. non posse eligi virtute Cruciatæ Regulari-

gulares, vel sacerdotes ap-
probatis in Diœcesi Cordibensi, vt
audiant Confessiones sacerdorum in
Diœcesi Hispalensi. Pro qua conclu-
sione nullum allego Authorem: quia
omnes, qui disputant hanc questio-
nem, scripserunt ante præfatam Bul-
lam Clementis X. quæ expedita fuit
vndecimo Kalendas Iulij anno
1670.

272. Probatur primo. Nam licet
Authores, qui ante hanc Bullam Cle-
mentis X. scripserunt, censuerint, quod
dum in Bulla Cruciatæ conceditur, ut
possint eligere Confessarium ex appro-
batis ab Ordinario, nomine Ordinarij
intelligitur Episcopus etiam alterius
Diœcesis diversa ab ea, in qua exis-
tebat Confessorius, quando subiit appro-
bationem; tamen in hac Bulla Cle-
mens X. declarat, Ordinarij appro-
bantem esse dumtaxat Diœcesanum,
sive Episcopum eius Diœcesis, in qua
actualiter commoratur Confessorius;
ita ut non censeatur approbatus pro
hac Diœcesi, qui in altera est appro-
batus: ergo iuxta tenorem Bullæ Cle-
mentis X. ea verba Cruciatæ ex appro-
batis ab Ordinario intelliguntur de Or-
dinario Diœcesano, sive eius Diœc-
sis, in qua actualiter commoratur con-
fessorius. Et consequenter ex hac de-
claratione nullum est in Cruciatæ pri-
vilegium circa electionem confessarij
in altera Diœcesi approbati.

273. Quod id ita declarat Cle-
mens X. (quæ est præcipua pars ante-
dantis) constat: Nam in Bulla Cru-
ciata ponuntur ea verba: *Ex approbatis
ab Ordinario, ut observetur decretum
Tridentini circa approbationem con-
fessoriorum; in sua autem Bulla Cle-
mens X. cum proposuisset decretum
Tridentini de hac approbatione, de-
clarat, quonodo id decretum intel-
ligendum sit, & practicandum, scilicet
ita ut approbatus in una Diœcesi non
possit audire Confessiones in alia sine*

*Episcopi Diœcesani nova approbatio-
ne: ergo declarat ita intelligendum
in præxi decretum Tridentinum, vt
non censeatur approbatus sine nova
approbatione huius Diœcesani.*

274. Probatur secundo. Demus
enim, esse privilegium Cruciatæ, quod
concedat, approbatum ab uno Episco-
po, posse in altera Diœcesi audire
Confessiones eorum, qui habent Cru-
ciatam. Clemens X. *hac generali, &
perpetuo valitura constitutione (que
sunt verba Bullæ) decernit, & declarat
... Religiosos ab Episcopo ad Confessiones
secularium in sua Diœceti audiendas
approbatos non posse in alia Diœceti eas
absque Episcopi Diœcesani approbatio-
ne audire: Ergo cum hæc sit constitu-
tio generalis, comprehendit generali-
ter omnes castis, etiam Cruciatæ.
Deinde revocat, quicquid in contra-
rium potest obstat huic generali
constitutioni, scilicet omnibus modis,
& clausulis, quæ excogitari possunt,
evanescereque facit omnes modos,
quibus soleant jurisprudentes interpre-
tari constitutiones Pontificias. Ergo
licer detur privilegium Cruciatæ, il-
lud quidem per constitutionem Cle-
mentis X. revocatur.*

275. Excludi autem vniuersalissi-
mè omnia omnia privilegia huic
dispositioui obviantia, constat ex ea
clausula Bullæ: *Irritum quoque, & ina-
ne quidquid secus super his à quoquam
quavis autoritate scienter, vel igno-
ranter contigerit attentari. Non obstante
quisbusvis Constitutionibus, & or-
donationibus Apostolicis in favorem
quarumcumque personarum, atque quo-
rumvis Ordinum tam Mendicantium,
quam non Mendicantium, Militarum
etiam Sancti Ioannis Hierosolymitanorum,
Congregationum, Societatem, etiam IE-
SV, ac cuiusvis alterius institutum, etiam
necessario, & in individuo exprimenti,
Monasteriorum, Conventuum, Capitu-
lorum, Ecclesiæ, & aliorum quo-
rum.*

rumcumque tam secularium, quam Regularium locorum, nec non illorum etiam iuramento, Confirmatione Apostolica, vel quavis firmitate alia roboratis statutis, vel consuetudinibus etiam immemorabilibus, exemptionibus quoque, indultis, & privilegijs etiam in corpore iuris clausis, aut ex causa, aut titulo onerofo,] vel in limine fundationis concessis, etiam mari magno, seu Bulla Aurea, aut alias nuncupatis; conservatorum deputationibus, eorumque, atque alijs inhibitoribus, quibus Episcopi deferre minime teneantur; & quibusvis alijs sub quibuscumque tenoribus, & formis, at cum quibusvis derogatoriarum derogatorijs, alijsque efficacioribus, & insolitis clausulis, nec non irritantibus, & alijs decretis, etiam motu proprio, & ex certa scientia, ac de Apostolice potestatis plenitudine, aut alias quomodo liber, etiam perviam communicationis, seu extensionis concessis, & iteratis vicibus approbatis, & innovatis: quibus omnibus, etiam si pro sufficienti derogatione de illis, eorumque totis tenoribus, & formis specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu alia quavis expressio habenda, aut aliqua alia exquista forma ad hoc servanda foret, tenore huiusmodi, ac si de uerbo ad verbum, nihil penitus omisso, & forma in illis tradita observata, inserti forent, presentibus pro plene, & sufficienter expressis, & insertis habentes; illis quod ea, quæ eisdem presentibus adversantur (illis alias in suo labore permanens) harum serie specialiter, & expresse derogamus, caterisque contrarijs quibuscumque.

279. Dices primo. Privilegia concessa titulo onerofo non revocantur clausula generali: sed privilegia Cruciatæ conceduntur titulo onero-

so, nempe militandi contra hostes nominis Christiani, vel conferendi pecuniam pro eo bello: ergo non revocantur clausula generali. Sed hæc responsio non habet locum in præsenti, nam Clemens revocat omnia privilegia, etiam ea, quæ sunt ex titulo onerofo, quæ sunt expressa verba constitutionis.

297. Dices secundo. Privilegia, quæ sunt ex titulo onerofo, aut remunerazione, non intelliguntur revocata, donec fiat compensatio æquivalens: sed pro privilegio Bullæ, quæ est ex titulo onerofo, nulla conceditur compensatio; & pro privilegijs concessis Religionibus, quæ remuneratoria sunt, nulla etiam compensatio conceditur: ergo non debent intelligi revocata.

278. Sed hæc instantia, quantum attinet ad revocationem privilegij Bullæ, nullius momenti est. Nam cum privilegium est dubium ex varietate opinionum, potest revocari sine villa compensatione. Nam sicut probabile erat dari tale privilegium, etiam probabile erat, illud non dari. Ex quo fit, quod Pontifex respiciens illud ut mere probabile, non teneatur dare compensationem. Sic enim si probabile est, Petrum habere ius privilegij ad talē rem, & probabile non habere ius, si per decretum Principis auferatur ab illo id ius, non tenetur facere compensationem; quia probabile est, nullam ibi iniuriam irrogari in ea obligatione.

279. Quod autem attinet ad privilegia Regularium, quæ revocantur, constat non esse remuneratoria in eo genere, in quo pro eorum revocatione requirunt compensationem. Non enim eam requirunt, quando merita generali mentione referuntur, sed requiritur specia-

PROPOSITIO I.

127

Tiraqu.
Socin.
Marienz.
Capl. Pal.
cialis mentio talis, & talis meriti. Sic tradunt Tiraquellellus in L. *Si unquam.* C. de revocandis donat num. 85. Socius consil. 395. num. 8. vers. 4. Matienzo lib. 5. Recopilat. tit. 10. L. 15. glossa 12. n. 2. quos refert, & sequitur P. Castro Palao tom. 1. tract. 3. disp. 4. punct. 21. §. 2. num. 6. Præfata autem privilegia Regularium, quæ revocantur a Clemente X. solum faciunt mentionem meritorum in generali: & ideo non sunt eius generis, quæ revocata exigant compensationem.

280. Præterea privilegia, quæ ex se ob aliquam circumstantiam adiumentam sunt revocabilia, eo ipso quod talia sunt, in ipsa revocatione non exigunt compensationem. Sunt enim sicut donationes revocabiles, quæ si revocantur, non exigunt compensationem. Deinde privilegia, quæ sunt noxia publicæ vtilitati, eo ipso sunt revocabilia: quia publica vtilitas præfert vtilitati privatæ.

281. Tum sic. Privilegia, quæ dant facultatem Regularibus, aut quibusvis alijs, vt sine approbatione Ordinarij Dioceſani audiant Confessiones in eius Dioceſi, iudicio Principis Ecclesiastici sunt noxia publicæ vtilitati; nam vt dicitur in ea Bulla Clementis: *Innotuit nobis dubitationes nonnullas... circa examen, & approbationem eiusmodi in aliquibus Diœcesis excitatæ fuisse; ex quibus controversiae, & dissensiones permultæ in dies subsequi possent occasione privilegiorum, &c.* Nulla autem magis noxia sunt publicæ vtilitati, quam quæ pariant dissensiones, maxime inter personas præcipuas Reipublicæ Ecclesiasticæ. Ergo præfata privilegia ex peculiari ea circumstantia sunt revocabilia: ergo in sua revocatione non exigunt compensationem. Quæ consequentia parent ex dictis. Vide quæ dicam in quæst. 5. §. 3. ad 3 argum. Vbi latius examinatur hæc materia de privilegijs remuneratorij.

282. Dices tertio. In privilegijs Religionum solet ponai clausula, vt non intelligantur revocata, nisi de verbo ad verbum inferantur in revocatione. Sed hoc nihil obstat: nam Pontifex revocat etiam si de verbo ad verbum inferenda sint in revocatione, & decernit, ea privilegia haberi pro expressis in præsenti constitutione in ordine ad revocationem.

§. III.

Tertia probatio, & obiectionis solution.

SUMMARIUM.

Quomodo inter Episcopos, & Regulares intervenerit dissensio ad approbationem? n. 283.

Quæ verba ponantur in Summario Bul. læ favore Regularium? n. 284.

Quomodo ea verba intelligenda sunt iuxta constitutionem Clementis X? n. 285.

283. Probatur tertio conclusio. **P**er ipso sine, quem intendit Clemens X. hac sua generali, & perpetuo valitura constitutione; nempe ut compescat dubitationes, & controversias, quæ in hac materia de approbatione Regularium versabantur inter Episcopos, & regulares Declarat enim Pontifex, intendere se definire dubitationes ortas circa examen, & approbationem eiusmodi in aliquibus Diœcisis scilicet inter Episcopos, & Regulares; & ut magis, magisque dissensionum tollantur semina; & in posterum firmior in agro Dominico pax Christi florat. Sed dubitationes, & dissensiones exortæ inter Episcopos, & Regulares præcipue versantur circa audiendas confessiones, sine approbatione Episcopi Dioceſis, in qua commorantur.

Re.

Regulares, sive sit cum privilegio Cruciatæ, sive sine illo. Ergo Pontifex sua constitutione comprehendit etiam approbationem coniunctam cum privilegio Cruciatæ. Ergo cum Pontifex declarat: Religiosos ab Episcopo ad Confessiones secularium in sua Diœcesi audiendas approbatos, non posse in alia Diœcesi eas absque Episcopi Diœcesani approbatione audire, quamvis paenitentes subditi sint eius Episcopi, à quo ipsi Religiosi iam fuerant approbati; generaliter loquitur Pontifex, sive de habentibus, sive de non habentibus privilegium Cruciatæ; maxime cum id privilegium sit adeo dubium, ut vidi-
mus; & Pontifex intendat definire omnes dubitationes intercedentes inter Episcopos, & Regulares circa eam controversiam de approbatione.

284. Obijcies, in Summario Bulle latino apponere Commissarium generale hæc verba: Conceditur, ut possint eligere Confessorem seculariem vel cuiuscumque etiam mendicantium Ordinum Regularium ex his, qui ab Ordinario, & quoad Regulares, qui semel tantum approbati fuerint. Sic enim refert Summarium latinum P. Andreas Mendo in explicatione Cruciatæ. Ergo Regularis, qui approbatus est ab Episcopo Cordubensi, cum iam sit semel approbatus, poterit per Cruciatam eligi in quavis alia Diœcesi.

285. Ut respondeam, suppono, quod non apponuntur in Summario, quod Hispano idiomate conficitur à Commissario generali, ea verba superaddita: Quoad Regulares, qui semel tantum approbati fuerint: nec scio, an verba, que superaddit Commissarius, depropnserit ex aliqua Bulla; aut ex aliqua declaratione Sacra Congregationis. Sed vnde cumque illa verba de-
sumpta sint, dicendum est, illa verba cùm idem subire sensum, quem statuit Clemens X. in sua relata Constitutione illis verbis: Regulares vero ad eius-

modi Confessiones audiendas prævio examine simpliciter, & absque ulla temporis præfinitione ab ipsomet Episcopo (secus autem si ab eius Vicario, aut ab Antecessoribus Episcopis) approbatos, non posse ab eodem, qui sic approbavit, iterum examinari, &c. Sensus ergo corrum Cruciatæ verbo terum inlligendus est iuxta hanc Clementis decisionem, ita ut sufficiat una approbatio facta generaliter ab Episcopo Dioecesano. Quare si Episcopus, qui absolute, & generaliter approbavit Regulari, revocaret sine causa licentiam ab ipso datam, ea revocatio esset nulla; ideoque posset eligi per privilegium Cruciatæ; imo & absque illo. Ponitur autem in Summario latino Cruciatæ, quoad Regulares, qui semel tantum, &c. propter discrimen, quod intercedit inter Sacerdotes sacerulares, & Regulares. Nam licencia data ab Episcopo Sacerdoti seculari revocari potest ad libitum; & postquam revocata est, non potest eligi per Bullam, quia cessat approbatio. Non sic erga Regulari propter dicta. Et ita explicat illam clausulam Summarij Emmanuel Rodriguez in Bull. Cruc. §. 9. n. 31. vt Regulares semel tantum approbati esse debeant pro una Diœcesi.

§. IV.

Vlterior confirmatio doctrinæ traditæ ex declaratione Pauli V. & duobus decretis Sacrae Congregationis.

NON EGIT SYMMARIO.

286. C Ertitudini doctrinæ traditæ maxime suffragatur declaratio Pontificis, & duæ declarationes Eminentissimorum S. R. E. Cardinalium interpretum Concilij Tridentini, quarum tria instrumenta authentica asser-

PROPOSITIO I.

129

asservantur in Archivo Palatij Archiepiscopal Hispalensis, vnde ea transcripsi. Cum ergo Hispali non modica dissensio excitata fuerit inter Archiepiscopum, & Regulares, circa eam potestatem, quam sibi esse virtute Cruciatæ existimabant Regulares, eam ad proxim deducentes; illustrissimus D. Petrus de Castro ann. Domini 1611. consultit SS. D. Paulum V, qui iussit, hanc causam examinari in Sacra Congregatione Cardinalium Interpretum Concilij Tridentini. Itaque nomine Illustriss. D. Petri de Castro, Archiepiscopi Hispalensis oblatus est Sacrae Congregationi libellus supplex huius tenoris.

*Illusterrimi, & Reuerendissimi
Domini.*

287. IN Ciuitate, & Diœcesi Hispalensi Regulares absque Archiepiscopi licentia, & approbatione solent sacerdotalium confessiones audire, & verbum Dei in alijs, quam suorum ordinum Ecclesijs prædicare, forsan adducti, quod se à iurisdictione Ordinarij exemptos esse, & vigore literarū Apostolicarum super Cruciatæ nuncupata emanatarum, illa sibi permissa esse prætendant. Supplicat Illustrissimis, & Reuerendissimis D.D. V.V. Modernus Archiepiscopus pro huiusmodi abysus tollendi remedio, & declaratione.

Decretum Sacra Congregationis.

SActa Congregatio Cardinalium Concilij Tridentini Interpretum censuit Regulares huiusmodi, vt cumque exemptos, non posse absque Ordinarij Hispalensis licentia, & approbatione, personarum sacerdotalium Confessiones audire, litterasque Cruciatæ prædictas in hac re quidquam novi iuris minime induxisse. Ac similiter non

posse dictos Regulares verbum Dei prædicare in alijs, quam suorum ordinum Ecclesijs, absque licentia, & approbatione ipsius Ordinarij. R. Card. Vbaldinus.

288. Decretum hoc Sacrae Congregationis confirmavit SS. D. Paulus V. hoc diplomate Apostolico.

*Paulus Papa V. ad perpetuam
rei memoriam.*

N Omine Venerabilis Fratris Petri Archiepiscopi Hispalensis Nobis nuper expositum fuit, quod in Civitate, & Diœcesi Hispalensi irrepserit abysus, vt Regulares absque pro tempore existentis Archiepiscopi Hispalensis licentia sacerdotalium personarum confessiones audire; & verbum Dei, etiam in alijs Ecclesijs, quam suorum ordinum prædicare soleant, forsan adducti, quod se à iurisdictione Ordinarij exemptos esse, & vigore literarū Apostolicarum super Cruciatæ nuncupata emanatarum, illa sibi permissa esse prætendant. Quare nos, qui ex pastorali nostri officij debito procurare tenemur, vt ex agro Domini abysus tollantur, supplicationibus dicti Petri Archiepiscopi nomine Nobis humiliter porrectis inclinati, de consilio Venerabilium Fratrum nostrorum Sancte Romanæ Ecclesiæ Cardinalium Concilij Tridentini Interpretum, autoritate Apostolica tenore præsentium, eiusdem Concilij decretis inharentes, Regulares prædictos non posse, absque Ordinarij licentia, sacerdotalium personarum confessiones audire: neque verbum Dei prædicare absque licentia, & approbatione ipsius Ordinarij, in alijs, quam suorum Ordinum Ecclesijs: litterasque Cruciatæ prædictas in hac re quidquam novi iuris minime induxisse: sive, & non aliter per quoscumque iudices Ordinarios, & Delegatos sublata

R eis,

130 DISERT.II.CAP.VI.ART.VII.QVÆST.III.¶.IV.

eis, & corum cuiuilibet, quavis aliter die vndeclima Octobris M. DC. XI. iudicandi, & interpretandi facultate, & authoritate iudicari, &

definiri debere: ac irritum, & inane, si fecus super his à quoquam quavis auctoritate scienter, vel ignoranter, cōtigerit attentari, decernimus, & declaramus. Quocirca eidem Petro Moderno, & pro tempore existenti Archiepiscopo Hispalensi per præsentes committimus, & mandamus, vt quoscumque cuiusvis ordinis Regulares Civitatis, & Diœcesis prædictarum præmissa peragentes, seu peragere posse, quovis prætextu prætendentes auctoritate nostra moneat, vt decreto, & declarationi nostris huiusmodi de cætero, vt par est, obedient. Quod si facere recusaverint, vel quoquomodo neglexerint, eosdem per sententias, censuras, & poenas Ecclesiasticas arbitrio suo infligendas, omni, & quacumque appellatione postposita, eadem auctoritate nostra cogat, & compellat. Super quo eidem Archiepiscopo plenam, & liberam facultatem, & auctoratem concedimus, & impartimur. Non obstantibus quibusvis constitutionibus, & ordinationibus Apostolicis, ac quorumvis ordinum Regularium, etiam iuramento, confirmatione Apostolica, vel quavis firmitate alia roboratis, statutis, & consuetudinibus, privilegijs quoque, indultis, & litteris Apostolicis, illis, eorumque Superioribus, & personis sub quibuscumque tenore, & formis, ac cum quibusvis clausulis, & decretis in contrarium præmissorum quomodlibet concessis, confirmatis, & innovatis. Quibus omnibus, & singulis eorum tenore præsentibus pro plene, & sufficienter expressis habentes, illis alias in suo robore permanuris, hac vice dunataxat specialiter, & expressè derogamus, ceterisque contrarijs quibuscumque. Datis Romæ apud Sanctum Marcum, sub Annulo Piscatoris,

Pontificatus nostri anno Septimo. S. Cobellutius.

289. Et hoc diploma Apostolicum promulgatum fuit in hac Hispanensi Diœcesi; in qua iam ex hoc tempore, non fuit practice probabile, quod virtute Cruciaræ possint absolvire confessarij approbatii in alia Diœcesi.

290. Vbi advertendum maxime est, Paulum V. in suo diplomate dixisse: *Decernimus, & declaramus.* Vnde fit, hanc non solum esse legem Pontificis pro Diœcesi Hispalensi, sed esse declarationem doctrinæ. Declarat enim Pontifex, non posse Regulares, aut Seculares Confessarios, etiam virtute Cruciaræ, absolvire Dicecianos sine licentia Ordinarij illius Diœcesis, & esse irritum, & inane, quidquid in contrarium contigerit attentari, *sive scienter, sive ignoranter.* Constat autem ex disp. 1. proœmiali, declarationem doctrinæ, quam facit Romanus Pontifex, non indigere maiori promulgatione, quam ea, quæ sufficit, vt quis certo sciat, eam esse declarationem Romani Pontificis. Etenim quotiescumque scio, aliquam doctrinam moralem esse certam, teneor eam sequi sive practicando, sive consulendo: sed quoties certo scio, Romanum Pontificem declarasse, aliquam doctrinam esse veram, scio eam esse certam: ergo ubi scio, eam declaratam à Romano Pontifice, teneor eam sequi in praxi.

291. Sed his non obstantibus, non pauci Authores secuti sunt eam opinionem (forte ob ignoratam declarationem Pauli V.) quod licitum fuerit Confessarii in aliena Diœcesi approbatis virtute Cruciaræ, absolvire pœnitentes huius Dicecensis. Sed quoniam adhuc persistebant eiusmodi dissidia, & in dies crescebant inter Episcopos, & Regulares; SS. D. Clemens X. anno

1670.

290. Bullam promulgavit, ut has dubitationes, & dissidia ad unam determinatam formam reduceret, per quam Episcoporum, & Regularium dissidia terminarentur, idque non solum præcipiendo, sed etiam declarando, quid iuriis uniuicuique partium competeteret.

292. Promulgavit hanc constitutionem Clementis X. Illustrissimus D. D. Ambrosius Ignatius Spinula & Guzman, Archiepiscopus Hispalensis in sua Ecclesia die 4. Februarij an. 1671. Et tamen non defuerunt Regulares aliqui, qui adhuc contenderent, se posse absolvere virtute Cruciatæ, cum sola approbatione alienæ Dioecesis. Quare illustrissimus D. Archiepiscopus consuluit denuo SS. D. Clement. X. per litteras tenoris sequentis.

Beatisime Pater.

293. **M**agnam afferet Reipublicæ Christianæ pacem, & tranquilitatem Constitutio Sanctitatis vestræ, si exakte servetur, in qua sanctivit: Religiosos ab Episcopo ad confessiones secularium in sua Dioecesi audiendas approbatos, non posse in alia Dioecesi eas absque Episcopi Dioecesani approbatione audire, quamvis penitentes subditi sint eius Episcopi, à quo ipsi Religiosi iam fuerant approbati. Huic tamen tam sanctæ constitutioni sive fraus, sive relaxatio adiuvanta est prætextu privilegiorum Bullæ Cruciatæ. Et quidem ante istam sanctitatis vestræ constitutionem, non pauci scriptores docuerunt, Confessarium approbatum ab uno Episcopo, posse virtute Bullæ Cruciatæ eligi ubique terrarum ad Confessiones secularium audiendas, maxime si confessarius sit ex Regularibus. Et quoad Regulares, niti vindentur ijs verbis Bullæ Cruciatæ: *Ex his, qui ab Ordinario, & quoad Regulares semel tantum approbati fuerint.* Imo vero sunt non pauci Authores, qui affirmarunt, Confessarium etiam non Regularē, approbatum in una Dioecesi, posse ubique eligi virtute Cruciatæ.

294. Moderni ergo Regulares contendunt, eos semel in una Dioecesi approbatos posse ubique locorum eligi virtute Cruciatæ, etiam post hanc Vestram Sanctitatis constitutionem. In quo si sincere procederent, satis clare cognoscerent, iam post prædictam constitutionem, non relinquere locum illi prædictæ opinioni; cum Vestra Sanctitas tam clare statuerit, Religiosos ab Episcopo ad confessiones secularium in sua Dioecesi audiendas approbatos, non posse in alia Dioecesi eas absque Episcopi Dioecesani approbatione audire, non obstantibus privilegijs, aut consuetudinibus, vel statutis quibuscumque, etiam ex causa, & titulo oneroſo concessis, & sub quavis forma, & tenore, &c. Opinionem ergo privilegio Bullæ innitentem, etiam revocato privilegio, sustinere volunt.

295. Ex quo fit, quod cum fere nullus sit in Regnis Hispaniæ, qui non assumat Bullam Cruciatæ, in prædictis Regnis ista Vestram Sanctitatis constitutio suo fine frustratur. Quia Regulares sub hoc prætextu semel approbati in una Dioecesi, audiunt confessiones secularium ubique, eo quod omnes secularares habent Bullam Cruciatæ. Quod si Episcopus vult arcere Regulares ab audiendis confessariis confessionibus absque sua approbatione, fortiter resistunt se tuentes privilegio Bullæ Cruciatæ, quam prædicti secularares habent. Ex quo vetera dissidia reviviscent.

296. Ut ergo his disidijs Vestra Sanctitas finem imponat, maxime oportet, quod Vestra Sanctitas sui diplomate declareret, nihil suffragari Bullam Cruciatæ Regularibus, aut quibuslibet alijs Confessariis in alia Dioecesi approbatis ad audiendas confessiones secularium huius Dioecesis, & illam eorum Authorum opinionem hac Vestram Sanctitatis constitutione antiquatam esse. Servet Deus incolunam Sanct. V. &c. Scrip-

297. Scripsit simul D. Archiepiscopus litteras ad Procuratorem generalem D. Archiepiscopi pro negotijs Curia Romanae constitutum, in quibus monebatur de postulada facultate, vt D. Archiepiscopus procederet cōtra Regulares, qui contravenirent decreto, & declarationi faciendis.

298. Sanctissimus Dominus post acceptas has litteras, præcepit Eminentissimo Domino Cardinali Ursino, vt examinata materia earum in Sacra Congregatione Eminentissimorum Cardinalium Concilij Tridentini Interpretum, Declarationem Sacrae Congregationis rescriberet D. Archiepiscopo. Exemplum litterarum Eminentis D. Cardinalis hoc est.

299. Perillustris, & Reuerendissime Domine vti frater. Duo pro parte Amplitudinis tuæ à Sacra Congregat. Eminentissimorum Cardinalium Concilij Tridentini Interpretum petita fuere. Primum, vt ei specialiter committeretur executio Constitutionis incipientis *Superna* editæ nuper à Santissimo D. N. Clement. X. cum facultate, vt tamquam Sedis Apostolicae delegatus in casu contraventionis adversus cuiuscumque Ordinis Regulares procederet per sententias, centuras, & pœnas Ecclesiasticas eius arbitrio. Secundum, vt declararetur, quod dicti Regulares nullatenus eligi possent in Confessariis vigore Bullæ Cruciatæ, nisi iuxta dictam constitutionem fuerint approbati. Quoad hoc Eminentissimi Patres idem nunc iuris esse censuerunt, ac alias 6. Agusti 1611. definitum fuit pro istam Diocesem; ac proinde dari voluerunt declarationem editam sequentis tenoris.

HISPALENSIS.

Sacra Congregatio Cardinalium Concilij Tridentini Interpretum sepius declaravit, Regulares non posse absque Ordinarij licentia, & approbatione sæcularium personarū confessiones audire; prædicare vero ita deum non posse absque licentia, &

approbatione ipsius Ordinarij, si in alijs quam suorum Ordinum Ecclesijs Sacras Concessiones sint habituri, nec constitutionem, quæ Cruciatæ appellatur in hac re quidquam novi iuris induxit.

Quoad primam vero petitionem alia commissione minime opus esse dixerunt, sed Amplitudini tuae scribendum, vt suo iure, quod in his iam habet, vtatur, servata forma tam supradictæ Constitutionis *superna*, &c. quam alterius Gregorij XV. S. M. in eadem materia. Hæc igitur per hasce litteras S. Congregationis nomine significo Amplitudini tuae, vt quidquid sibi liceat, sciat, & ei diutinam precor incolumentem. Romæ 16. Februarij 1675.

Amp.tue.

Vti fratrer Studios.

Fr. Ursinus Cardinalis Sancti

Xisti Praes.

S. Archiep. Brachaccius, Epus. Viterb.

Sciendum etiam est, ultra has declarationes Sacrae Congregationis, quas authenticas apud me habui; Mag. Arauxo in selectis tom. 1. tract. 1. quæst. 8. sect. 3. num. 14. scribit aliam his verbis: *Ita habetur in quadam declaracione missa ad Archiepiscopum Valentini, ibi: [Approbatum ab alio, quam à Valentino Episcopo, in Diocesi Valentiana non censi] approbatum ab Ordinario.*] Ex quo manifeste infertur, illum non posse eligi virtute Cruciatæ in Diocesi Valentina, cum in illa non censeatur approbatus ab Ordinario. Refertque Arauxo duas alias declarationes de eodem, relatas à Bellarmiño in notis ad Concil. Trid.

Synopsis huius questionis.

301. Ex dictis infertur, argumenta facta saltem convincere, post Clementis X. constitutionem esse valde dubiam probabilitatem opinionis docentis, Regularem approbatum ad Confessiones audiendas in una Diocesi posse virtute Cruciatæ eligi in altera

teria Dioecesi. Nam qui perpenderit præfata argumenta, ut minimum dabit, an opinio proximè relata habeat sufficientem probabilitatem pro regimine conscientiæ. Hinc consequenter deprehenditur, præfatam opinionem esse tenuiter probabilem; nam vt late ostendam disert. 3. opinionem esse tenuiter probabilem, nihil aliud est, quam esse dubium de probabilitate. Quod quidem dubium, ut sæpe dixi, est dubium practicum, in quo tuior pars eligenda est.

302. Ex quibus omnibus manifestum sit, Ecclesiam non supplere iurisdictionem illius Religiosi, qui approbatus in vna Dioecesi ad Confessiones audiendas, eligitur in altera Dioecesi prætextu Cruciatæ. Nam, ut ostendi initio huius articuli, Ecclesia non supplet iurisdictionem in vnu eam opiniōnum, quæ sunt dubiæ, & tenuis probabilitatis.

QUÆSTIO IV.

An Ecclesia suppleat iurisdictionem Confessarij, qui vtitur opinione docente, approbatum ad Confessiones virorum, dumtaxat posse eligi virtute Cruciatæ ad confessiones feminarum?

SUMMARIUM.

Proponitur, & explicatur quæstio. n.

303. Post constitutionem Clementis X. tenuiter probabilis est opinio, quod Regularis approbatus tantum ad confessiones virorum possit audire feminarum virtutæ Cruciatæ. n. 304.

Qui approbantur solum ad confessiones virorum, habent approbationem limitatam. n. 305.

Clemens X. compescere intendit hanc controvrsiam, quæ est inter Episco-

pos, & Regulares. Ibidem, & n. 306. In Bulla Cruciatæ non datur privilegium Regulari quoad approbationem n. 307. Regularis absolute approbatus pro secularibus non potest virtute Cruciatæ eligi ad confessiones Monialium. n. 308.

Illi non censemur approbati ad Confessiones monialium. n. 309.

303. IN quæstione 2. huius articuli ostendimus, ex constitutione Clementis X. Regularem approbatum limitate ad confessiones virorum, donec impleat quadragesimum ætatis annum, non posse audire licite, nec valide confessiones feminarum; & opinionem oppositam esse tenuis, & dubia probabilitatis. Modo inquiritur, an saltem id licet virtute Cruciatæ Regularibus, & secularibus cum ea limitatione approbatis; ita ut propter probabilitatem opinionis, Ecclesia suppleat iurisdictionem, quæ defecerit?

304. Et ex dictis in quæstione 2. & 3. dicendum est, ex constitutione Clementis X. certum esse, non posse virtute Cruciatæ eligi ad Confessiones feminarum Confessarium taliter approbatum; aut saltem eam opinionem affirmativam esse tenuiter, & dubie probabilem; atque adeo Ecclesiam non supplere iurisdictionem Confessarij ea opinione vñtis in praxi.

305. Probatur. Nam, ut in quæst. 2. §. 2. ostendi ex verbis eius Constitutionis Clementinæ, illi, qui limitate approbantur, limitatam habent iurisdictionem; ita ut nullo modo possint illam exercere yltra limites ab Ordinario præfixos. Quod non solum Pontifex interdicit, sed etiam declarat tamquam doctrinam veram, & certam. Deinde in præfata constitutione affirmit Pontifex, intendere se compeccere omnes dubitationes, & controversias inter Episcopos, & Regulares exortas, & reducere hanc materiam ad vñam de-

determinatam formam, quæ semper sit observanda, non obstantibus quibuscumque privilegijs etiam ex contractu oneroso concessis; ut constat ex proxima quæstione tertia.

306. Atqui hæc est vna ex dubitationibus, & controversijs, quæ inter Episcopos, & Regulares exortæ sunt, propter varietatem opinionum, an saltem possint Regulares approbati limitate ad Confessiones virorum, virtutæ Cruciatæ, eligi ad Confessiones foeminarum: & Clemens X. hanc, & reliquas dubitationes, & controversias reducit ad hoc, quod qui minus idonei iudicantur ab Episcopo, relinquuntur cum facultate limitata, prout eisdem Ordinariis magis expedire videbitur, vt constat ex clausula proposita in quæst. 2.n.240. Et vt forma hæc semper, & continuo habeatur in praxi, revocata quoad hoc cœnenda est facultas Bullæ Cruciatæ, si qua datur; quia ea, quæ sunt ex contractu oneroso omnino revocantur.

307. Dixi *Si qua datur*, quia valde dubium est, quod talis facultas detur in Bulla Cruciatæ: cum enim dicitur, quod possint eligi approbati ab Ordinario; de approbatis ab Ordinario absolute, & sine limitatione, id intelligi debet. Nam Bulla Cruciatæ nullum concedit privilegium circa approbationem Confessarij, vt multis ostendit P. Mendo in expositione Cruciatæ disp. 25. cap. 3. & seqq.

308. Hinc eriam constat, Regularem absolute approbatum pro sacerdibus, non posse virtute Cruciatæ eligi ad Confessiones Monialium; etiam si probabilis sit opinio (a qua quæstione modo abstineo) docens, posse Regulares absolvī a non reservatis, virtute Cruciatæ. Pontifex enim excludens omnia omnino privilegia in contrarium (etiam concessa ex contractu oneroso, etiam si requirant quamlibet exquisitam formam pro coram revoca-

catione) declarat hunc articulum spectantem ad Moniales, sic: *Generaliter approbatos ab Episcopo ad personarum secularium Confessiones audiendas, nequaquam censi approbatos ad audiendas Confessiones Monialium sibi (id est, ipsis Religiosis) subjectarum; sed egere quoad hoc speciali Episcopi approbatione Atque approbatos pro audiendis Confessionibus Monialium vnius Monasterij minime posse audire Confessiones Monialium alterius Monasterij. Itidemque Confessarios extra ordinarios semel deputas, atque approbatos ab Episcopo ad Monialium Confessiones pro una vice audiendas, haud posse, expleta depositione, in vim approbationis huiusmodi illarum Confessiones audire: sed toties ab Episcopo esse approbandos, quoties causa depositionis contigerit.*

309. Vbi notanda sunt illa verba: *Nequaquam censi approbatos ad audiendas Confessiones Monialium.* Unde desumitur argumentum. Non possunt virtute Cruciatæ eligi ad Confessiones Monialium, nisi illi, qui fuerint approbati ab Ordinario: sed qui generaliter approbati sunt ad confessiones secularium, nequaquam ceaserunt approbati ab Ordinario ad Confessiones Monialium: ergo qui generaliter sunt approbati ad Confessiones secularium, non possunt virtute Cruciatæ eligi ad Confessiones Monialium. Præterea Mag. Arauxo in select. tract. 1. q. 8. sect. 3 n. 15. refert declarationem Cardinalium, quæ multo ante hanc Bullam data est. Sic enim ait: *Fuit quoque alia declaratio Sacra Congregationis missa ad Episcopum Abulensem an. 1593. in qua declaratum fuit; quod approbatos ad audiendas Confessiones tertii generis personarum, vel in certa Ecclesia, non censetur approbatus simpliter; ac proinde quod non potest virtute Bullæ Cruciatæ, aut Iubilariorum elegi ad audiendas confessiones aliarum personarum, vel extra illas Ecclesias ipsi designatas.*

QVÆS.

QUÆSTIO V.

An Ecclesia supplet iurisdictionem in ea opinione, quæ affirmat, posse Regulares absolvere virtute privilegij viuae vocis oraculo concessi.

§. I.

Præmittuntur aliqua, & referuntur opinio affirmans, & eius Authores.

SUMMARIUM.

Aliqua privilegia concessa sunt Regularibus viuae vocis oraculo pro absolutione fidelium. n. 310.

Tale est potestas absolvendi eos, qui bona naufragantium rapuerint. Ibidem.

Item potestas absolvendi damnatos ad triremes, sicut in articulo mortis. n.

311. Gregorius XV. & Urbanus VIII. revocarunt omnia privilegia viuae vocis oraculo concessa. n. 312.

Opinio multorum quod privilegia Regularibus concessa non manent revocata. n. 314.

*310. Præmitto primo, esse aliqua privilegia Regularibus à Romano Pontifice concessa viuae vocis oraculo pro absolvendis Fidelibus. Tale est privilegium, quod Gregorius XIII. die 18 Mxij ann. 1584. concessit confessariis Societatis IFSV, vt refertur in Compendio privilegiorum eiusdem Societatis verb. *Absolutio*, §. 2. his verbis. *Possunt Confessarij Societatis absolvere eos, qui bona naufragantium rapuerint, iniuncta eis restitutio ne, ubi, & quomodo ea fieri poterit, &**

subiungitur contineri in viuae vocis oraculis p. 133.

311. Et in eodem compendio, & in eodem verbo §. 5. sic refertur aliud privilegium. Qui mittuntur ad triremes possunt absolvvi per nostros à quibuscumque casibus, sicut in articulo mortis. Pius IV. in viuae vocis oraculis pag. 30. in quo eodem compendio alia similia oracula reperiuntur.

*312. Præmitto secundo Gregorium XV. die 2. Iulij ann. 1622. expeditivisse motum proprium, in quo revocat omnia privilegia viuae vocis oraculo concessa, cum aliquibus tamen limitationibus, scilicet excipiendo à revocatione ea oracula, quæ concessa fuissent ad instantiam Regum, & ea, quæ manu alicuius Cardinalis firmata fuissent. Postea tamen Urbanus VIII. die 20. Decembr. ann. 1631. expeditivit motum propriū alium, qui incipit: *Alias felicis recordationis*, in quo generaliter omnia viuae vocis oracula revocavit absqueulla limitatione; qui habetur in tom. 4. Bullarij, & illum affert Diana part. 4. in fine libri.*

Diana.

313. Ut ergo videamus, an Ecclesia supplet iurisdictionem eorum, qui vtuntur ea opinione, quæ negat revocata esse privilegia Regularium vivæ vocis oraculo concessa, inquirendum est, an ea opinio sit vere, & absolute probabilis; an potius tenuiter probabilis, sive quod idem est, an ea sit dubiæ probabilitatis?

314. Igitur non obstantibus his constitutionibus, opinio est non paucorum, priuilegia Regularibus concessa viuae vocis oraculo à Romanis Pontificibus, non manere revocata. Ita Peyrinus in privileg. Minim. tom. 3. cap. 12. constitut. 18. alias 28. Urbani VIII. in scholijs n. 1. (referente Diana part. 5. tract. 14. resolut. 22.) item Bordonus in Consil. Regul. tom. 1. resolut. 31. & tom. 2. resol. 54. num. 238. loquens de oraculis, quæ non sunt in

Peyrin.

Bordon.

præ-

Leand. à Murcia. præiudicium aliorum, ut refert Diana part. 9. tract. 7. resolut. 61. vbi etiam refert Leandrum à Murcia, qui sine ea limitatione id docet de omnibus oraculis, quæ concessa sunt Regularibus, in Regul. S. Franc. quæst. 20. ad cap. 6. num. 3. Pro eadem opinione stat Vidal in Ara Theol. Moral. tit. 4. de Jurisdict. Inquisit. num. 15. vt refert ipse Diana part. 10. tract. i. 4. resol. 24. item *Samuel.* Samuelius in praxi de sepulturis præludio 3. Appendix n. 1. & præludio 4. num. 1. & Hieronymus Garcia in Politica Regul. tom. 1. tract. 8. difficult. 1. dub. 6. num. 6. quos refert Diana ibid. *Th. Hurt.* Item Th. Hurt. tom. 2. tract. 12. cap. 1. §. 21. num. 1168. & t. 1. tract. 2. cap. 6. resol. 22. num. 250. Possentius, in Recol. Bassæus. Straccius lect. fol. 44. Bassæus verb. *Privilegium Mart. à S. Ioseph.* 5. num. 8. Straccius in instruct. ad fratres, Martinus de S. Ioseph, in monit. Confessar. t. 1. lib. 1. de Matrim. tract. 43. num. 2. Ioannes de Soria in Summa de Regular. dub. 1, quos refert idem Diana part 11. tract. 6. resolut. 45. & in hanc opinionem videtur inclinare P. Pellizarius in Manuali Regular. tom. 2. tract. 8. cap. 1. sect. 5. num. 130, & alij Recentiores.

§. II.

Ostenditur, relatam opinionem esse ad summum teniunt probabilem.

SUMMARIUM.

Statuitur conclusio. n. 315,
Authores conclusionis. n. 516.
Pontifices revocant privilegia, quæ non
sunt scripta in litteris Apostolicis. n.
317. &c seqq.
Responso adversariorum laborat in
equivoco. n. 319. & seq.
Clausula Urbani, ex qua id constat ap-
perte. n. 321.

Quomodo perperam extendatur privi-
legium, dum non apponuntur ter-
mini formales? n. 322.

De periculo extendendi privilegium, &
de experientia extensionis prava testa-
tatur Pontifex. n. 323.

Quod viua vocis oracula confirmata
sint in genere, non prodest, ut inven-
niantur scripta in litteris Apostoli-
cis. n. 324.

Quomodo Pontifex voluerit occurrere
alijs malis per hanc revocationem?
n. 325.

Non est leve malum, quod non posset fie-
ri plena probatio privilegij. n. 326.

Declaratio legis facta à Pontifice ore
tenus prodeesse potest pro foro confi-
cientia, iuxta Lezanam. n. 327.

315. *N*VMquam potui mihi in animum inducere, eam opinionem esse vere probabilem, sed semper eam existimavi certo falsam; mihi enim evidens est, privilegia Regularibus viua vocis oraculo concessa à Romano Pontifice, ex constitut. Vrbani VIII. manere revocata. Sed quia multi scriptores præfatam opinionem propugnant, nolo appellare absolute improbabilem, sed solum affero, eam esse tenuiter probabilem, & dubiæ probabilitatis.

316. Ea privilegia esse revocata tamquam certum propugnant Lugo Cardin. lib. 4. responsorum moral. dub.

33. num. 2. Diana in locis supra citat. *Lugo.*
P. Quintanadueñas tom. 1. tract. 9. sing. *Diana.*
3. num. 1. & apud Dianam in locis sita *Quintan.*
pt. citatis. Roccaful in Praxi tom. 2. *Roccaful.*
part. 3. lib. 7. cap. 6. num. 44. P. Baldel- *Escob.*
lus tom. 2. lib. 3. disp. 34. num. 19. P. Antonius de Escobar in Theol. moral. t.
1. lib. 6. sect. 2. cap. 13. Problem. 16. nu.
144. & cap. 16. Probl. 3. num. 195. & ex parte Bordonus in consil. Regul. tom.
1. resol. 31. num. 4.

317. Ostenditur assertio. Nam Gregorius XIII. & Vrbanus VIII. revo-

voca-

vocarunt omnia privilegia, quæ non
reperiuntur scripta expresse, & singula-
tum in litteris Apostolicis, neque de il-
lis constat per eiusmodi litteras: sed
eiusmodi privilegia Regularibus con-
cessa viuæ vocis oraculo, quamvis per
alias Bullas sint confirmata in genere,
non reperiuntur scripta in litteris
Apostolicis, neque per eiusmodi litte-
ras constat de illis: ergo revocata ma-
nent ex constitutionibus Gregorij, &
Urbani.

318. Hic syllogismus est Achil-
les roboris irrefragabilis, cuius Minor,
& consequentia sunt evidentes. Maio-
rem autem ego non minus evidentem
existimo. Nam viuæ vocis oracula
sunt illa, quæ Pontifex Romanus cō-
cedit voce tenus, & non scripto pro-
prio: ergo dum non reperiuntur scrip-
ta in litteris Apostolicis, sunt viuæ vo-
cis oracula. Sed Gregorius, & Urbanus
revocant omnia omnino privilegia vi-
uæ vocis oraculo concessa, & Urbanus
etiam concessa ad instantiam Regum,
& ea etiam, quæ manu aliquius Cardi-
nalis firmata inveniuntur: ergo revo-
cant omnia ea, quæ non reperiuntur
expresse, & singulatim in litteris Apostoli-
cisis, sive quæ per eiusmodi litteras
non constat.

319. Ad hoc argumentum ref-
pondent, viuæ vocis oracula concessa
Regularibus exuisse naturam viuæ
vocis oraculi, & induisse naturam pri-
vilegii Bullati. Sed quomodo id sit?
Aliunt, multos Romanos Pontifices in
Litteris Apostolicis confirmasse omnia,
& singula privilegia prius Regularibus
concessa, tamquam si de verbo ad ver-
bum infererentur, quæ omnia in ipsis
Litteris volunt pro expressis habere.
Tum sic: ergo ea viuæ vocis oracula
habēda sunt pro expressis. Sed expressa
in litteris Apostolicis iam non sunt vi-
uæ vocis oracula, sed privilegia Bul-
lata: ergo ea non revocantur, dum so-
la viuæ vocis oracula revocantur.

320. Sed hæc responsio fallax est,
& in æquivoco laborans. Nam Gre-
gorius, & Urbanus expressis verbis in-
tendunt, quod, ut privilegia valeant,
constare debent ex litteris Apostoli-
cisis, & in illis reperiri expresse, & singul-
latim scripta: quid ergo prodest, quod
dicant alij Pontifices Prædecessores
per clausulam generalem, ea habenda
esse pro expressis, si per hanc clausulam
non constat de talibus privilegijs, ne-
que ea inveniuntur scripta expresse, &
singulatim in eiusmodi litteris?

321. Quod autem præfati Ponti-
fices, & præcipue Urbanus expresse
intendat revocare privilegia, quæ non
constant ex litteris Apostolicis, con-
stat ex motu proprio Urbani illis ver-
bis: Cum autem experientia rerum ma-
gistra compertum sit confessiones, &
gratias viuæ vocis oraculo, etiam à S.
R. E. Cardinalibus obtentas, & ipsorum
manu firmatas, sæpe ab his, in quorum
favore emanarunt, minus canonica in-
terpretatione extendi, & perperam in
disciplina Ecclesiastice detrimentum
executioni demandari, idcirco quantum
cum Domino possumus, his & alijs ma-
lis occurrere volentes, motu proprio, &c.

322. Ex quibus verbis constat
primo, quod Pontifex cavere intendit,
ne, dum non constat de terminis for-
malibus, quibus facta est à Pontifice
concessio, illi, in quorum favorem fa-
cta est concessio, apponant alios ter-
minos, qui sibi videantur æquivalen-
tes, & sic extendant faculta-
tem ultra mentem Pontificis. Et
quidem non est dubium, longe diverso
modo fieri interpretationem privile-
gij, si apponantur diversi termini,
quamvis narranti privilegium videan-
tur æquivalentes; nam ipsi termini, qui
communiter reputantur æquivalentes,
alij maiorem, alij minorem extensi-
onem recipiunt. Ex quo manifeste colli-
gitur intendere Pontificem, quod cer-
tum constet de terminis formalibus,

qui

quibus Pontifex fecit concessionem; licet quam plures sint scriptores, qui testentur dari eiusmodi privilegia viae vocis oraculo concessa, authoritas tamen omnium illorum reducitur ad illum unum, qui vel immediate accepit ab ore Pontificis, vel immediate accepit ab eo, qui obtinuit à Pontifice concessionem. Cui tam tenuem fidem habet Urbanus, ut licet sit S.R.E. Cardinalis ille, qui testatur privilegium, non vult istud esse validum.

323. Constat secundo ex ipso Romani Pontificis testimonio, cui refragari nefas est, experientia comper-tum esse, eiusmodi oracula ab aliquibus extendi ultra id, quod creditur suis se de mente Pontificis, & ultra id, quod permittit canonica interpretatio. Ex quo manifeste infertur, quod intendit Pontifex, privilegia constare de verbo ad verbum ex litteris Apostolicis, ne dum proponuntur, seu referuntur privilegia per alias terminos diversos ab ijs, quibus Pontifex ea concessit, facilius trahantur ad diversum sensum.

324. Constat tertio. Nam quamvis confirmata sint in genere per alias Pontifices, & non inveniantur scripta in litteris Apostolicis, sed solum scripta per privatam personam; idem subeunt periculum, quod extendatur minus canonica interpretatione; & quod cum detimento Ecclesiastice disciplinae executioni mandentur: Ergo Pontifex expresse vult revocare omnia privilegia, quæ non reperiuntur scripta in litteris Apostolicis; neque eximuntur à revocatione, per hoc quod sint confirmata in genere.

325. Constat quarto, voluisse Pontificem occurrere alijs malis, quæ ex concessione privilegiorum voce tenus facta, & non scripta in litteris Apostolicis, oriri possunt, ut dicitur in clausula supra relata: ergo manifestum est, quod intendit Pontifex, quod privilegia inveniantur scripta in litteris Pontificis, & ex illis clare constet; ut prædictis malis occurratur.

326. Sed quænam sunt hæc mala, sive inconvenientia? Sane non est leve inconveniens, quod in tota Ecclesia deducantur ad praxim, privilegia, de quorum concessione non est plena probatio, & vix est semiplena, qualia sunt non pauca ex his oraculis. Nam

licet quam plures sint scriptores, qui testentur dari eiusmodi privilegia viae vocis oraculo concessa, authoritas tamen omnium illorum reducitur ad illum unum, qui vel immediate accepit ab ore Pontificis, vel immediate accepit ab eo, qui obtinuit à Pontifice concessionem. Cui tam tenuem fidem habet Urbanus, ut licet sit S.R.E. Cardinalis ille, qui testatur privilegium, non vult istud esse validum. Et merito: quia dum non plene constat de verbis formalibus Pontificis, potest ille, qui testatur privilegium, addere, aut minuere, aut in alio sensu intelligere. Et quidem quamvis in aliqua causa deponant viginti testes, si omnes se referant ad dictum unius, non faciunt maiorem probationem, quam ille unus.

327. Observandum tamen est, declarationem ore tenus factam à Pontifice circa aliquam legem à se latam prodest pro foro conscientiæ; quia ea declaratio non est privilegium, sed doctrina quædam certa pro foro conscientiæ. Sicut enim pro foro conscientiæ prodest interpretatio doctrinalis, quam dat vir sapiens; multo magis declaratio Pontificis, quæ quidem sumitur per modum doctrinæ pro intelligentia legis. Et de his declarationibus ore tenus factis non loquitur Urbanus. Et tales existimo esse declarationes quasdam, quas dedit Clemens Octavus circa constitutionem suam de casibus reservatis pro Societati IESV, ut praxis eius Constitutionis accommodaret stylo Societatis. Et eiusmodi declarationes non comprehendendi constitutione Urbani VIII. observavit Lezana in qq. Regular. cap. 3. n. 21. ut refert Diana part. 5. tract. 14. resol. 22.

Lezana
Diana

s. III

§. III.

Solutione, & confutatione obiec-
tionum roboratur assertio.

SVMMARIVM.

Ea clausula [ac si exprimerentur de
verbo ad verbum] non prestat eum-
dem effectum , ac ipsa expressio . n.
328.

Privilegium Pij V, ex quo tres conse-
quentie colliguntur favore opposita
sententia . n. 330. & seqq.

Pius V. potestatem habuit revocandi ea
ipsa, quæ concessit . n. 336.

Eamdem potestatem habuerunt Grego-
rius, & Urbanus, & illa usi fuerunt
ex plenitudine potestatis . n. 337. &
seqq.

Quam vim habeat hec clausula [de ple-
nitudine potestatis?] n. 339.

Clausula derogatoria Urbani tollit re-
vivificantiam oraculorum . n. 340.

Ex iusta causa Urbanus revocavit ora-
cula . n. 341.

Privilegia Religionum sunt revocabilia
de plenitudine potestatis , quamvis
irrevocabilia de potestate Ordinaria .
n. 342.

Ad clausulas ex Bullis Gregorij XIV. &
Pauli V. idem respondetur, atque ad
Bullam Pij V. n. 345.

328. **O**bijicitur primo. Plures Pon-
tifices saepius confirmarunt omnia, & singula privilegia Re-
gularium, tamquam si denuo in litteris Apostolicis de verbo ad verbum
referrentur, & habentes illa pro ex-
pressis ergo eundem effectum habent,
ac si talibus litteris Apostolicis refer-
rentur de verbo ad verbum; sed si de
verbo ad verbum referrentur, non es-
sent oracula, sed privilegia Bullata: er-
go de facto iam non sunt oracula, sed

privilegia Bullata.

329. Sed iam in §. praecedenti di-
xi, hoc genus argumenti laborare in
æquivoco. Oportet autem modo ape-
rire terminos, in quibus latet æqui-
vocatio. Nota eam consequiam:
Ergo eundem effectum habent, ac si in-
talibus litteris Apostolicis referrentur
de verbo ad verbum: Quæ prima facie
videtur vera, & tamen vniuersaliter
sumpta est omnino falsa. Nam inqui-
ro, an prædicta oracula sic in genere
confirmata habeant eum effectum,
quod constet de illis per litteras Aposto-
licas, ita ut per ipsas litteras Aposto-
licas sciatur, quænam, & qualia sint
eiusmodi privilegia? *Quis audebit tale*
absurdum affirmare; cum sola lectio-
ne litterarum Apostolicarum convin-
ci possit? Ergo dicendum est, quod ea
oracula non habent eundem omnino
effectum, quem haberent, si de verbo
ad verbum referrentur in litteris Aposto-
licas. Et hinc patet, negandam esse
eam consequiam, ex cuius negatio-
ne corruit tota vis argumenti.

330. Obijicitur secundo. Omnia
privilegia ordinibus Mendicantibus
concessa sunt irrevocabiliter: ergo
privilegia viuæ vocis oraculo concessa
eisdem, non revocantur per constitu-
tionem Urbani, aut Gregorij. Ante-
cedens probatur primo. Nam B. Pius V.
in quadam Bulla, in qua concessit, &
confirmat privilegia pro quibusdam
Mendicantibus, decrevit, ea privilegia
nullo unquam tempore per Sedem
Apostolicam revocari posse; & sub
alijs revocationibus non comprehen-
di præfata privilegia. Quod si ea revo-
cari contingat, ea Pontifex denuo
concedit, etiam sub data ab ipso Men-
dicantium Generali eligenda. Et con-
firmatur. Nam Gregorius XIV. &
Paulus V. confirmavit eadem privile-
gia eodem modo, ac Pius V. *V. & III.*

331. Ex hac concessione constat
primo, Omnia eorum privilegia, atque

S 2 que

que adeo oracula, *nullo vñquam tempore revocari, aut limitari, vel illis derogari posse*. Ergo si nullo tempore revocari possunt, irrevocabiliter concessa sunt.

332. Constat secundo, omnia eorum privilegia, atque adeo oracula, exceptionem habere à quibuslibet revocationibus, atque adeo à revocatione Gregorij, & Urbani: ergo ab horum Pontificum revocatione excipientia sunt oracula illis concessa.

333. Constat tertio, quoties privilegia eorum, atque adeo oracula, revocata fuerint, toties reduci posse, & debere ad suum pristinum statum: ergo postquam oracula illis concessa revocata sunt à Gregorio, & Urbano, debent restituiri in suum pristinum statum, & valorem.

334. Quod maius accipit robur ex eo, quod subiungit Pontifex, nempe post factam revocationem, ita reviviscere denuo eiusmodi privilegia, ut possit talibus privilegijs, & eorum cōcessione apponi data temporis subsequentis, arbitrio Generalis: ergo postquam facta est ea revocatio ab Urbanus VIII. anno 1631. poterit Generalis apponere datam anni 1632. ita vt prout censematur oracula denuo concessa post revocationem. Ergo eiusmodi oracula sunt irrevocabilia, atque adeo non sunt revocata.

335. Hoc tamen argumentum, & si magnum videatur aferre apparatum, tamen nihil assert veræ probabilitatis contra præfamat assertionem. Pro cuius rei claritate tria interrogo. Primum, an Pius V, qui eam concessiōnem fecit illis Mendicantibus, habuerit potestatem revocandi illam per clausulas sufficientes ad revocationem, & concurrente iusta causa revocationis? Secundum, an Gregorius XIII. & Urbanus VIII. habuerint eamdem potestatem, ac Pius V? Tertium, an Gregorius, & Urbanus vii fuerint

hac potestate revocandi per clausulas sufficientes ad revocationem, & concurrente iusta causa?

336. Et ad primam quæstionem dico, indubitatum esse, quod qui habuit potestatem concedendi, habuit potestatem revocandi, saltem concurrente iusta causa: & sicut potuit concedere, quod revocata ea privilegia reviviscerent, etiam sub quacumque data temporis ad arbitrium Generalis, ita etiam ex iusta causa potuit postea decernere, quod nullomodo reviviscerent. Neque aliquis potest hoc assertum negare, nisi negando potestatem vniuersalem, quam Christus D. dedit D. Petro, decernendi omnia ea, quæ ad utilitatem Ecclesiæ expedire iudicaret.

337. Ad secundam respondere otiosum est, cum per se notum sit ex fide, in nullo Romano Pontifice esse maiorem potestatem, quam in alio.

338. Ad tertiam dico, Gregorium, & Urbanum vsos esse hac potestate revocandi privilegia viuæ vocis oraculo concessa; cum ambo Pontifices dicant, id decernere ex plenitude potestatis. Quæ (vt definit Barbosa tract. de Clauſulis vñ frequent. claus. 41. num. 2. ex communi sententia iurisprudentum) est illa, cuius causa non est ratio exquirenda in Principe, cur ita faciat. Quod intellige, dummodo non sit contra ius naturale, aut Divinum; & in Principe laico contra ius canonicum, quo obstringitur. Neque ab hac definitione sic intellecta recedit P. Thomás Sanchez lib. 2. de Matrim. disp. 15. num. 3.

339. Deinde, vt ait idem Barbosa ibid. num. 9. cum alijs Doctoribus, hæc clausula de plenitudine potestatis, habet vim derogatoria ad omnem legem contrariam, etiam habentem clausulam derogatoriam. Et, vt idem Author ait num. 10. Operatur, quod contraria censeantur sublata absque alia dero-

Barbos.

derogatione, & clausula [Non obstante;] maxime quando adegit clausula, [Ex certa scientia.]

340. Quod autem clausula derogatoria Urbani sit sufficiens ad tollendam reviviscentiam oraculorum; patet ex ipso tenore clausulae: *Non obstantibus praesertim litteris huiusmodi, ac Constitutionibus, & Ordinationibus Apostolicis, & quatenus opus sit etiam Regula nostra de non tollendo iure quæsito, privilegijs quoque, indultis, & litteris Apostolicis, eisdem Cardinalibus, ac Ordinibus, Congregationibus, Institutis, & Societatibus, eorumque Superioribus quocumque nomine nuncupatis sub quibuscumque verborum formis, & tenoribus, ac cum quibusvis, etiam derogatoriarum derogatorijs, alijsque effaciencioribus, & insolitis clausulis, ac irritatibus, & alijs decretis in genere, vel in specie, ac alias in contrarium præmissorum quomodolibet concessis, confirmatis, & innovatis. Quibus omnibus, & singulis, etiam si pro illorum sufficienti derogatione de illis, eorumque totis terroribus specialis, specifica, & expressa, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, illorum omnium tenores presentibus pro plene, & sufficienter expressis habentes specialiter, & expresse derogamus, ceterisque contrariis quibuscumque. Ex quibus omnibus patet, hanc clausulam esse sufficientem ad plenam revocationem concessionis factæ à B. Pio V. quoad oracula.*

341. Quod autem Urbani inventit justam causam revocationis, patet ex verbis Bullæ Urbani relatis in praecedenti, nempe experientia comperrisse, eos, in quorum favorem data sunt oracula, extendere ultra modum ea privilegia, & cum detimento disciplinæ Ecclesiasticæ, & sic perperam

extensa executioni mandare; præter alia mala, quæ refert in genere. Vnde hæc revocatio facta est pro maiori utilitate publica.

342. Hinc respondetur ad argumentum, concedendo, privilegia Religionum esse irrevocabilia de potestate ordinaria; revocabilia autem de plenitudine potestatis. Ad primam probationem dico, quando B. Pius V. concessit, ea privilegia revocari non posse, necessario intelligi debere de potestate ordinaria, non autem de plenitudine potestatis. Nam B. Pius V. non potuit ligare plenam potestatem, quam à Christo D. habituri erant ciuii successores.

343. Ad secundam probationem eodem modo respondendum est, cum B. Pius V. concessit, ut à qualibet revocatione privilegiorum à Successoribus facta excipienda sint ea privilegia, intelligendum esse de revocatione facta ex potestate ordinaria; non autem de facta ex plenitudine potestatis, quam non potuit ligare, aut coarctare B. Pius V.

344. Ad tertiam, cum Pius concessit, quod quoties revocata fuerint, toties reviviscant; cum non potuerit coarctare plenitudinem potestatis successorum, intelligi debet, id ita esse nisi successores vtantur plenitudine potestatis. Hæc enim in quolibet Successore Petri perenniter persistit. Et eodem modo intelligitur id, quod Pius subiungit de data posteriori apponenda concessioni.

345. Ad confirmationem de sumptam ex Bullis Gregorij XIV. & Pauli V. cum hæ constitutiones prodant eodem tenore, ac constitutio Pij V. eodem prorsus modo respondendum est, nempe in predictis Bullis sermonem esse de potestate ordinaria; consequenterque relinquere locum abrogandi talia privilegia de plenitudine potestatis.

§. IV.

*Argumentum desumptum d' na-
tura privilegij remunerato-
rij disolvitur.*

SUMMARIUM.

*Multiplex diviso privilegij. n. 350. &c
seqq.*

*Privilegia remuneratoria sunt irrevo-
cabilia, dum non apparent noxia pu-
blicæ utilitati. n. 356.*

*Oracula Regularibus concessa revocabili-
ta sunt, ex quo appaserunt noxia
publicæ utilitati. n. 363.*

*In revocatione eorum non debet fieri
compensatio, quando revocatio expedi-
dit bono publico. n. 365. & seqq.*

*Quando privilegia remuneratoria
transeant in naturam contractus? n.
366.*

*Concessio privilegiorum eiusmodi non
est vera donatio. n. 367.*

*Quomodo sint revocabilia privilegia
data propter Culum Diuinum? n.
368.*

346. *O*bijcitur tertio. Privilegia remuneratoria sunt irrevocabilia; quæ si de plenitudine potestatis revocantur, debet fieri compensatio; sed omnia privilegia Regularium, atque adeo viuæ vocis oracula, sunt remuneratoria, cum constet ex Bullis Apostolicis, concedi ea privilegia propter magna merita; & nulla data est compensatio pro eiusmodi oraculis revocatis: ergo manent non revocata.

347. Confirmatur primo. Nam privilegia remuneratoria transeunt in naturam contractus: contractus autem est irrevocabilis, quamvis intercedat inter Principe, & subditum: ergo privilegia remuneratoria, atque adeo

præfata oracula data pro Regularibus, sunt irrevocabilia.

348. Confirmatur secundo. Nam concessio privilegij est quedam donatio: sed donatio acceptata a donatario est verus contractus, qui revocari non potest: ergo concessio privilegij remuneratorij est versus contractus, qui revocari non potest.

349. Confirmatur tertio. Non enim est credibile, quod Pontifex velit revocare ea privilegia, quæ conceduntur ad cultum Dei, & augmentum Fidei, & Religionis Catholicae: atqui omnia privilegia, atque adeo præfata oracula, concessa Ordinibus Mendicantibus, concessa sunt ad cultum Dei, & augmentum Fidei, & Religionis Catholicae: ergo non est credibile, quod Pontifex velit revocare eiusmodi oracula. Probatur Minor. Nam Paulus V, dum confirmatae privilegia, proponit tamquam motivum, quod illi in Ecclesia ad Fidei, pietatis, & Religionis augmentum proficerint. Id autem motivum nihil aliud est, quam moveri ad concedenda privilegia in augmentum Fidei, pietatis, & Religionis Catholicae.

350. Pro solutione huius obiec-
tionis, & recta intelligentia huius ma-
teriae, præmitrenda sunt aliqua, quæ partim observavit P. Suarez lib. 8. de Suarez legibus cap. 37, partim ex eius doctrina clare colliguntur. Et in primis (loquendo de privilegijs, quæ conceduntur subditis a Principe) duplex est privilegium, aliud est ex contractu, in quo intervenit iustitia commutativa; & aliud ex liberalitate. Deinde privilegium ex contractu aliud est ex contractu lucrativo, quando videlicet ille, qui accipit privilegium, se obligat ad dandum, aut faciendum aliquid in utilitatem concedentis; aliud vero ex contractu gratuito, quando scilicet accipiens privilegium nihil dat, nec facit in utilitatem concedentis.

Rur.

351. Rursus vtrumque priuilegium tam ex contractu, quam ex merita liberalitate, subdivit in privilegium, quo conceditur res alicui, in quam potest adquirere dominium, ut concessio Castri, iuris vestigialium, servitutis, &c. & in privilegium, quo conceditur facultas, aut licentia aliqua.

352. Deinde hoc vtrumque privilegium in subdivisione contentum, aliud est remuneratorium, quod conceditur ex gratitudine propter merita; & aliud pure liberale, & sine attentione ad merita. Deinde privilegium remuneratorium subdivit in illud, quod est ex rigoroso debito gratitudinis; & in illud, quod est ex debito congruentiae gratitudinis. Aliquando enim dominus dat Ministro remunerationem, quam & si non debeat ex pacto, aut alias ex iustitia, illa remuneratio habet quamdam proportionem, & quasi aequalitatem cum speciali industria ministri iudicio prudentium. Et haec est ex debito rigoroso gratitudinis. Aliquando vero dat remunerationem superabundanter, & multo maiorem, quam requirit propotione meriti ad premium; & runc non est ex debito rigoroso, sed ex debito congruentiae gratitudinis, saltem quoad excessum.

353. Et quidem si privilegium sit ex contractu lucrativo, illud est per se irrevocabile. Dicitur autem per se, nam per accidens revocari potest a Principe, quando revocatio expedit ad utilitatem publicam; facta tamen compensatione, iuxta utilitatem, quam ipse Princeps accepit: ad id enim tenetur Princeps ex lege iustitiae communitativae.

354. Deinde quando privilegium est rei, in quam accipiens privilegium, adquirit dominium, sive illud privilegium sit ex contractu, sive ex liberalitate, est per se irrevocabile. Ra-

tio est: quia ubi subditus adquirit Dominium rei, Princeps non potest per se auferre dominium a subdito; nisi in casu raro, in quo potest ratione Supremi dominij disponere de rebus subditorum in utilitatem publicam, facta compensatione eo modo, quo fieri poterit.

355. Præterea quando dicitur privilegium remuneratorium transire in naturam contractus, intelligendum est, id ita esse analogice, & similitudinare; non vero rigorose, & stricte. Ratio est: quia privilegium ex contractu obligat ex iustitia communitativa; privilegium autem remuneratoriū obligat ex gratitudine: si enim obligaret ex iustitia communitativa, iam non esset dumtaxat remuneratorium, sed ex contractu.

356. Deinde privilegium remuneratorium Principis Ecclesiastici est per se irrevocabile. Dicitur autem per se: nam per accidens revocari potest, nempe quando adeat iusta causa revocandi, scilicet utilitas publica. Id autem ita certum est, ut Gregorius XV.

hanc conclusionem definierit in ea Bulla, in qua revocavit ea viua vocis oracula, his verbis. *Romanus Pontifex gratias, & indulta a se, & processibus suis concessa, iustis interdum suadentibus causis, juxta creditum sibi Pastoralis officij debitum, moderatur, aut revocat, prout rerum, & temporum qualitatibus debite pensatis conspicit in Domino salubriter expedire.* In quibus verbis notandum est primo, id verbum revocat, idem esse ac iuste revocat. Ex quo evidenter inseritur potestas revocandi. Secundo, hanc potestatem revocandi esse, cum ex iudicio Pontificis expedit communi utilitati, ut patet ex ultimis verbis relatis: *Prout rerum, & temporum qualitatibus debite pensatis conspicit in Domino salubriter expedire.*

357. Rursus quando ad utilitatem

Suarez.

tatem publicam expedit revocatio & confirmari propter præclara merita ipsarum Religionum. 361. Deinde eiusmodi privilegia non sunt de rebus, quarum dominium haberi possit: illa enim sunt de facultatibus ad absolvendum, dispensandum, &c. Quæ facultates non cadunt sub dominium. Constat etiam, eiusmodi privilegia non esse data ex contractu iustitiae commutativæ, neque lucrativo, neque gratuito. Nam si Pontifex ea non concessisset, non esset iniustus; quamvis ea dederit cum intentione ad præclara merita, & in præmium illorum.

358. Tunc autem, licet Princeps non faciat compensationem, valida erit revocatio, etiam si tale privilegium concessum fuerit ex rigoroso debito gratitudinis; peccabit autem Princeps, non dans compensationem, nisi ex alio titulo, aut causa excusetur. Quando autem privilegium fuerit remunerativum non ex rigoroso debito gratitudinis, sed ex debito congruitatis, licet sit valida revocatio, si tamen sit sine causa, est illicita sub reatu culpe venialis; sicut etiam cum Princeps revocat sine causa privilegium ex merita liberalitate concessum.

359. Princeps autem non tenetur dare compensationem, quando ex causa publica revocat privilegium, quod in facultate, aut licentia aliqua consistit, concessum scilicet ex mera liberalitate, aut ex debito congruitatis gratitudinis; hæc enim duo genera privilegiorum parum inter se differunt, & æquiparantur quoad suos effectus: aut quando Princeps dubitat, an fuerit concessum privilegium ex debito rigoroso gratitudinis, an ex solo debito congruitatis: quia obligatio dubia non est proprie obligatio.

360. Accedens autem proprius ad materiam huius argumenti, privilegia viua vocis oraculo regularibus concessa certum est non esse ex contractu iustitiae; sed negari non potest, ea esse remuneratoria, quia in pluribus Bullis Pontificijs afferitur, ea concedi,

362. Et quidem quæstio institui posset, an privilegia viua vocis oraculo Regularibus concessa taliter sint remuneratoria, vt sint concessa ex debito rigoroso gratitudinis, an ex solo debito congruentia, & hoc secundum videri posset verius; quia tamen id non est necessarium ad solutionem argumenti, ideo ab ea quæstione decidenda libenter abslineo.

363. Ad obiectionem ergo respondeo, distinguendo Maiorem: privilegia remuneratoria sunt irrevocabilia [dum non appareat incommodum noxiæ publicæ utilitati, iudicio Principis] transeat; [alias,] nego. Vel sic: Edum non appareat revocatio expediens bono publico, iudicio Principis] transeat; [alias,] nego. Itaque quamvis per se sunt irrevocabilia; ex quo tempore apparent noxia utilitati publicæ, vel revocatio eorum apparent expediens bono publico, iudicio Principis, revocari possunt. Quæ revocatio, vt loquitur P. Suarez loco cit. non est proprie revocatio, sed declaratio, qua declarat Princeps, ea privilegia non extendi ad tempus, in quo iudicio Principis cernitur aliquod inconveniens contra utilitatem publicam; aut ipsa eorum revocatio apparent expediens bono publico,

364. Ad minorem respondeo, Ad

privilegia viuæ vocis oraculo concessa Regularibus esse quidem remuneratoria, & fuisse irrevocabilia, dum non apparebat aliquid publicæ utilitati noxiū, iudicio Principis Ecclesiastici; aut iudicio eiusdem revocatio cortim expediebat bono publico. At postquam iudicio Principis Ecclesiastici talia esse iudicata sunt, fuerunt revocabilia; vel ut loquitur P. Suarez suprà cit. declarata fuerunt non extendi ad has circumstantias, in quibus iudicio Principis Ecclesiastici expediebat bono publico non adesse talia privilegia. Quod autem repertum fuerit incommodum publicæ utilitati noxiū, patet ex relatis verbis Urbani:

Ab his, in quorum favorem emanarunt, minus canonica interpretatione extendi, & perperam in discipline Ecclesiastica detrimentum executioni demandari.

365. Ad id, quod subiungitur, debere fieri compensationem, respondetur, falsum esse, cum expedit bono publico, ea privilegia revocari, vt iam dictum manet; nisi sint de re, cuius acquisitum est dominium. Cui etiam superaddi potest id, quod suprà quæst. 3.

§. 3. veri. *Quod autem, dixi cum multis Doctoribus, non deberi compensationem, quando privilegium conceditur propter merita in generali, non autem propter aliquod meritum in particulari.*

366. Ad primam confirmationem nego, privilegia remuneratoria transire in naturam contractus, quando non sunt circa rem, cuius adquiritur dominium, vt de castro, iure percipiendi vectigalia &c, cum non maneat obligatus Princeps ex iustitia commutativa, ex qua obligat contractus.

367. Ad secundam confirmationem respondeo, concessionem eiusmodi privilegiorum non esse donationem, nisi solum analogice, aut metaphorice. Et hæc secunda confirmatione

solum habet vim in privilegijs, in quibus conceditur dominium rei, v. g. iuris vectigalium &c. Ea enim est propriæ donatio, & verus contractus gratuitus, qui revocari non potest, nisi propter publicam necessitatem, facta compensatione, si fieri potest; aut propter alias causas iure permissas absque compensatione.

368. Ad tertiam confirmationem, ex illis verbis Pauli V. non inferatur, quod data sunt privilegia Mendicantibus ad promovendum Cultum Divinum; sed ad summum quod data sunt in preemium ijs Religiosis, qui se optime exercuerunt in cultu Dei promovendo. Sed esto, data sint propter cultum Dei promovendum: id quidem intelligi debet, dum ea privilegia iudicio Principis Ecclesiastici nullum afferunt inconveniens, quod noxiū sit utilitati publicæ. Nam ubi reperitur eiusmodi inconveniens, non promovetur cultus Dei per ea indulta, quæ cedunt in damnum spiritualis gubernationis. Cum ergo privilegia viuæ vocis oraculo concessa, sint in damnum spiritualis gubernationis; nam, vt testatur Urbanus, ea privilegia, quia non constant ex litteris Apostolicis, extenduntur pro libito à privilegiatis, & alia mala inde sequuntur; inde est, quod per ea non rite promoveatur cultus Dei, & Fidei augmentum. Quare Minor eius syllogismi distinguenda est: omnia privilegia concessa sunt illis ad cultum Dei, & augmentum Fidei, [dum nullum afferre conspiciuntur incommodum contra spiritualem gubernationem,] concedo; [dum id afferre conspiciuntur,] nego.

§. V.

Tres aliæ obiecções solutæ.

SVMMARIVM.

Quod revocata sunt oracula non est du-

T. bium,

dubium, sed certum à principijs intrinsecis. n.372.

Dubia probabilitas est dubium practicum; ad quod non extenditur constitio favorabilis. n.373.

Bene stat quod opinio sit tenuiter probabilis; & quod opposita sit certa. n.

374.

Nullus Authorum numerus sufficit contra certitudinem. n.376.

In casu urgentissime necessitatibus uti possimus opinione tenuiter probabili, quando opposita opinio non est certa, & necessitas auget probabilitatem. n.

377.

369. **O**bijcitur quarto. Quoties in materia favorabili intervenit dubium, ea quidem amplianda est ad casum dubium: sed privilegia Regularium, etiam quæ viae vocis oráculo concessa, sunt materia favorabilis; & est dubium controversum inter Authores, an revocata sint, nec ne: ergo talia privilegia amplianda sunt, & extenda ad eiusmodi casum dubium; atque adeo censendum est, ea, non esse revocata, sed remanere valida.

370. Confirmatur primo. Diximus enim, eam opinionem, quod valida remaneant oracula, esse tenuiter probabilem; idem autem est, quod sit tenuiter probabilis, atque quod sit dubie probabilis: ergo res est dubia, quod hæc oracula sint revocata, aut persistant valida. Cum ergo materia favorabilis extendatur ad casus dubios eiusmodi privilegia, & valor eorum extendetur ad presentem casum.

371. Confirmatur secundo. Nam minus est, quod casus sit dubius, quam quod sit tenuiter probabilis; hic enim supra dubium addit aliqualem probabilitatem: ergo si materia favorabilis, qualis est materia horum privilegiorum, extenditur ad casus dubios, a fortiori extendetur ad casus tenuiter

probabiles.

372. Respondetur, concessa Majori, negando Minorem quoad secundam partem. Est enim certum à principijs intrinsecis, eiusmodi oracula esse legitime revocata. Nam ex dictis constat, Pontificem Romanum habere potestatem revocandi, & de facto revocasse ea omnia, quæ non sunt expresse scriptæ in litteris Apostolicis, neque ex illis constat, ea esse concessa; idque propter inconvenientia, quorum experientiam testatur Pontifex. Quæ ratio facit certitudinem moralem, atque adeo de tali revocatione nullum esse potest dubium,

373. Ad primam confirmationem respondeo, eam opinionem dici tenuiter probabilem, eo quod aliquibus Authoribus visa est probabilis; non quia vere sit talis, quia cum revocatio sit certa, valor non potest esse vere probabilis. Cum autem dicitur, opinionem tenuiter probabilem esse dubie probabilem, verum est, vt confitabit ex disert. 3. Sed dubia probabilitas idem est, ac dubium de probabilitate, & consequenter dubium practicum, in quo semper tuior pars eligenda est ad praxim. In quo casu tuior pars manet practice certa; quia certum est, in tali dubio pratico non posse deduci ad praxim partem mirus tutam, sed necessarium esse, quod pars tuior deducatur ad praxim. Aliud longe diuersum est, quod revocatio sit dubia speculativa: id enim omnino est falsum. Quando autem dicitur, materiam favorabilem extendi ad casus dubios, intelligi non potest de dubio pratico; nam cum quis practice dubitat, an hic & nunc peccabit, nec ne; nullus favor potest ei suffragari, quo minus eligat partem tuiorem. Cum ergo dicitur materia favorabilis extendi ad casus dubios, id necessario intelligitur de dubio speculativo; quod non reperiatur

tur in præsenti præpter dicta.

374. Ad secundam confirmatio-
nē benet stat, quod opinio sit tenuiter
probabilis, & consequenter quod eius
probabilitas sit dubia modo explicata,
& quod opposita opinio sit certa à
principijs intrinsecis. Illa enim opinio
vocatur dubie probabilis, non quia
opposita non sit certa; sed quia aliqui-
bus illa videtur probabilis, quorum in-
tellectui non proponitur certitudo op-
positæ. Et hanc vocavit probabilem
secundum quid. P. Granado tom. i. in 1.
part. controv. 2. tract. 1. disp. 3. sect. 30
num. 346.

Granado.

375. Obijicitur quinto. Tredecim
Authores relati in §. 1. huius quæstio-
nis stant pro ea opinione, quod adhuc
persistunt valida ea privilegia, quæ vi-
væ vocis oraculo concessa sunt Regu-
laribus: quid ergo amplius postulan-
dum est ad probabilitatem absolutam,
quam is doctorum numerus?

376. Respondetur, nullum Au-
thorūm numerum sufficere contra
certitudinem. Nam, ut ostendi in 1.
part. Cris. Theol. disp. 11, vt Authores
conferant probabilitatem opinioni,
debet esse omni exceptione maiores,
vna autem ex prædictis exceptionibus
est, quod doceant contra principium
certum. Vnde fit, quod licet in reliquis
quæstionibus sint omni exceptione
maiores, in hac tamen quæstione hanc
exceptionem parituntur. Quare in ea
quæstione non possunt conferre pro-
babilitatem. Maxime cum non respon-
derint ad hoc argumentum à nobis
factum, quod demonstrativum existi-
mo.

377. Obijicitur sexto. Opinio te-
nuiter probabilis licite potest deduci
ad præxim in casu vrgentissimæ ne-
cessitatis, vt diximus supra art. Sed hæc
opinio de oraculis non revocatis sal-
tem est tenuiter probabilis, vt proxi-
me diximus: ergo saltem poterit dedu-
ci ad præxim in casu vrgentissimæ ne-
cessitatis.

378. Respondeo; Maiorem hu-
ius syllogismi solum habere locum,
quando opposita opinio non est omni-
no certa à principijs intrinsecis; sed so-
lum est tenuis probabilitatis ob tenui-
tate fundamēti; sic enim ipsa vi g̃es ne-
cessitas solet augere vim fundamenti.
Quando autem opposita opinio est
certa à principijs intrinsecis, & alia
opinio dicitur tenuiter probabilis so-
lum propter auctoritatem aliquorum,
tunc non est licitum deducere ad
præxim talem opinionem. Cum ergo
sic se habeat hæc opinio de oraculis
non revocatis; neque in vrgentissimæ
necessitate potest deduci ad præxim.

§. VI.

*Quodam singulari casu roboratur tra-
dicta doctrina.*

SVMMARIVM.

*Privilegium concessum fratribus Au-
gustinianis relatum à Roffensi n. 380.*

*Quomodo illud restringat P. Enriquez
n. 381.*

*Quomodo etiam illud restringat Rodriguez
ex Vega? n. 382.*

Et quomodo illud ampliet recentior?
Ibidem.

*Et quomodo incidenter idem Author in
absurdum, quod proponit Urbanus?
n. 383.*

*Alia ampliatio eiusdem Authoris multe
absurdior. n. 384.*

379. **V**Idimus in præcedentibus,
Vrbanum VIII. decernere,
ne valeant privilegia Pontificia, nisi
expresse constent ex litteris Apostolicis;
eo quod experientia didicit, eius-
modi privilegia voce tenus concessa,
ab ijs, in quorum favorem emanarunt,
extendi ultra mentem concidentium,
& in detrimentum Ecclesiastice disci-
plina executioni mandari. Quod quam

T 2 certum

certum sit, casus proxime referendus
clare ostendit.

380. Quidam Recentior in tracta-
tu, quem edidit de instructionibus
Missionariorum refert privilegium vi-
væ vocis oraculo cōcessum à Leone X.
fratribus Augustinianis per verba, quæ
affert VeraCruz in speculo part. 2.

VeraCruz Roffensi, art. 27. §. Et hoc confirmatur. citans

Roffensi, his verbis: Confirmatur ex-
pressa confessione Leonis X., qui dedit
fratribus Ordini S. Augustini, quod cum
bis, qui in primo gradu scienter, aut
ignoranter contraxerunt, modo nota-
rium id non fuerit, neque in iudicium
productum, dispensare valeant, ut de
novo contrahant. & in eodem item con-
tracto Matrimonio remaneant, prole
quoniam etiam legitima. Hæc sunt verba
Ildephonsi à VeraCruce; cuius fides
tota est penes testimonium Roffensis.

381. Et qui dem ipsi Authores ci-
tati à Recenteiore diversi mode exten-
dunt, aut restringunt hoc privilegium.

*Enriquez Nain P. Enriquez lib. 2. de Matrimonio,
cap. 3. num. 3. in marg. litt. A sic ait: Re-
fert speculator. 2. part. art. 27. fine ex
Roffensi de Matrim. Regis Anglia. Sed
quia non repertitur scriptum, apud eos
qui diligenter privilegia Medicantium
collegerunt, videtur, tantum fuisse con-
cessum à Leone X. dispensare in affini-
tate incestus, quæ supervenit Matrimo-
nio. Hæc Enriquez.*

382. Idem Recentior citat Em-
munciem Rodriguez pro eodem pri-
vilegio Augustinianis concessio dispen-
sandi in presato impedimento dirimē-
ti tom. 3. qq. Regular. quest. 2. art. 2. Sed
*Rodrig. hic Author hæc verba habet: Doctissi-
mus P. Vega legens Sacram Theologiam
in hoc Conventu S. P. N. Francisci Sal-
manticensi, affermat, se credere, hoc pri-
vilegium non fuisse universaliter con-
cessum, sed pro aliquò casu particulari
tantum indulsum: quo casu cessan-
te, iam ipsummet cessaverat. Hæc Ro-
driguez. Eodem modo, ac relati Au-*

thores, loquitur de hoc privilegio
P. Pellizarius tom. 2. Manual. lib. 8.
cap. 3. n. 343. Et his non obstatibus, cō-
tendit præfatus Recentior, illud privi-
legium esse vniuersale pro omnibus
Confessariis Regularibus, & intelligi
dispensatione in impedimentoo dirimeti.

383. Ecce ab iurdum, cuius me-
minit Urbanus VIII., quod privilegia
vivæ vocis oraculo concessa, cū eorum
formalib[us] verba non inveniantur scrip-
ta in litteris Pontificijs, ab ijs, in quo-
rum favorem emanaerunt, extendan-
tur minus canonica interpretatione.
Est enim magnum absurdum, quod
privilegium Leonis X. concessum, lux-
ta Rodericum, & Vegant pro uno ca-
su particulari, extendatur amplissime
ad omnes casus eiusmodi, & pro om-
nibus Confessariis Regularibus. Et
quod, secundum Enriquez, datum est
à Leone X. pro dispensatione ad pe-
tendum debitum in affinitate orta post
contractum Matrimonium, extendatur
ad disp̄saandum in impedimentoo diri-
menti in ordine ad contrahendum. Et
hæc ipsa varietas Authorum in rese-
rendo privilegium demonstrat, quām
magnum sit absurdum, quod impulit Ur-
banum VIII. ad revocanda eiusmodi
oracula.

384. Sed multo magis conspicitur
hoc absurdum in eo, quod superaddit
ibidem idem Recentior, scilicet vir-
tute privilegiorum Regularibus con-
cessorum, quæ ibi non refert, posse
omnes Regulares dispensare in qui-
buslibet impedimentis dirimentibus,
sive post, sive ante contractum Matri-
monium, in omnibus illis eventibus,
in quibus potest Episcopus. Et quamvis
citetur plures Authores, manifestum est,
quod perperam citantur. Nam Diana,
quem citat, 5. part. tract. 2. de dub. Re-
gul. resol. 9. nihil dicit, quod sit ad rem,
& part. 11. tract. 4. resolut. 3. solum lo-
quitur de quodam privilegio Minimo-
rum dispensandi super irregularitatibus.

bus, in quibus dispensat Episcopus.

Tb Sanch Citat etiam Thomam Sanchez tom. 3. de Matrim lib. 8. disp. 16. Et ibi solum loquitur de votis Castitatis, & Religionis non absolutis sed habentibus limitationem, in quibus iure ordinario dispensat Episcopus: quod quidem privilegium dispensandi in votis est viuæ vocis oraculo concessum. Et illud vult extendere is Recentior ad dispensandum in omnibus impedimentis dirimentibus, in quibus ratione urgentis necessitatis dispensat Episcopus. Et hic dilucide conspicitur, quam merito dixerit Urbanus VIII. Experientia rerum Magistra comprehendere esse, concessiones, & gratias viuæ vocis oraculo...obtentas..., saepe ab his, in quorum favorem emanarunt, minus canonica interpretatione extendi, & perperam, in discipline Ecclesiastice detrimentum, executioni demandari. Omitto alia, quæ ibidem tradit idem Recentior, quæ sine periculo animarum nequeunt ad proxim deduci; quia omnino carent probabilitate.

ARTICVLVS VIII.

Discutitur tertius dicendi modus circa certitudinem iurisdictionis, ex eo quod paenitens se accuset simul de venialibus, aut mortalibus iam confessis.

SVMMARIVM.

Certum est quemlibet Sacerdotem habere iurisdictionem in venialia, & ex hoc capite cum datur opinio probabilis circa iurisdictionem, valor Sacramenti redditur certus. n. 386.

Tres notaciones circa decretum de communione quotidiana n. 387. & seqq.
Id esse certum affirmant communiter Theologi. n. 390. & seqq.

Multi Authores antiqui affirmantes Sacerdotem simplicem habere iuris-

ditionem in venialia. n. 409.

Doctores, qui afferunt ex consuetudine Ecclesie dari in omnibus Sacerdotibus iurisdictionem in venialia. n. 410.

Certudo huius consuetudinis sumitur ex eo quod in questione facti ingens numerus testium facit plenam probationem. n. 411.

Ex uniuersali persuasione fere omnium fit certa consuetudo, & traditio eius iurisdictionis. n. 412.

Confirmatur ex simili assertu Tridentini. n. 413.

Consuetudo dat iurisdictionem ex lege Ecclesie. Et quid inde pro nostra conclusio? n. 414.

Qui bona fide orta ex opinione probabilitate circa iurisdictionem confitetur mortalia, & venialia, absolvitur directe à venialibus, & indirecte à mortalibus. n. 415.

385. **Q**uæritur in præsenti, an quando opinio est vere probabilis circa iurisdictionem, & penitens simul cum mortalibus confiteatur aliqua venialia, reddatur omnino certus valor Sacramenti, neque maneat expositus frustrationi. Hæc autem quæstio pendet ex alia, in qua inquiritur, an certum omnino sit, quemlibet Sacerdotem, etiam non approbatum ab Ordinario, habere iurisdictionem, ut valide absolvat à venialibus. Nam si certum est, quemlibet Sacerdotem ea iurisdictione gaudere, penitens, qui bona fide accedit ad sic confitendum, propter opinionem probabilem de iurisdictione ad mortalia, absolvitur directe à venialibus, & indirecte à mortalibus; sicut contingit, cum confitetur bona fide venialia, & oblitiscitur invincibiliter mortalium; tunc enim ab eis manet indirecte absolutus.

386. Assero ergo, certum esse, quemlibet Sacerdotem habere iurisdictionem in venialia, antecedenter ad decretum de

150 DISERTATIO II. CAPVT. VI. ART. VIII.

de Communioie quotidiana. Atque adeo quando datur opinio vere probabilis circa iurisdictionem, cuius probabilitas subservit, ut poenitens accedat bona fide; valor Sacramenti redditur certus. Ita docui in 1. part. Cris. Theol. disp. 15. cap. 4. art. 11. n. 349. & cap. 15. art. 4. n. 641.

387. Ante omnia notandum est, prodijse decretum S. Congregationis datum die 12. Februarij ann. 1679., & publicari iussum a SS. D. Innocentio XI. & re ipsa publicatum die 15. Februar. eiusdem anni, circa Communioiem quotidianam. Vbi circa finem sic præcipitur: *Non permittant (Episcopi) ut venialium confessio fiat simplici Sacerdoti non approbato ab Episcopo, aut Ordinario.*

388. Notandum est deinde (quod ex his verbis colligitur) non prohiberi per hanc clausulam Sacerdoti approbato ab Ordinario, quod absolvat a venialibus, etiam in casu, quo iurisdiction ad mortalia sit probabilis ex varietate opinionum, imo & in casu, quo talis opinio probabilis de iurisdictione ad mortalia sit falsa coram Deo, & vere probabilis coram hominibus. Parte assertio ex ipso tenore verborum, quæ proxime retuli.

389. Notandum est tertio, principalem assertionem præictam nullo modo loqui de Sacerdote non approbato ab Ordinario: quia cum loquamur de valore absolutionis in Sacerdote intende absolvere a mortalibus, nulla potest esse probabilitas de iurisdictione in illa mortalia in Sacerdote non approbato. Loquitur ergo assertio de Sacerdote approbato: quia ante decretum, erat certum, quod qualibet Sacerdos habebat potestatem proximam absolvendi a venialibus, & per decretum non prohibetur Sacerdos approbatus, atque adeo in hoc remaneat eadem potestas proxima. Quare si habet iurisdictionem probabilem

etiam ex opinione, quæ sit falsa coram Deo, dum absolvit a mortalibus, & venialibus, ab istis absolvit directe, a mortalibus autem indirecte.

390. Quod autem antecedenter ad decretum, fuerit haec potestas proxima absolvendi a venialibus in quolibet Sacerdote, tamquam certum affirmant communiter Theologi. Ita P. Suarez tom. 4. in 3. part. disp. 26. sect. 6. n. 8. qui cum hanc viam doceat ad redendam absolutionem certo validam,

^{Suarez.} haec verba subiungit: *Alius modus dicens est, in omni confessione, quæ sit biniusmodi ministris (scilicet pollentibus iurisdictione probabili) semper intervenire materiam aliquam, circa quæ habeant CERTAM, & indubitatam iurisdictionem; scilicet aliqua peccata venialia.* Et nmm. 9. circa finem: *Hec via videtur mihi vera; nam principium, in quo fundatur, est satis CERTVM.* Et disp. 31. sect. 3. n. 10. ait: *Hec ratio mihi non satisfacit, alioqui etiam procederet de habente mortale peccatum oblitum, ut confessio de solis venialibus bona sit ab illo facta simplici Sacerdoti non sit verum Sacramentum, nec sanctificet talem hominem alias bene dispositum, quod certe est falsum, & improbabile.*

391. P. Thomas Sanchez lib. 1. Summae cap. 9. nutti. 35. ita afferit: *Qualibet Sacerdos CERTAM in venialibus iurisdictionem habet: & ideo cum poenitens non ponat obicem, & sit certa iurisdictione in aliquam materiae partem, erit CERTVS confessionis valor.* ^{Tb. Sanc.}

392. P. Arriaga tom. 8. tract. de Poenit. disp. 39. sect. 3. n. 26. ait: *CERTVM est inter omnes fere autores, posse quemlibet Sacerdotem ab eis (venialibus) absolvere.* ^{Arriaga.}

393. Lugo Card. disp. 19. de Poenit. sect. 2. n. 30. agens de sententia concedente cuilibet Sacerdoti iurisdictionem in venialia, ait: *Ego existimo in primis, si sermo sit de ordinaria confessione extra mortis periculum,* ^{Lugo.} *sen-*

Sententiam illam tutissimam esse; quia proximus nulli, vel certe exiguo periculo exponitur.] Et disp. 18. lect. 3. ait:

Communis Theologorum sententia id affirmat; & communis Fidelium usus ita habet. Et ibid. num. 48. agens de mortaliis confessis, ait: In contrarium tamen est usus Fidelium, ut circa eiusmodi peccata omnes Sacerdotes absolvant.

Cast. Pal. 394. P. Castro Palao tom. 4. tract.

23. disp. vnicapunct. 14. n. 25. sic afferit: Hic casus vix est possibilis; si quidem frequenter penitentes aliqua peccata venialia, vel mortalia alias legitime confessa confiteri solent, in que omnes Sacerdotes CERTAM iurisdictionem

habent.] IN DUBIO DILEMPTUM HABET

Diana. 395. Antoninus Diana part. 2. tract.

13. resol. 2. finc: In his casibus semper penitens se accusat de aliquo veniali; & cum simplex Sacerdos ad venialium absolutionem IN DUBIO habeat iurisdictionem, absolvens cum opinione probabiliti, gratiam causabit. Et part. 4. resol. 4. idem affermat.

Moya. 396. P. Moya tom. 1. selectar. tract.

3. disp. 8. quæst. 7. n. 3. ait: Si Penitens venalia simul consteatur, omnino CERTA & erit confessionis valor.

Granado. 397. P. Granado in 1. 2. controv.

2. tract. 22. disp. 4. fect. 4. n. 38. hæc habet: Mihi placet opinio affirmans, sufficere, quod confessarius secundum probabilem opinionem habeat iurisdictionem absolvendi, ut licite possit ministrare Sacramentum Penitentie; quia revera nullo periculo exponitur Sacramentum ... quia in confessione semper penitens fateatur aliquid saltem veniale, supra quod CERTVM est esse iurisdictionem in quolibet confessario; & cum aliunde sit probabile, quod possit absolvere a mortalibus, saltem cadet indirecte absolutio supra illa, & ita nulli periculo exponitur.

Lumbier. 398. Raymundus Lumbier 3.

part. Summae n. 1714. fol. 14. 085. sic ait: Tan poco vemos practicar con el que

no est à aprobado; pero esto no nace de qz no sea cierta la jurisdicion, sino que no les ocurre razon, para aviando Confessor aprobado, que se supone que ha de ser mas perito por tener aquel baño, dexar aquel, y ponerse en manos de quien no lo tiene. Quæ sic in latinum sermonem transferes. [Nequic videmus praxim, quod confiteantur venialia ei, qui non habet approbatione. Sed hoc nō oritur ex eo, quod non sit certa iurisdicçio; sed quia non occurrit ratio, vt cum habeant copia confessarij approbati, qui supponitur doctior ob hanc qualitat, hunc deserant, & se subijeciant ei, qui illam qualitatem no habet.]

399. P. Aegidius de Coninck Coninck

disp. 8. de Poenit. dub. 6. n. 41. sic ait: Penitens semper potest confiteri aliqua venialia aut mortalia, qua semel confessus est, in que confessarius habet CERTAM iurisdictionem.

400. Ioannes Sancius in selectis Sancius disp. 44. num. 24. sic ait: In predictis casibus non peccabit contra charitatem, nec iustitiam minister absolvens; dum penitentes aliquod veniale simul cū mortalibus fateatur. Quia cum simplex Sacerdos ad venialium absolutionem indubie habeat iurisdictionem, absolvens gratiam causabit, & sic penitenti nulla irrogabitur iniuria. Et paulo inferius: Hoc iam sub dubio non cadit, sed solum sub scrupulo, ut deducitur ex cap. Omnis utriusque sexus de Penitentij, & Remissionibus. Fillius

401. P. Filliaceus t. 1. tract. 7. cap. 8. q. 10. n. 227. sic ait: In tali confessione semper potest esse materia aliqua, circa quam habeat Sacerdos iurisdictionem CERTAM, ut sunt venialia, ratione cuius absolutio valida erit.

402. P. Fagundez in 2. Ecclesiæ Fagundez præcept. lib 7. num. 15. pro eadem certitudine stare videtur, dum affirmat, hunc semper fuisse vium, & consuetudinem Ecclesiæ, his verbis: Circumvenialia, & mortalia iam rite confessa, & absolta, omnibus Sacerdotibus censetur

- Bonacina.* *tur data iurisdictio ab Ecclesia: & hic
fuit semper usus, & consuetudo illius.*
403. Bonacina tom. 2. disp. 2. de peccatis quæst. 4. punct. 9. n. 19. §. *Præterea*, affirmat tamquam certum posse simplicem Sacerdotem absolvere à venialibus.
- Valencia.* 404. P. Valencia tom. 4. disp. 7. de Poenit. quæst. 10. punct. 2. §. *Præterea*, sic ait: *Vi etiam consuetudinis quilibet item Sacerdos iurisdictionem habet ad audiendam cuiuslibet confessionem de venialibus tantum, itemque de ijs mortalibus, quorum prius etiam confessio facta sit.* Et cum P. Valencia recurrat ad consuetudinem Ecclesiae; & certum sit ex infra dicendis, quod consuetudo dat iurisdictionem, merito censemus, P. Valencia certum existimare valorem Sacramenti in confessione venialium facta simplici Sacerdoti.
- Hurtado.* 405. P. Gaspar Hurtado disp. 10. de Poenit. difficult. 10. id ipsum supponit tamquam certum. Ait enim: *Supponimus, in quo convenientur Doctores, Sacerdotes etiam simplices habere sufficientem, & completem iurisdictionem in mortalia iam legitime confessa, & in venialia, quamvis non confessa. Quod usus, & consuetudine Ecclesia constat.*
- Mendo.* 406. P. Andreas Mendo in Bull. Cruc. disp. 22. cap. 1. n. 2. *Praxis Fideliūm, & consuetudo semper fuit, ut omnes Sacerdotes possint absolvere à mortalibus semel iam rite confessis.* Et pro eodem asserto citat Candidum.
- asqu.* 407. P. Valsquez tom. 4. in 3. q. 93. art. 1. dub. 6. supponit tamquam certum, quemlibet Sacerdotem posse absolvere à venialibus; dicit enim disputari à Doctribus, an hæc potestas concedatur à Christo D. in ipsa Ordinatione, an potius ab Ecclesia, & ipse magis inclinat in eam sententiam, quæ affirmat, eam potestatem concedi à Christo D. In quo manifeste existimat non disputari à Doctribus, an simplex Sacerdos possit valide absolvere à ve-
- nialibus, sed id potius Doctores supponere, & solum inquirere radicem, vnde hæc potestas illi proveniat.
408. Ludovicus à Cruce citanus art. seq. agens de hac sententia P. *Cruze.* Vasquez quam in dubium vertere conatur, sic ait: *Debusset namque (Vasquez) in medium producere textum aliquem, vel authoritatem saltem vnius, duorumve Doctorum gravium ex antiquis, qui digne posset attestari hanc iurisdictionem fuisse ymquam ab Ecclesia simplicibus Sacerdotibus collatam.]* Et idem dicit Philippus Faber ibidem citandus.
409. Sed immerito id afferunt, sunt enim multi Doctores antiqui, qui sine pugna affirmant, id posse Sacerdotem simplicem, & solum inquirunt, an habeat hanc potestatem à Christo D., an ab Ecclesia? quoad hoc solum diffidentes. Ita Cajetanus verb. *Absolutio* 2. §. *Libertas.* Et idem habet tom. 1. opusculor. tract. 7. Paludanus in 4. dist. 19. quæst. 2. num. 25. Capreolus ibidem ad 3. contra 1. conclusionem, Ioannes de Medina cod. de confess. quæst. 40. de confess. voluntate, non necessitate facienda. §. *Ne tamen* (qui lolet pro op. posita citari) vbit ait: *Tacite videtur Papa licentiare peccatorem, ut venialia & peccata mortalia prius confessa confiteantur, cui velint.* Sotus in 4. dist. 18. quæst. 4. art. 2. ad 3. Ruardus art. 3. contra Lutherum, Ioannes Maior in 4. dist. 19. quæst. 1. §. *Sed contra Aureolum.* Sylvester verb. *Confessor.* 1. fin. Canus relectione, de Poenit. part. 5. Ledesma 2. 4. quæst. 7. art. 5. dub. 16. fine. Quos sequuntur quam plurimi recentiores. Hi sunt ultra supra citatos Enriquez lib. 3. de Poenit. cap. 5. num. 4. Kelison quæst. 8. art. 5. dub. 3. Caspensis in cursu Theol. tom. 2. tract. 24. disp. 5. sect. 3. num. 27. Ioannes Præpositus 3. part. *Preposito.* quæst. 7. dub. 5. n. 37. Tannerus tom. 4. disp. 6. quæst. 9. dub. 3. num. 59. Ex quibus Canus, Ruardus, & Mart. de Ledesma

defina (vt refert P. Suarez vbi supra) affirmantes, iurisdictionem in venialia competere iure Diuino omnibus Sacerdotibus, simul affirmant, dari eam consuetudinem in Ecclesia: quae consuetudo ex dictis infert iurisdictionem.

Suarez. 410. Ideo P. Suarez disp. 26. de Poenit. sect. 6. n. 2. affirmat, antiquos Doctores supponere, hanc esse consuetudinem Ecclesie, & num. 5. refert Authores, qui affirmant, *iure Diuino datam esse hanc iurisdictionem Sacerdotibus*. Et addit: *Fundatur vero in Ecclesiæ consuetudine*. Et mox: *Existimo, hanc fuisse Ecclesiæ concessionem, quam consuetudo ostendit*. Quam consuetudinem ibidem saepius repetit. Et loquens de mortalibus iam confessis, num. 6. ait: *Dicendum sine dubio est, eodem modo hanc materiam (mortalia iam confessi) esse subiectam simplicibus Sacerdotibus, quo venialia peccata; quia est eadem consuetudo, & eadem ratio*. Et num. 10. addit: *Et hanc concessionem, seu delegationem à summis Pontificibus manasse, & ex eorum tacito consensu durare; nam hoc sicut ostendit consuetudo, & traditio*. Et de hac consuetudine Ecclesias deponunt P. Valencia, P. Fagundez, P. Gaspar Hurtado, Lugo, Cardinalis, & P. Mendo supra citati.

Valencia.
Fagund.
Hurtado.
Lugo.
Mendo. 411. Hæc certudo iurisdictionis circa venialia, & consuetudinis, ac traditionis confirmatur primo. Nam vt ostendi in 1. part. Cris. Theol. disp. 12. cap. 5. in questione facti sententia communis omnium, aut fere omnium Doctorum facit certitudinem moralam. Nam in questione facti sit probatio plena, & moraliter certa per ingentein numerum testimoni, quamvis uno vel altero refragante: consuetudo autem vniuersalis est res facti: ergo ingens numerus authorum illam affirmantium (uno vel altero refragante) facit probationem plenam, & moraliter certam.

412. Confirmatur secundo. Nam vt ostendi in 2. part. Cris. Theol. disp. 23. cap. 5. art. 7., quoties apud omnes, aut fere omnes fideles est firma persuasio de aliqua obligatione, aut potestate concessa, ea est quædam traditio, quæ facit certitudinem moralam; hæc autem vniuersalis persuasio certo probatur, si omnes, aut fere omnes Theologi vñanimi consensu affirmet, vt disp. 12. probavi num. 75. Atqui omnes aut fere omnes Theologi, vt supra vidimus, hanc consuetudinem, & delegatam cuilibet Sacerdoti potestatem affirmant, & inde probatur firma omnium, aut fere omnium fidelium persuasio: ergo hæc est traditio faciens certitudinem moralam.

413. Confirmatur tertio. Nam, vt constat ex Concilio Trident. sess. 13 cap. 7. Ecclesiastica consuetudo declarat, Trident. obligationem præmitandi confessionem communioni; quod idem est, ac dicere, quod Ecclesiastica consuetudo facit certitudinem moralam eius obligationis: ergo hæc consuetudo Ecclesiastica de potestate cuiuslibet Sacerdotis circa venialia etiam faciet certitudinem.

414. Confirmatur quarto. Est enim certum in iure, quod *Consuetudo dat iurisdictionem*, vt late ostendi art. 6. Cum ergo ex dictis certum sit, quod consuetudo ex dispositione iuris dat iurisdictionem; & ex testimonio Authorum constet, talem de facto dari consuetudinem absolvendi à venialibus sine villa Episcopi approbatione; certum debet esse, quod quilibet Sacerdos habet hanc iurisdictionem in venialia, scilicet antecedenter ad decretum prohibens.

415. Ex quibus omnibus infertur, cum, qui bona fide orta ex opinione probabili circa iurisdictionem Confessarij approbati, constitetur peccata mortalia, & simul etiam venialia, absolvitur directe à venialibus, & si ea

V op-

154 DISERTATIO II. CAPVT VI. ART. IX.

opinio sit coram Deo falsa) indirecte à mortalibus. Nam poenitens vi illius opinionis ignorat invincibiliter oblationem confitendi alteri confessio & ignorare eam obligationem perinde est, ac non recordari peccatorum.

ARTICVLVS IX.

Solvuntur obiectiones contra doctrinam articuli praecedentis.

SVMMARIVM.

Proprius aliqua incommoda prohibentur simplices Sacerdotes absolvere à venialibus. n. 317.

Sed non inde auctoratur iurisdictionis approbato. n. 418.

Tres Autiores, qui negant, esse iurisdictionem in venialia in simplici Sacerdote. n. 419.

Eorum opinio non est probabilis ex sola eorum autoritate contra reliquos. n. 440.

An licet in articulo mortis confiteri simplici Sacerdoti. n. 421.

In articulo mortis ex duobus medijs certis eligendum est certius. n. 423.

In articulo mortis confitens bona fide simplici Sacerdoti securus manet. n. 424.

416. **O**bijcies primo. Innocentius XI. in decreto circa Communionem quotidianam dato Romae die 12. Februarij anni 1679. sic decernit: *Non permittant, ut venialium confessio fiat (simplici Sacerdoti non approbato ab Episcopo, aut Ordinario. Ergo non est verum, ne dum certum, quilibet Sacerdotes, etiam non approbatos, gaudere hac iurisdictione circa venialia; aut saltet, si olim eam haberunt, iam esse sublatam per hoc*

Decretum. Propter hoc argumentum Mag. Hozes putat, non prodesse Confessionem venialium ad assecurandam iurisdictionem probabilem; & prop. 1. n. 25. confirmat: Nam Archiepiscopus Hispalensis, ex facultate sibi data à Rom. Pontifice præcipit sub excommunicatione latè sententia, ne simplici Sacerdoti fiat Confessio venialium. Quo præcepto, & censura ligantur etiam Regulares.

417. Respondetur. Optime datum esse à Pontifice, ne permittatur usus huius iurisdictionis Sacerdoti non approbato propter inconvenientia, quæ ex opposito resiliere possunt. Primum, quia si indoctus sit Sacerdos, nesciet discernere inter mortalia, & venialia; & fortasse existimabit esse venialia, quæ mortalia sunt. Secundum, id iuste interdicitur, ne prætextu absolvendi à venialibus, ausu temerario aggrediantur absolvere à mortalibus, ducti præcipue aliquibus opinonibus improbabilibus, qualis est illa, quæ contendit, posse virtute Crucifixi absolvere Regulares à reservatis, & alia similes. Deinde etiam si vera esset opinio corum, qui dicunt, iure Divino pertinere ad omnes Sacerdotes potestatem absolvendi à venialibus, usus eius potestatis possit prohiberi ab Ecclesia. Ut constat ex Trident. sess. 24. cap. 2. ybi sic ait: *Declarat, hanc potestatem perpetuo in Ecclesia fuisse, ut in Sacramentorum dispensatione, salva illorum substantia, ea statueret, vel mutaret, quæ suscipientum utilitati, seu ipsorum Sacramentorum venerationi, pro rerum, temporum, & locorum varietate, magis expedire iudicaret.*

418. Deinde ex dictis art. 8. initio constat, assertionem, qua affirmamus, securam reddi absolutionem, si Sacerdos habens iurisdictionem probabilem ad absolvendum à mortalibus, audiatur simul venialia, quia quilibet Sacerdos habet iurisdictionem certam in

in ordine ad venialia, loqui expresse de Sacerdote approbato ad audiendas Confessiones: quia nulla est opinio probabilis, quæ doceat, Sacerdotem non approbatum habere iurisdictionem probabilem in ordine ad mortalia. Cum ergo antecedenter ad illud decretum certum sit, quemlibet Sacerdotem habuisse iurisdictionem in ordine ad venialia, & per decretum non auferatur hæc iurisdictione à Sacerdote approbato; fit, Sacerdotem sic approbatum ab Ordinario, si habeat iurisdictionem vere probabilem in mortalia, & cum illis audiat simul venialia, conferre absolutionem certo validam. Si enim coram Deo falsa sit opinio probabilis de iurisdictione eius in ordine ad mortalia, cum habeat iurisdictionem certam in venialia, absolvit directe à venialibus, & indirecte à mortalibus, & ideo Sacramentum remanet certo validum. Quod sepe contingere poterit, nempe quando probabile est, tale peccatum non esse reservatum; & probabile est, esse reservatum. Tunc enim non exponiatur absolutione frustrationi, si hæc cadat etiam in venialia, propter dicta. Et hinc patet ad argumentum, & eius confirmationem,

419. Obijcies secundo. Tres Au-

thores inveneruntur, qui contendunt, simplicem Sacerdotem non habere iurisdictionem pro absolutione venialium: sed hi tres non possunt non facere opinionem probabilem: ergo probabile est, quod simplex Sacerdos caret iurisdictione pro absolutione venialium, & consequenter non est certa sententia, quæ asserit hanc iurisdictionem inesse cuiuslibet simplici Sacerdoti. Maior probatur. Nam Bordonus stat pro opinione negativa talis iurisdictionis tom. 1. Consilior. Regular.

Bordonus. resolut. 36. quæst. 20. num. 57. apud Dianam part. 8. tract. 1. resol. 55. Secun-

dus est Philippus Faber in 4. dist. 17. quæst. vnic. disp. 25. cap. 3. num. 71. *Faber.* apud Dianam part. 5. tract. 14. resol. 86. *Ludov.* *à* Tertius est Ludovicus à Cruce in Bul-*Cruce.* lam Cruciat. disp. 1. cap. 2. dub. 5. num. 13. apud Dianam part. 8. tract. 1. resol. 86. Et hi. Authores eo fundamento nituntur, quod ex Concilio Trident. constat, requiri iurisdictionem ad hoc, ut confessarius absolvat à peccatis. Hanc autem non posse nisi consuetudine vniuersali Ecclesia, cum de ea non reperiatur textus Concilij, vel Pontificis, qui illam iurisdictionem dederit.

420. Respondetur concedendo maiorem, quod illi tres Authores refragentur; & negando minorem, quod eorum opinio sit probabilis ex sola eorum autoritate. Nam, ut dixi in 1. part. Cris. Theolog. disp. 12. num. 18. vbi fere omnes prudentes communī iudicio aliquid testantur, maxime in quæstione facti; si vnuus vel alter refragatur, imprudenter procedit; atque adeo eorum refragatio non potest esse probabilis; & comparatione reliquorum omnium, paucorum authoritas levius est; & vbi est levis authoritas deficit probabilitas. Ad fundamentum autem, quo illi Authores nituntur, sat is constat ex art. præced.

421. Obijcies tertio. Si ea Doctrina esset certa, posset homo in articulo mortis vti opinione probabiliter circa iurisdictionem absolvendi à mortalibus; maneret enim certus valor Sacramenti, si confiteretur peccata mortalia simul, & venialia: sed in articulo mortis debet homo eligere tutissimam viam, quam potest, pro securitate salutis æternæ: ergo ea Doctrina non est omnino certa.

422. Respondeo primo. Vel moribundum habere mortalia simul cum venialibus, vel habere sola venialia? Si enim sola venialia habeat in conscientia

tia, securè procedet, etiam si confitetur simplici Sacerdoti: tum quia nō habet obligationem confitēdi illa venialia; tum etiam quia cum in eo eventu sit obligatus elicere contritionem perfectam, hoc modo securam reddit suam salutem æternam. Quod autem homo in eo articulo teneatur ad contritionem perfectam, ostendit in 2. part. Cris. Theol. disp. 49. cap. 4. num. 30, quia nescit homo *utrum amore, an odio dignus sit*. Eccles. cap. 9. : potest enim dubitare tum de intentione ministrorum in Sacramentis susceptis, tum de diligentia à se rite adhibita, quoad propriam dispositionem, atque adeo debet adhibere medium certissimum, quantum sibi possibile fuerit, pro securitate salutis æternae, quale est contritio charitatē formata. Si vero habeat mortalia cū venialibus, in hoc involvitur alia questio, scilicet an in articulo mortis possit pro mortalibus eligere simplicem Sacerdorem, etiam præsente approbato: de qua inferius dicam.

423. Responderi secundo potest, ex duobus medijs certis, si vnum sit certius alio, in articulo mortis eligendum esse id, quod certius est. Neque enim dubitari potest inter ea, quæ sunt certa, vnum esse posse certius alio. Sié enim certo sumus, quod cognoscimus evidentiā physica; & tamen multo certius est, quod scitur evidentiā metaphysica. Hoc ergo modo dicimus, quamvis sit certum, quod simplex Sacerdos valide absolvit à venialibus, esse tamen certiorem absolutionem datam circa venialia à confessario approbat; & ideo moribundum eligere debere Confessarium approbatum.

424. Id quidem ita est iuxta sententiam eorum, qui dicunt, in articulo mortis non posse hominem eligere simplicem Sacerdotem, præsente ap-

probato. Nam oppositam sententiam defendunt plurimi, iisque gravissimi Doctores nisi illo textu Concilij Tridentini sess. 14. de Pœnitent. cap. 7. vbi sic decernitur: *Verum tamen pie admordum, ne hac ipsa occasione aliquis perreat, in eadem Ecclesia Dei custoditum semper fuit, ut nulla sit reservatio in articulo mortis, atque ideo omnes Sacerdotes, quoslibet paenitentes à quibusvis peccatis, & censuris absolvere possunt.* Et si quidem moribundus confitetur peccata mortalia simplici Sacerdoti bona fide, certum existimo illum manere lecurum de sua æterna salute; sed quia, vt proxime diximus, ex duobus medijs certis in articulo mortis certius eligendum est; ideo præsentē confessario approbato, & simplici Sacerdote, debet eligi approbatus.

ARTICVLVS X.

An in aliquo casu licite possit excommunicatus accipere absolutionem Sacramentalis? Et an pars affirmativa questionis subiaceat hinc damnationi?

SYMMARIAM:

Qui scit, se esse excommunicatum. si accedit ad Sacramentum, percipientem, peccat lethaliter; si ve sit denunciatus, seve non. n. 425.

Si excommunicatus accedit, ut absolvatur Sacramentaliter, conscius excommunicationis, invalide absolvitur. n. 426.

Ea questio, an valida sit absolutione Sacramentalis lata in excommunicatum, procedit de eo, qui est invincibiliter ignarus excommunicationis. n. 427.

Autho-

Authores propugnantes eam absolutio-
nem esse validam. n. 428.

Fundamentum eius opinionis. n. 429.

Authores, qui censem absolutiō-
onem in eo casu esse invalidam. n. 430.

Fundamentum eius opinionis. n. 431.

Opinio Navarri, & aliorum, quod ex-
communicatus, qui satisfecit, & est
contritus, nec potest obtainere absolu-
tionem ab excommunicatione, potest
absolvi Sacramentaliter valde, &
licite. n. 433.

Extra casum necessitatis illicitum est
deducere ad proximam eam opinionem,
quia haec subest huic damnationi. n.

434.

In casu urgentissime necessitatis lici-
tum est deducere ad proximam eam opi-
onem. n. 436.

Necessitas, & impossibilitas sunt cor-
relativa. n. 437.

Ille, cui impossibile est eligere opinionem
tutoriem, non dicitur eligere minus
tutam, velicita tutori. n. 438.

Qui incepit Missam, & ante consecra-
tionem recordatur se esse excommuni-
catus, si timetur scandalum, debet
proseguiri Missam. n. 441.

Inde colligitur in simili casu posse reci-
pere absolutionem Sacramentalem. n.

442.

Opinio, que extra casum necessitatis est
minus tuta, posita necessitate gra-
vissima, jam non est minus tuta. n.

443. & seqq.

Extra casum necessitatis sub quibus-
dam circumstantijs potest excommuni-
catus accipere Sacramentum paenit-
entie. n. 445.

In eo casu supplet Ecclesia defectum va-
loris. n. 446.

In quo etiam casu non eligitur probabi-
lis, velicita tutori. n. 447.

425. **S**uppono cum omnibus Doc-
toribus, peccare letaliter ex-
communicatum, qui conscient excomuni-
cationis, tam quoad ius, quam factum

accedit, ut absolvatur Sacramentaliter, ante quam ab excommunicatio-
ne absolvatur; sicut etiam cum acce-
dit ad quodlibet aliud Sacramentum
percipiendum: quia Ecclesia removet
excommunicatum à perceptione Sa-
cramentorum. Et cum haec sit materia
gravissimo & gravissima, graviter de-
linquir, qui id præceptum Ecclesiæ
violat. Et in hoc differunt excommuni-
catus denunciatus, & non denuncia-
tus: quia dum Concilium Constan-
tientie indulget Fidelibus, ut possint
communicare cum excommunicatis
non denunciatis, expresse asserit, se
in hoc non intendere prosequi favore
excommunicatos: faveret autem illis,
si contulisset eis facultatem recipiendi
Sacramenta.

426. Est ergo quæstio valde con-
troversa inter Doctores, An Sacra-
mentum Pœnitentiæ receptum ab ex-
communicato sit validum, an potius
invalidum? Et omnes supponunt, esse
invalidum, quando conscient excomuni-
cationis, sive quoad ius, sive
quoad factum, intendit accipere abso-
lutionem Sacramentalis, ante quam
absolvatur ab ea censura, quando est
in eius potestate, quod ab illa absolvatur. Et ratio est. Nam qui actualiter
peccat in ipsa confessione, invalide
absolvitur à peccatis, quia accedit in-
dispositus: sed talis excommunicatus
sic accedens ad confessionem, peccat
mortaliter actualiter: ergo in tali casu
invalidum absolvitur à peccatis.

427. Procedit ergo quæstio de
eo, qui bona fide accedit ad confessio-
nem invincibiliter ignorans excomuni-
cationis, vel quoad ius, vel quoad
factum; & etiam de eo, qui ex alia cau-
sa (si forte est alia) accedit cum bona
fide, ut absolvatur Sacramentaliter,
ante quam recipiat absolutionem à
censura.

428. In qua quæstione, prima
opinio affirmat, eam absolutionem

Sacra-

158 DISERTATIO II. CAPVT VI. ART. X.

Sacramentalem esse validam, Ita P. Suarez. Suarez tom. 4. in 3. part. disput. 31. Adrian. sect. 3. num. 6. & tom. 5. disputat. 10. Medina. sect. 3. num. 9. & apud ipsum Adrianus. Soto. Nauarr. Covarrubias, & Caetanus. Et quidem Caetanus. Nauarrus id docuit varijs in locis, sed Tb. Sanc præcipue in cap. Fratres. dist. 5. num. 39. Coninck P. Thom. Sanch. lib. 2. Sunt. cap. 8. num. Lugo. 5. P. Aegidius de Coninck disp. 14. de Cas. Pal. Censur. dub. 5. num. 28. Lugo Cardin. Leand. a. Sacram. disp. 16. de Poenit. sect. 15. §. 2. num. 614. Teletus. P. Castro Palao tom. 6. de Censur. disp. Laym. 2. punit. 7. num. 4. Leander à SS. Sacr. Villalob. part. 4. tract. 2. de Excom. disp. 4. quæst. Alterius 9. & apud ipsum Toletus, Layman, Avila. Villalobos, Alterius, Avila, Victoria, Victoria. Bonacina, Coriolanus, Th. à Iesu, Hen- Bonacina. riquez, Angelus, Angles, Ricardus, Coriol. Monaldus, Valencia, Sayrus, Raynau- Thom. d. tenuit. est valde vrgens. Nam licet po- Valenc. tuerit Ecclesia irritum facere Sacra- Sayrus. mentum Poenitentiae susceptum ab Regnald. excommunicato, auferendo iurisdic- Bauni. tionem ab omnibus Confessarijs res- Graffis. pectu excommunicati; quod tamen Llamas. non ita irritum reddiderit, inde colli- Vgolinius. gitur, primo, quia nullus est textus, Macha. nullum decretum, ex quo ea irritatio Sylvius. jurisdictionis colligatur. Secundo, nam Bassaeus. si id ita fecisset, esset quidem in destruc- Cornejo. tionem, & non in ædificationem, & Diana. contra ipsam Ecclesiæ pietatem erga suos fideles. Nam si aliquis semper maneret oblitus alicuius excommuni- cationis, & ab ea numquam absolu- veretur, maneret semper sine effectu Sacramentum Poenitentiae, licet fre- quenter bona fide susceptum: quod de Ecclesiæ pietate incredibile est.

430. Secunda opinio affirmat, Sa- cramentum Poenitentiae receptum ab excommunicato, quantumvis bona fi-

de, esse prorsus invalidum; quia cen- set, Ecclesiam abstulisse iurisdictionem omnibus Confessarijs in ordine ad excommunicatum, donec legitime ab excommunicatione absolvatur. Ita P. Vasquez tom. 4. in 3. part. tract. de Excom. dub. 4. P. Gaspar Hurtado H. Hurtado Turrian. disp. 4. de Excom. diff. 3. & disp. 8. de Finellius Poenit. diff. 7. P. Luisius Turrianus lib. Ledesma. 2. disp. 9. dub. 4. etiam apud Dianam part. Sancius. 3. tract. 4. resolut. 78. Finellius, Petrus Palud. de Ledesma, Ioannes Sancius, Paluda- Silvest. nus, Silvester, Maior, Gabriel, S. Anto- Maior. ninus, Mart. de Ledesma, Chapeavilla, S. Ant. Megala, & apud Leandrum cit. ultra Mart. relatos, Vivaldus, Felinus, Ioannes de de Ledes- Medina, Gerson, Rosella, Tabiena, & Chaze- Archangelus: qui sunt numero viginti villa, & vnu. Megala,

441. Cuius fundamentum valde Virgili. vrget P. Vasquez desumptum ex cap. final. de Clerico excommunicato, ybi loquens de Clerico celebrante cum Excommunicatione minori, ait Pon- tifex: Peccat autem conferendo Eccle- siaistica Sacra- mента, sed ab eo collata, virtutis non carent effectu: cum non vi- deatur à collatione, sed à participatione sacramentorum, que in sola confessio- pereceptione, remotus. Vbi illud verbum remotus non potest significare dumta- xat prohibitionem: quia etiā ad confe- rendum Sacra- menta ligatus excom- municatione minori habet prohibi- tionem, cum dicat Pontifex, illum peccare conferendo; & simul valere Sacra- menta: ergo qui remotus est à participatione, plusquam prohibitus est, atque adeo non valet Sacra- mentum Poenitentiae ab ipso collatum. Vi- deatur P. Suarez, & Lugo Card. circa solutiones varias, que huic argumen- to adhibentur.

432. Hoc supposito, quod ha- duæ opiniones oppositæ versentur cir- ca valorem absolutionis Sacra- mента- lis collata excommunicato; restat in- quirere, an in aliquo casu liceat ex- com-

PROPOSITIO I.

159

communicato conscientia excommunicationis quoad ius, & quoad factum, recipere Sacramentum Poenitentiae, ante quam absolvatur ab excommunicatione? Sive an licet ei excommunicato deducere ad proximam eam opinionem minus tutam versantem circa valorem Sacramenti?

Nauarrus 433. Nauarrus in Enchiridio cap. 27. cum num. 17. exposuisset triplicem Communionem fidelium, dixissetque tertiam Communionem esse Sacramentorum, & Suffragiorum; num. 18. affirmat, eum excommunicatum, qui vere contritus est coram Deo, & satisfecit, & non potest tam cito consequi absolutionem ab excommunicatione, licite posse accipere Sacra menta. Astrenns enim, excommunicationem maiorem private suffragijs Ecclesie, sic ait: [Tertio privat suffragijs generalibus Ecclesie. Quod tamen non intelligitur de excommunicato vere contrito procurante pro viribus absolutionem. Arg. cap. *Dixi.* & cap. *Magna.* de Poenitentia. dist. 1. Is enim coram Deo est in statu gratiae, & fruitur Communione prima, & tertia.] Tertia autem Communio est suffragiorum, & Sacramentorum, ut iam notavi. Sed oppositum docet idem Nauarrus in cap. *Frates.* de Poenitentia. dist. 5. num. 43.

434. Eamdem opinionem affirmativam sequitur P. Fagundez in 2. Eccl. praecept. lib. 3. cap. 12. num. 7. vbi inter alia, haec habet: [Excommunicatione est pena Medicinalis imposita ab ipsa Ecclesia ad commendationem de licti propter quod imponitur, & ad tollendam contumaciam illius: ergo cum publice constet, excommunicatum esse iam commendatum, & vere, & ex corde poenitentem, & satisfecisse parti, & per illum non stare, quomodo absolutionem procuret; quia v. c. in morbum incidit, nec est in possibiliate, ut aliquem intrudat pro illa;

dicendum plane est, huiusmodi hominem esse capacem Communium Sacrificiorum, imo & *Sacramentorum* Ecclesie; cessante enim ratione legis, cessat ipsa lex, vt de se patet.] Censet ergo P. Fagundez talem excommunicatum posse licite participare Sacra menta.

435. Inquiritur ergo in praesenti, an haec opinio possit licite deduci ad proximum; vel potius an subiaceat huic damnationi?

436. Dico primo. In casu virginissimae necessitatis licitum est, deducere ad proximam hanc opinionem; atque adeo sic excommunicatus (licet excommunicatione sit reservata, & non habeatur copia Superioris) licite poterit recipere Sacramentum Poenitentiae, in casu talis necessitatis. Pro hac stat communis sententia Theologorum, quamvis non in terminis huius damnationis, quae quia novissima est, non potuit attendi ab Authoribus. Admittunt enim propter vitandum scandalum, aut infamiam, aut propter periculum mortis, aut alterius damni gravissimi, posse excommunicatum, etiam excommunicatione reservata, suscipere Sacramentum Poenitentiae.

P. Suarez tom. 4. in 3. p. disp. 31. sect. 3. *Suarez*
num. 6. & 7. & tom. 5. disp. 10 de Ex- *Cast. Pal.*
comm. sect. 3. n. 9. P. Castro Palao tom. *Leand. à*
6. disp. 2. punct. 7. num. 1. Leander à *Sacram.*
Sacr. tom. 4. tract. 2. de Excom. disp. 4. *Coninck.*
quæst. 9. P. Aegidius de Coninck de *Diana.*
Censuris disp. 13. num. 103. & disp. 14. *Præpositus.*
num. 31. Diana part. 3. tract. 4. resolut. *Mercer,*
78. 8. *Et omnia,* & part. 5. tract. 9. resol.
81. citans Præpositum, & Mercerum.
P. Pellizarius in Manuali. Regular. t.
2. tract. 7. cap. 2. sect. 1. citans Sayrum,
& Filliicum, & subiungit: [Qui tamen concedunt, cum præceptum Ecclesie cedat præceptra naturali, quod quis habet vitandi infamian, scandalum, aut periculum mortis, posse excommunicatum, etiam vitandum, in tali

160 DISERTATIO II. CAP. VI. ART. X.

Dicastillo te.] P. Dicastillo tract. 10. de Censuris disp. 2. dubit. 40. n. 633. & plures alij apud ipsos.

437. Ad probationem huius assertio[n]is suppono, necessitatem, & impossibilitatem esse correlative oppositas in codem genere; ita quod si aliquid est physice impossibile, & si aliquid est moraliter impossibile, oppositum est moraliter necessarium. Vnde quia physice necessarium est, cæcum non videre, impossibile physice est, cæcum videre. Et hinc colligitur, quoties datur casus necessitatis moralis, oppositam partem esse impossibilem moraliter.

438. Hinc ostendo primo, quod non incurrit hanc damnationem propositio docens, licitum esse excommunicato recipere Sacramentum Poenitentiae in casu gravissimæ necessitatis. Etenim hæc damnatio procedit de propositione docente in administratione Sacramentorum posse eligi opinionem minus tutam, *relieta tutiori*: sed in tali casu necessitatis non eligitur minus tuta, *relieta tutiori*: ergo propositio, qua id docet, non subiacet huic damnationi. Maior, & consequentia patent.

439. Minor probatur. Non dicitur relinquere tutiorem is, cui impossibile est eligere tutiorem; non enim dicitur relinquere cursum, qui manibus, & pedibus est ligatus; nec relinquere cibum is, qui illum præ in firmitate guttulis transglutire non potest; non aliam ob causam, nisi quia non dicitur relinquere aliquid, qui id consequi non potest. Sed in eo casu illi homini impossibile est eligere tutiorem: ergo non dicitur tunc relinquere tutiorem.

440. Probatur minor, nam cætera patent. In eo casu gravissimæ necessitatis est moraliter necessarium non

eligere tutiorem; quia ipsa necessitas cogit ad eligendam minus tutam; superponimus enim, id esse medium vnicessarium ad fugiendum illud damnum, v.g. scandali: ergo est impossibile moraliter eligere tutiorem. Hæc consequentia patet: quia necessarium, & impossibile sunt correlative opposita, vt iam prænotavi.

441. Ostendo secundo. Nam in Rubrica Missalis de defectibus dispositionis animæ n. 5. sic statuitur. *Si recordetur, se esse excommunicatum, vel suspensum, aut locum esse interdictum, similiter conteratur cum proposito tenuendi absolutionem. Ante consecrationem autem in supradictis casibus, si non timetur scandalum, debet Missam inceptam deserere. Ex quo infertur, quod si excommunicatus incepit Missam, & ante consecrationem recordatus fuerit excommunicationis, si timetur scandalum, debet prosequi Missam.*

442. Vnde sic formatur argumentum. Non minus prohibitus est excommunicatus prosequi Missam, cum recordatur excommunicationis ante consecrationem, quam recipere Sacramentum Poenitentiae: sed quando urget necessitas orta ex timore scandali, potest Missam prosequi: ergo quando adeat similis necessitas, poterit recipere Sacramentum Poenitentiae, si ve absolutio[n]em Sacramentali.

443. Ostendo tertio. Illa opinio, quæ erat minus ruta extra, easum necessitatis, nēpe quod valeat absolutio[n]em Sacramentalis data excommunicato bona fide consitenti, posita ea necessitate scandali, aut alia simili, iam non est minus tuta, sed omnino certa: ergo ea opinio ad proxim deduceta in tali casu necessitatis non incurrit hanc damnationem. Consequentia patet ex tenore propositionis damnatae. Probatur antecedens. In illo casu necessitatis vult Ecclesia, cessare leges excommunicationis, quantum requirit ipsa necessitas.

necessitas; ideo enim iniungit Sacerdoti excommunicato, qui inter celebrandum recordatur excommunicationis, ut prosequatur omnino Missam in ea necessitate scandali vitandi, quia non vult tunc excommunicationis legem habere suum effectum: ergo eriam in simili casu necessitatis recipiendi Sacramentum Poenitentiae, Ecclesia vult cessare legem excommunicationis, quantum requirit ipsa necessitas. Sed lex excommunicationis, iuxta opinionem tuiorem, auferit iurisdictionem a Sacerdotibus ad absolvendum Sacramentaliter excommunicatum: ergo ex intentione Ecclesiae cessat ea ablatio iurisdictionis pro illo casu necessitatis, atque adeo certum est, quod valet pro tunc ea Sacramentalis absolutione excommunicati.

444. Itaque ex eo, quod Ecclesia in ea necessitate scandali vitandi iniungat illi Sacerdoti excommunicato, ut prosequatur Missam, infertur, quod in eo casu vult cessare legem excommunicationis: ex eo autem quod velit cessare in eo casu legem excommunicationis, infertur, quod vult etiam eam cessare in simili casu absolutionis Sacramentalis, cum non sit maior ratio unius, quam alterius. Ex eo autem quod velit cessare legem excommunicationis in eo casu necessitatis absolutionis Sacramentalis, infertur, quod cessat lex de ablitione iurisdictionis, atque adeo quod persistit iurisdictionis, & absolutio Sacramentalis est valida.

445. Dico secundo. Etiam in casu, qui non est urgentis necessitatis, quando per ipsum excommunicatum non stat, quominus absolvatur, & iam satisfecit, vel est omnino impotens satisfacere, potest, secluso scando, accipere Sacramentum Poenitentiae, & absolvitur a peccatis; & opinio id afferens non subiicitur huic damnationi. Inferetur conclusio ex dictis art. 6.

446. Etenim defectum valoris ex

parte iurisdictionis supplet Ecclesia, quando adest opinio vere probabilis, & communiter recepta tamquam probabilis, circa valorem talis iurisdictionis; & ex hac circumstantia supplementis Ecclesiae fit certus ille valor: sed circa eum casum praefati excommunicati adest opinio communiter recepta tamquam probabilis de valore iurisdictionis pro absolutione Sacramentali, ut constat ex n. 428., ubi pro ea numerati sunt quadraginta doctores: ergo in eo casu Ecclesia supplet defectum iurisdictionis, atque adeo ex hac circumstantia redditur certus valor iurisdictionis, & consequenter valor absolutionis Sacramentalis.

447. Tum sic. Huic damnationi subiicitur propositio, quae docet eligi posse opinionem probabilem circa valorem Sacramenti, relictâ tutiori: sed ubi propositio supponit circumstantiam, ex qua certus reddatur valor Sacramenti, non docet eligi posse opinionem probabilem circa valorem, relictâ tutiori; cum ea circumstantia faciat, eam iam esse sententiam, non probabilem, sed certam: ergo propositio, quae supponit eam circumstantiam, non subiicitur huic damnationi.

ARTICVLVS XI.

An licite possit fidelis petere absolutionem Sacramentalem ab excommunicato tolerato? Et an opinio affirmativa subiaceat huic damnationi?

SUMMARIUM.

Discrimen excommunicati tolerati, & non tolerati. Et licitum est communicare cum tolerato. n. 448. Referuntur opinio afferens non esse via-

X

lis

lidam absolutionem datam à tolera-
to, & altera opposita, n. 449.
Non subiacet damnationi sententia, quæ
docet validam esse absolutionem da-
tam ab excommunicato tolerato. n.
n. 450.

Opinio, quæ docet confessarium excom-
municatum toleratum carere iuris-
ditione, non est probabilis; imo in-
compossibilis est cum Extravag. Ad
evitanda. 452.

448. **N**ota est distinctio excom-
 municati tolerati, & non
 tolerati. Nam ille, qui denunciatus
 est, aut est notorius Clerici percussor,
 est non toleratus. Est autem toleratus,
 qui excommunicationem incurrit
 non denunciatam, neque incursam ob-
 notoriam Clerici percussionem. Est
 etiam apud omnes notum, licitum esse
 communicare tam in Divinis, quam
 in humanis cum tolerato; secus cun-
 non tolerato.

449. In hac autem quaestione ali-
 cui dicendum videbitur, ex vi huius
 damnationis non esse licitum petere
 absolutionem Sacramentalem ab ex-
 communicato tolerato propter hoc
 argumentum. Sunt enim duas opinio-
 nes circa valorem eius absolutionis
 Sacramentalis. Prima quæ videtur el-
 le Adriani quæst. 3. de Baptismo afse-
 rens non esse validam. Secunda autem
 communis inter Theologos, & iuri-
 prudentes, quæ affirmat esse validam:
 hæc ergo secunda est minus tutæ: ergo
 iuxta hanc damnationem, debemus
 sequi eam, quæ tutior est; atque adeo
 ea, quæ docet posse deduci ad præxi-
 mæ hanc opinionem minus tutam, conti-
 netur sub hac damnatione.

450. Sed hoc non obstante, di-
 cendum est, hanc secundam senten-
 tiæ non subiacere damnationi, &
 consequenter eam licite posse deduci
 ad præxi. Ratio est: quia sententia
 de valore eius absolutionis non est

mere probabilis, sed omnino certa; at-
 que adeo dici non potest, eam, quæ ne-
 gat valorem Sacramenti Pœnitentiaæ,
 esse tuitorem. Ea enim clarissime con-
 stat ex Extravag. *Ad evitanda*, quæ
 est Concilij Constantiensis, & ab om-
 nibus fidelibus in Ecclesia est vsu re-
 cepta; vbi expresse dicitur, neminem
 teneri vitare alterum ratione alicuius
 sententiaæ, vel censuræ in Sacramen-
 tum receptione, vel administratione
 &c. nisi sit denunciata, vel sit propter
 notoriam Clerici percussionem. Cer-
 tum autem est, id non posse verificari,
 nisi in ipsis confessarijs persistat iuris-
 dictio, ut sic possiat communicare in
 administratione Sacramentorum cum
 excommunicatis toleratis.

451. Huius sententiaæ sunt omni-
 nes illi Doctores, qui affirmant, non
 esse licitum in administratione Sacra-
 mentorum sequi opinionem minus
 tutam; & ex alia parte docent, licitum
 esse in præxi administrare Sacra-
 mentum Pœnitentiaæ excommunicatis to-
 leratis in præfato casu necessitatibus.
 Ita P. Suarez de Pœnit. disp. 26. sect. 6. Suarez.
 num. 3. & 6. Et P. Enriquæ lib. 13. Henr. I.
 Summ. cap. cap. 6. num. 3. id concedit
 tamquam licitum Parochio incurso in
 excommunicatione occultam. Et
 plures alii cum maior extensiōne.

452. Ad fundamentum partis
 oppositæ initio propositum, respödeo,
 illam opinionem, quæ affirmat, non
 esse probabilem, ut pote incompossi-
 bilem curia extrayaganti relata. Ne-
 que obstat, quod ea sit opinio vnius,
 vel alterius scriptoris: tum quia vnius,
 vel alter scriptor non facit opinionem
 probabilem contra communem omni-
 um, vel fere omnium Doctorum,
 nisi sit virgenti ratione munitus: tum
 etiam quia contra principium certum
 nulla est probabilitas extrinseca.

453. Et ideo Sacmentum Pœ-
 nitentiaæ datum ab excommunicato
 tolerato esse validum, si concurrant
 ceteræ

Avila. cætera requisita, est sententia communis. Ita Avila de Censuris part. 2. cap. 6. disp. 3. dub. 4. §. *Tertia opinio*, & apud Angel. ipsum Caietanus, Angelus, Petrus Sot. Victoria, Nauarrus, & dicit esse Nauarr. communem junioribus. P. Suarez de Suarez. Censur. disp. 10. sect. 2. concl. 2. P. Cast. Palao tom. 6. de Censur. disp. 2. punct. Corinek 8. num. 4. P. Egidius de Coninck disp. Hurtad. 14. de excommunicat. dub. 5. num. 34. P. Gaspar Hurtado disp. 4. de Excommunicat. difficult. 3. num. 12. & committit Doctores.

ARTICVLVS XII.

*An revalidanda sunt confessio-
nes eorum, qui sicuti sunt opinio-
nem minus tutam circa Valorem
Sacramenti, sive ante, sive post
hoc decretum Innocentij
XI?*

SVMMARIVM.

Confessiones invalidæ repetende sunt.

n. 454.

*Confessiones, quæ sunt iuxta opinionem
minus tutam circa valorem, cum ad-
vertentia huius Decreti, revalidan-
de sunt.* n. 455.

*Confessiones, quæ cum ignorantia invin-
cibili huius Decreti sunt, vel prius
factæ & fuerunt iuxta opinionem mi-
nus tutam circa valorem, non sunt
necessario repetendæ.* n. 456. & seqq.

*Opinio restixa, & practica circa valo-
rem Sacramenti minus tutæ est im-
probabilis.* n. 459.

454. *C*ertum est inter omnes Theologos, eas confessio-nes revalidandas esse, quæ fuerunt invalidæ. Cuius defectus plura capita enumerant Theologi in materia de-

pœnitentia, imo etiam & Catechistæ. Est ergo quaestio præsens, an confessiones, quæ sunt ex opinione ratus tuta circa valorem Sacramenti, sint invalidæ, atque adeo repetendæ, saltem post decretum hoc Innocentij XI.

455. Dico primo. Confessiones, quæ sunt iuxta opinionem minus tutam circa valorem, cum advertentia huius decreti, & obligationis illius, sunt invalidæ, atque adeo revalidæ. Patet conclusio. Nam ubi homo peccat mortaliter in ipsa confessione, confessio est invalida defectu dispositionis requisitæ, ut late ostendi in 3. part. Cris. Theolog. disp. 70. cap. 4. art. 2. sed qui cum advertentia huius decreti, & obligationis illius confitetur secundo opinionem minus tutam circa valorem, peccat mortaliter in ipsa confessione: ergo facit confessionem invalidam, atque adeo repetendam. Maior patet; quia habere contritionem, & simul peccare mortaliter actualiter, sunt actus incompossibles. Minor etiam patet. Nam qui cum ea aduententia confitetur, in re tam gravi violat præceptum Pontificis, & in praxi opponitur eius declarationi, quæ tamquam irrefragabilis admittenda est, conformando mores ad illam.

456. Dico secundo. Confessiones, quæ ex ignorantia, vel inadvertentia invincibili huius decreti sunt, vel quæ ante decretum sunt factæ reputandæ sunt validæ, atque adeo non repetendæ. Ratio est: quia cum nemo sciat, vtrum amore, an odio dignus sit, sufficit, quod poenitens habeat credulitatem probabilem de obtenta gratia Sacramenti: sed in eo casu poenitens habet eam credulitatem probabilem de obtenta gratia Sacramenti: ergo id sufficit, ut Sacramentum antea receprum censeatur validum. Habet autem eam credulitatem probabilem virtute

X 2 op-

opinionis probabili, quamvis illa sit minus tuta.

457. Confirmatur. Nam ideo in casu primæ conclusionis confessio evadit nulla, quia poenitens scienter operatur in re tam gravi contra præceptum, & declarationem Pontificis: sed qui habet inadvertiam invincibilem eius decreti, non operatur contra illud; & præterea supponimus concurrere cætera requisita: ergo non est ratio, ne que caput, vnde ea confessio reputanda sit nulla, & repetenda.

458. Obijcies contra primam conclusionem. Qui sequitur opinionem probabilem, non peccat, quamvis opinio probabilis sit minus tuta: quomodo ergo dicitur peccare in confessione ille, qui confitetur iuxta eam opinionem probabilem?

459. Respondeò iuxta dicta cap. 2. hic intervenire duas propositiones longe diversas, vnam directam, & a teram reflexam. Directa est: *Ista confessio ventalium sine dolore formaliter, & cum solo virtuali est valida.* Propositio reflexa est: *in praxi licitum est uti hac opinione.* Et prima propositio est ad summum probabilis ab extrinseco ob authoritatem suorum Doctorum. Secunda vero reflexa est improbabilis propter hoc decretum Innocentij XI. Quare distinguendum est antecedens: qui sequitur in praxi opinionem probabilem speculativam, & directam, non peccat, nego; qui sequitur opinionem practicam, & reflexam, qua vere si probabilis ut talis, concedo. Illa autem, de qua loquitur antecedens, falsa est, ut pote minus tuta, & procedens circa valorem Sacramenti, ut iam dixi. Quod autem ex propositione directa non inferatur ea propositio reflexa, late ostendi in 1. part. Cris. Theol. disp. 15. cap. 4. art. 2.

CAPVT VII.

Examinatur, quænam opiniones excludantur per hoc decretum circa Sacraenta extrema Vnctionis, & Ordinis.

ARTICVLVS I.

An, & quomodo Oleo benedicto pro Extrema Vnctione possit admisceri Oleum non benedictum, ita ut certus maneat valor

Sacramentis?

SVMMARIVM.

Prima opinio docens, posse fieri plures additiones olei non benedicti. n. 460. Opposita sententia, & eius Autores. n. 461.

An prima sententia ut pote minus tutta subiaceat huic damnationi?

Et refertur controversia orta inter viros doctos Hispalenses. n. 462.

Aliqui afferebant, primam sententiam esse certam ex praxi Ecclesiarum Hispania. n. 463.

Item ex cap. Quod in dubijs. Deinde ex S. Thoma, & ex alijs fundamentis. n. 464.

Opposita opinio negans fulciebatur ex eo, quod fundamenta affirmantis erant solum probabilia, & talis opinio erat minus tuta. d. 465.

Illusterrimus Archiepiscopus Hispalensis decrevit consulere Sacram Congregationem. n. 466.

Refertur libellus supplex ad Sacram

Con-